

COMMENTARII  
COLLEGGII  
CONIMBRICENSIS  
SOCIETATIS IESV,



*In Libros Aristotelis, qui parva Naturalia appellantur.*



LVGDVN I,  
EX OFFICINA IVNTARVM.

CIO. 13. XCIII.

PROOEMIUM.

Res operi  
subiecta.

**L**IBRI Aristotelis, quos nostrates Philosophi  
parua naturalia, id est, parua de rebus natura opu-  
scula inscripserunt, supplementa quadam sunt libro-  
rum de anima. Continent enim explicationem  
quarundam affectionum, quae aut omnibus uiuen-  
tibus conueniunt, ut mors & vita; aut solis animantibus, ut vi-  
gilia, somnus, respiratio. Sequimur autem in hoc opere eandem  
methodum, & scribendi rationem, quam in Meteoris ob eas  
causas, quas ibidem exposuimus. Quod tamen ad libros de sensu  
& sensili attinet, in quibus Aristoteles de sensuum organo, eo-  
rumque obiectis potissimum disserit, statuimus nihil hoc loco  
in eos commentari, quod tota ea disputatio abunde  
tractata, atque illustrata à nobis sit in libris  
de anima, quos unà cum libris de  
ortu, & interitu propediem  
fauente Deo in lu-  
cem edemus.

IN



# IN LIBRVM DE MEMORIA, ET REMI- NISCENTIA.

*Quid, & quotuplex sit memoria.*

## CAPVT I.



**M**EMORIA fuso vocabuli significatu tribus modis à Philosophis accipitur, vt tradit partim M. Albertus in summa de homine tractatu de memoria, partim alij variis in locis. Primum pro ipsa facultate, seu potentia, qua recordamur: secundò pro recordàdi actu: tertio aliquantulum improprie pro habitu, seu imaginibus, quarum interuentu memorandi actus exercetur. Quod ad primum attinet potentia recordandi nihil aliud est, quàm vis animæ, quæ rerum cognitarum imagines, tanquam depositum recondit, ac seruat, vt eas, cum opus fuerit, exhibeat. Quod pertinet illud D. Damasceni lib. 2. fidei orthodoxæ c. 20. *Vis ea qua meminimus, est memoria, ac recordationis origo, & promptuarium:* & illud D. Augustini lib. 10. Conf. cap. 8. *Omnia recipit recolenda, cum opus est & retractanda grandis memoria recessus, & nescio quid secreti, atque ineffabiles sinus eius; qua omnia, suis quaque foribus, intrant ad eam, & in ea reponuntur, nec ipsa tunc intrant, sed rerum sensatarum imagines illic præstunt cogitationi reminiscenti eas.*

*Memoria tribus modis accipitur.*

*D. Damasc.*

*D. August.*

PORRO (vt præter alios edisserunt Simplicius tertio de Anima text. 20. D. Thomas 1. p. q. 79 art. 6. Alensis 2. p. q. 69. m. 1. art. 1. Scotus in 4. d. 45. q. 1.) memorandi facultas duplex est, vna sensitiva, quæ in capite sedem obtinet: altera intellectiva, quæ in ipsa animi nostri substantia insidet. De sola autem sensitiva agit Aristoteles hoc in libro, cum doceat memoriam esse phantasmatum: & in ea tantum animæ parte sitam esse, in qua imaginatio consistit. De eadem locutus est D. Damascenus loco ante citato statuens memoriam organum esse posteriorem cerebri ventriculum, quem occipitum vocat. Intellectiuam tradidit Aristoteles 3. de Anima

*Memoria sensitiva.*

*Memoria intellectiva.*

cap. 4. text. 6. cum docuit animam esse locum specierum, non totam, sed intellectum: de qua etiam interpretandus est D. Augustinus lib. 10. de Trinit. c. 11. cum ait memoriam, intelligentiam, & voluntatem vnam esse mentem, hoc est, in vna eademque mente inherere.

Esse verò admittendam istiusmodi intellectiuam memoriam ex eo constat, quia recordamur rerum vniuersalium, & immaterialium, quarum notio non in potentiā organo corporis affixam, sed in aliam facultatem nobiliorem, & materiæ expertem cadit. Item, quia cum pars sensitua habet thesaurum specierum ad memorandum, potiori iure eundem obtinebit intellectiua pars, quæ excellentior est. Præterea, quia anima separata recordatur eorum, quæ in hac vita gessit, vt affirmat D. Augustinus in Psal. 108. & D. Gregorius quarto libro Moralium capite quadragesimo secundo, constatque tum ex sermone Abrahami ad diuitem Luc 16. Recordare fili, quia receperisti bona in vita tua, Lazarus autem similiter mala: tum ex verbis ipsius diuitis, qui recordabatur quinque fratrum, quos inter viuos habebat.

Quare minimè audiendus est Anicenna, qui lib. 6. Naturalium part. 5. cap. 6. intelligibilium specierum thesaurum homini denegat aien non conseruari in mente humana species intelligibiles, totamque intellectiue recordationis vim referens ad irradiationem illius intelligentiæ, quam finxit cœleste quoddam lumen infundere in animam nostram, vt rerum notitiis imbuetur. Cuius erroris confutationem lege apud D. Thomam 1. p. q. 79. art. 6. & libr. 2. contra gent. cap. 74. Vide etiam Scotum in 1. d. 3. quæst. 6.

*Discutitur num memoria intellectiua propriè  
memoria sit, an non.*

## CAPVT II.



*Negatiua  
partis arg.*

Væri solet etiam inter eos, qui intelligibilium specierum thesaurum in nostris animis dari consentitur, vtum memoria intellectiua simpliciter ac propriè memoria dicenda sit. Nonnulli partem negatiuam amplectuntur eo potissimum argumento, quod ad memoriam requiratur perceptio determinatæ differentiæ præteriti temporis:iquidem non nisi rei præteriti recordamur. Ea verò perceptio, cum non sit abiuncta à singularibus conditionibus, non videtur spectare per se ad intellectum, sed ad sensum. Cui opinioni haud obscure adstipulatur Diuus Thomas libro secundo, contra gent. capite 74. hisce verbis: *Memoria in parte sensitiua ponitur, quia est alicuius; prout cadit sub determinato tempore: non enim est nisi præteriti.* & cum non abstrahatur à singularibus conditionibus

non pertinet ad partem intellectuam, quæ est vniuersaliū. Sed per hoc non excluditur, quin intellectus possibilis sit conseruatiuus intelligibilium, quæ abstrahuntur ab omnibus conditionibus particularibus. Hæc D. Thomas: quibus similia docuit M. Albertus in summa de homine, tract. de memoria.

PROPOSITA dubitatio ita expedienda est. Si dicamus ad rationem eius memoriæ, quæ absolute ac propriè memoria vocatur, requiri, vt eadem potentia habeat in se species, quæ res singulares, & determinati temporis differentias repræsentent; tunc iuxta eorum sententiam, qui arbitrantur hoc vitæ statu non dari in nostro intellectu imagines rerum singularium, asserendum est memoriæ intellectuam, quæ animæ in corpore existenti conuenit, non esse absolute proprièque memoriā. Quod placet M. Alberto, & D. Thomæ loco citato & Ferrariensi in commentariis libri 1. contra gent. cap. 74. Si autem statuamus vel dari species illas rerum singularium in intellectu nostro: vel ad rationem prædictæ memoriæ non oportere, vt in eademmet potentia eiusmodi species hæreant; & conseruentur; sed sufficere inesse illas in phantasia à cuius actu intelligendi vis ad singularem notitiam determinetur; pronuntiandum erit memoriā intellectuam propriè & absolute memoriā esse; quod affirmat Scotus in 4. distinct. 45. quæst. 3. Vtrumlibet horum, probabilitatem habet, vt constat ex iis, quæ de cognitione singularium, & de speciebus intelligibilibus partim in 1. Physic. partim in 3. de Anima à philosophis in vtramque partem disputari solent. Quæ non est cur à nobis in præsentia aut repetantur, aut anticipentur.

Solut. dub.

In nostris cō-  
ment. 1. Phys.  
ca. 1. quæst. 4.

ERIT etiam qui petat, quo pacto anima separata recorderetur singularium, cum ad eiusmodi actum non possitiam determinari ab interno sensu. Quæ dubitatio locum habet apud eos qui putant in intellectu, dum est in corpore, non imprimi species rerum singularium, ac proinde nec eas inde acceptas animam secum deferre. Respondendum cum D. Thomæ 1. part. quæst. 99. art. 4. animam separatam cognitione naturali cognoscere, meminisseque singularia per species sibi inditas in abiectū à corpore; eiusmodi enim species determinatè illi repræsentant singularia cum suis conditionibus, si non omnia, saltem ea, ad quæ peculiarem obtinent habitudinem, vel ob antecedentem notitiam, vel ob aliquam affectionem, aut aliud quid ex diuinæ providentiæ ordine. In sententia vero illorum, qui arbitrantur nostrum intellectum in hoc vitæ statu haurire à sensibus imagines rerum singularium, nullam ingerit difficultatē proposita quæstio: cum anima à corpore abiuncta per eiusmodi species recordari possit rerum singularium; quæ iis repræsentantur. Quod ad finem librorum de Anima in tractatu de anima separata planiùs disseremus.

De recorda-  
tione anima  
separatæ.

*Memoriam intellectiuam non esse facultatem re, aut  
essentia ab intellectu distinctam.*

## CAPVT III.



**Q**UÆSTIO est, num memoria intellectiua & intellectus differtant inter se tanquam duæ potentia. Putant nonnulli, quos commemorat Richardus in 2. distinctione 14. quæstione 1. circa secundum principale, quibus ipse etiam libentiùs

1. argu. partis  
affir.

assentitur, videturque hæc pars hisce rationibus concludi. Mens humana dicitur ad sanctissimæ Triadis imaginem diuinitus efformata; quia ut in vna essentia diuina tres sunt personæ, ita in anima tres potentia, intellectus, memoria voluntas. Non igitur

2. argum.

memoria & intellectus eadem facultas sunt. Item memoria tendit in rem cognitam, ut cognita est, intellectus in rem absolute spectatam: ergo cum diuersa ratio obiecti, potentiarum distinctionem arguat, diuersæ potentia erunt intellectus, & memoria.

3. argum.

Tertio eadem causa distinctionis videtur esse in viribus sensitiuis, & in intellectiuis: sed in viribus sensitiuis alia potentia apprehendit, alia conseruat: quæ enim per communem sensum apprehenduntur, seruantur in phantasia, quæ per imaginationem, in memoria; ut alibi ostendimus, traditque Auicenna 6. Natur. lib. 4. cap. 1. Non est igitur, cur intellectus à memoria intellectiua non distinguatur. Accedit testimonium D.

D. August.

Augustini 10. de Trin. cap. 11. vbi tria in mente constituit memoriam, intelligentiam & voluntatem, additque horum vnum, nempe intelligentiam oriri ex memoria. Cum igitur nihil ex se ipso oriatur, patet memoriam, & intellectum non eandem esse animi facultatē, sed aut re, aut saltem essentia inter se distingui.

Responsio ad  
quæst. 1. ratio  
pro parte ne-  
gat.

**A**SSERENDVM tamen est intellectum, & memoriam intellectiuam, vnā eandemque esse animi facultatem, nec re, nec specie diuersam. Primum quia eiusdem est seruare habitus, & iis viuere intellectus seruare habitus memorandi, id est, species intelligibiles; ut docet Aristoteles lib. 3. de Anima cap. 4. text. 7. vbi intellectum patientem appellat locum, seu thesaurum specierum. Quare idem intellectus, eademque facultas erit, quæ iis viuere intelligendo, & memorando. Secundò, quia simplex rei cognitio, & recordatio non inueniunt in obiecto discrimen per se, sed accidentarium tantum: illa enim fertur in rem absolute; hæc in re, ut antea cognitam: quæ rationes non per se variant obiectum. Tertio, quia frustra ponitur facultatum multitudo, vbi sat est vna eademque potentia: sat est autem vna potentia ad intelligendum, & recordandum, non minus, quam ad apprehendendum, & iudicandum: stabiliturque argumentum, quia reminiscentia, qua rerum immaterialium recordamur, constat ex discursu

Cam D. Tho.  
1 part. q. 79.  
art. 7.

2. Ratio.

3. Ratio.

De hac re D.  
Damasceni 2.  
Fid. cap. 12. d.  
Augu. lib. 14.  
de Trin. c. 12.  
et lib. 12. c. 4.  
D. Basi hom.  
10. in Genes.  
Rupert. lib. 2.  
de Trinitate. et  
eius op. cap. 3.  
et 5.

discursu circa res immateriales, qui necessitati ad intellectricem vim pertinet, cuius est circa talia discurrere.

ARGVMENTA verò quæ oppositum suadebant, paruo negotio diluuntur. Ad primum dicendum rationem imaginis, & similitudinis, quæ in nostra anima comparatione Dei inuenitur, spectari præcipuè secundum actus verbi amoris, vt declarat D. Thomas prima Parte, quæst. 93. art. 7. & Durandus in 1. distinct. 3. parte 2. quæst. 3. quia videlicet vt pater in diuinis per actum notionalem suæ intellectiōis gignit Filium; & Pater simul ac Filius per actum amoris vtrique communem spirant Spiritum sanctum: ita noster animus cogitando interius format conceptum, seu verbum: & ex hoc in amorem rei cognitæ prorumpit. Verum quia principia actuum sunt potentia, atque habitus: & vnumquodque virtute in suo principio continetur, monet ibidem S. Thomas posse etiam Trinitatis imaginem in nobis attendi secundum potentias, prout in eis actus virtute existunt. Non tamen oportet prædictam similitudinem in eo cerni, vt quemadmodum in vna essentia diuina tres sunt personæ realiter distinctæ: ita in nostra anima tres sunt potentia, intellectus, memoria, & voluntas re, aut specie diuersæ: sufficit enim numerari vtcunque tres potentias: & si earum aliqua essentiali & reali discrimine distinguantur, nimirum voluntas & intellectus, itemque memoria & voluntas: aliqua accidentariò tantum, videlicet intellectus & memoria. Lege D. Thomam in quæstionibus de Veritate quæst. 10. art. 3. & in 1. dist. 3. quæst. 4. art. 1.

*Solut. 1. art. per parte trinitatis vt nostra anima sit impressa.*

Ad secundum dicito rem in se, & rem vt cognitam, non includere rationes, quæ per se variant obiectum, atque essentia discrimen inuehant.

*Solut. 2.*

Ad tertium, organum memoriæ exigere temperamentum, quod obseruiat diuturnæ cōseruationi: officia verò sensus communis, & imaginationis eam qualitatū compositionem requirere, quæ tantummodo apta idoneaque sit ad facile recipiendū: hanc autem à priori necessariò diuersam esse, quia mollia promptè recipiunt, male retinent: dura pertinaciter seruant, ægre recipiunt. Vnde est quod sensus communis, cuiusque thesaurus in diuersa parte cerebri debent consistere, similiterque imaginatio & eius Promptuarium (si tot sensus interni constituendi sunt, qua de re alibi.) Ex quo sequitur has potentias vt situ, ita & re ipsa inter se distingui. In intellectu autem & memoria intellectrici longè diuersa ratio est. Nam cum in corpore non hæreant, haud quaquā ad functiones suas obeundas organorum & temperamenti diuersitatem exposcunt. Ad vltimum, cum D. Augustinus ait intelligentiam otiri à memoria, nihil aliud velle, quàm intelligēdi actum elici à specie residente in intellectu, qui prout imaginibus recordationi obseruiantibus consignatus est, memoria, & intellectus fecundus vocatur. Aduertit etiam D. Thomas

*Solut. 3.*

*Solut. 4.*



1. parte, quæst. 79. art. 7. cùm idem D. Augustinus in lib. 10. de Trinitate. cap. 11. & 12. ponit in mente memoriam, intelligentiam, & voluntatem non hæc accipere pro tribus potentiis, sed memoriam pro habituali animæ retentione, intelligentiam pro actu intellectus, voluntatem pro actu voluntatis.

*Memoriam sensitiuam conuenire etiam brutis,  
& si non omnibus.*

#### CAPVT IV.

*Indicia memoria in brutis.*



VoD ad memoriam sensitiuam attinet, eam brutis quoque animatibus conuenire palam est; licet non omnibus. Huius assertionis priorem partem tradit Aristoteles in lib. de memoria & reminisc. cap. 1. & lib. 1. Metaphy. cap. 1. & lib. 7. Ethic. cap. 3. D. Augustinus lib. 10. Confess. cap. 17. & lib. 1. Musicæ, cap. 4. aliique auctores communi assensu. Eamque satis probant manifesta memoriæ indicia, quæ in brutis deprehenduntur; quale est, vt alia omittamus, identidem certa loca, nidos, latibula repetere; & sobolem suam cognoscere. Item quia, vt tradit Aristoteles lib. 4. de historia animalium cap. 10. & Plinius lib. 10. Naturalis historiarum, cap. 75. compertum est præter hominem, somnare etiam equos, canes, boues, oues, capras, & denique genus omne quadrupedum, & viuiparorum. Quod priuatim in canibus declarat ipsorum latratus per quietem. Non somniant autem bruta, nisi haberent in somniis occurrentes præteritarum rerum imagines, asseruatas in interno sensu; haud dubie ad memoriæ munus.

*Aristot.*

*Quia bruta carcant memoriam.*

POSTERIOREM partem assertionis, videlicet memoriam non omnibus brutis conuenire, tradit Aristoteles lib. de memoria & reminiscencia, cap. 1. & 1. Metaphy. cap. 1. probaturque ex eo quia quæ solo gustu & tactu prædita sunt, ac res præterites tantum cognoscunt, memoria caret, veluti conchylia, cæteraque eiusmodi marinis scopulis adhærentia. Nec enim indigent memoria; cùm hanc ob id potissimum natura brutis concedat, vt locum antea cognitum adire possint, noxium aliquid fugiendi aut iucundum consecretandi gratia. Vnde est etiam quod nec omnia, quæ locum mutant memoriæ habent, vt lumbrici, cochleæ, & alij quidam vermes, qui huc illuc vagantur, nec ad certa loca redire deprehenduntur. Sunt tamen qui omnia, quæ quoquo modo mouentur loco memoria pollere existiment, vt D. Thomas 1. Metaphy. lect. 1. Sunt, qui non omnia, quæ ad easdem sedes remeant, memoriam vendicare putent, vt M. Albertus tract. 1. eiusdem operis, cap. 6. ait enim muscas, quas constat eundem cibum importune repetere, non habere memoriam: quod ex eo suadet, quia flabello repulsæ identidem se ingerunt. Non enim id facerent

*Opinio D. Thoma.*



id facerent si plagæ acceptæ recordatētur. Neutra tamen harum opinionum placet. Non prima, quia sola mutatio loci nō est sufficiens memoriæ argumentum, cum videamus quædam animantia ubi primum in lucem edita sunt, confestim ab vno loco ad alium progredi, quæ tamen memoriæ ductu nō dum agi queunt, vt planum est. Non secunda, quia muscæ non ex obliuione plagæ ed redeunt, vnde abiguntur, sed quia ob stoliditatem, vrgente præsertim rei delectabilis appetitu, minùs sibi consulunt. Quin potius illa eiusdem loci repetitio signum memoriæ est: nec enim eodem redirent, nisi loci memoriam haberent.

*Musca memoria prædita sunt.*

*Non esse negandum competere piscibus memoriam.*

## CAPVT V.



**Q**UÆRI solet, num memoria piscibus insit, an non. Ratio dubitandi in eo est, quia animantia aquatilia sunt deterioris notæ, quàm terrestria. Vnde Philo ludæus in libro de Mundi opificio ait propterea Deum animalium creationem à piscibus inchoasse, quia eum seruare ordinem voluit, quem in suis rebus secutura esset in posterum natura, quæ quidem à vilioribus incipiens desinit in præstantissima omnium: at aquatiliū generi despiciatissima inertissimaque obuēit anima, adēd vt præ terrestrium comparatione quodammodo sint animalia, & non animalia, videaturque eis anima pro sale indita, ne putrescerent. Cum igitur nonnulla ex iis, quæ in terra viuunt, careant memoria, cōsequens videtur, vt eam piscibus natura denegaret.

*Piscibus datā animā pro sale scripsit Ribi lo.*

**S**ECUNDò idem confirmatur, quia in præmolli & fluxa materia, qualis est piscium, nequeunt typi, & imagines impressæ conseruari, sed confestim destuunt & extinguuntur, vt si quis annulum in profugum amnem imprimat. Tum quia memoriæ, vt & cæteris functionibus animalibus, non parum officit algor, quem tamē in natatilibus frigidissimi elementi indigenis abundare oportet, docente Galeno lib. 6. de vsu partium, c. 9. & Aristotele libr. 2. de Partibus animalium c. 2. & in lib. de Respiratione c. 6. contra Empedoclem falso putantem ex animalibus calidissima esse aquatilia. Hisce argumentis adducti fuere ad tuendam partem negatiuam nonnulli, quos refert, refellitque D. Augustinus lib. 3. de Genesi ad litteram cap. 8.

**S**ED huius sententiæ falsitas ex indiciis memoriæ, quæ in piscibus deprehensa sunt, palam conuincitur. Constat enim, referente Plinio lib. 10. Natur. histor. c. 70. pisces in quibusdam viuariis plausu congregari solitos fuisse ex consuetudine, immo & ad nomen vocatos aduenisse in piscinis Cæsaris, non confertim solū, sed quosdam priuatim. Quod certè non nisi ex plausus,

*Indicia memoria in piscibus.*

Con. Comm. in parua Nat.

B

*Similia scripsit Rondeletius lib. 3. de piscibus ca. 3. & lib. 4. c. 10. Porphyrius lib. 2. de abstinentia.*

*De Delphino, qui a puero inelamatus accurrebat.*

nominumque & pabuli memoria faciebant. Quo etiam pertinet id, quod idem Plinius lib. 9. c. 8. narrat de Delphino, qui quocunque diei tempore inclamatus à puero, quamuis occultus, atque abditus, ex imo aduolabat, pastusque præbebat ascensuro dorsum, receptumque per mare in ludum portabat, ac reuehebat. Secundò idem ea ratio persuadet, qui memoria, uti superius diximus, ob id maximè à natura tributa est, ut animantes ad definita loca commodalicuius gratia se conferant: certum verò est pisces in easdem speluncas, eademque domicilia, statis temporibus sese abdere, indeque egressos eodem rursus commere. Hanc opinio- nem, quæ Philosophorum communis videtur, securus est D. Thomas 1. p. q. 72. art. 1. cum D. Augustino loco citato, etsi aliter vi- sum fuit D. Basilio hom. 8. in Genesim.

*Solut arg. par- tis contraria.*

ARGUMENTA verò, quæ in cōtrariam partem adduximus, sic erunt explicanda. Circa primum fatendum aquatilia genera- tim loquendo tam volatilibus quàm terrestribus deteriora esse, ut astringit D. Thomas 1. p. q. 71. art. 1. & qu. 72. art. 1. Cui rei vel id argumento est, quòd hæc pluribus & absolutioribus organis ad operationes suas obeundas instructa sunt. Secundò, quòd sensus habent acutiores, earumque nonnulla disciplinam capiunt, quod piscibus non conuenit. Item quia nobiliorem procreandi modum vendicant: pisces, enim maiori ex parte oua tantum generant, ea- que imperfecta, qui gignendi modus despectior est: Diximus ma- iori ex parte, quia non totum piscium genus est ouiparum, id est, non animal, sed ouum pariens, cum quidam sint viui pari, id est non ouum sed viuum animal parientes, ut pistris, balena, vitulus. Quod testatur D. Basilius hom. 7. in Genesim, Plinius lib. 9. c. 13. & c. 51. Rôdeletius lib. 4. de Piscibus c. 3. post Aristotelem tertio de Generatione animalium c. 3. & 5. quâquã vniuersum piscium genus catenus ouiparum dici possit, quatenus omnes pisces aut intra se, aut extra, oua pariunt. Ex dictis tamen non necessario concluditur omnia, quæ in terrestrium, & volatilium generibus numerantur, excellẽtiorem naturam, quàm aquatilia omnia for- titur: alioqui muscæ & vermes perfectiores essent crocodilis, del- phinis, balenis.

*Non omnes pisces ouipari sunt, sed nonnulli viui-para.*

Nec nobis omnino probatur sentẽtia Philonis dum piscium genti usque aded detrahit, ut eos vix animantiũ appellatione dig- netur, tantumque eis pro sale animam det. Licet enim id verum sit de iis, quæ marinis affixa scopulis stabilem sedem habent, & ad stirpium naturam prope accedunt: haud quaquam tamen de vni- uerso piscium genere probè dictum haberi debet, ut facili per- spiciet, qui expenderit quæ de eorum ingenio, stratagematis, va- fricie, & quotundam adumbrata prudẽtia auctores prodiderunt. Aristoteles lib. 8. de Historia animalium c. 13. & lib. 9. c. 37. Plutar- chus in lib. de animalium industria. Plinius libr. 9. Natur. hist. D. Basilius oratione 19. de Prouidentia, D. Ambrosius libro quinto,

Hexam.

Hexam. cap. 10. Opianus lib. 3. Rondeletius libro quarto, de piscibus cap. 11.

Ad secundum argumentum dicito nimiam molliitudinis & frigoris, exuperantiam impedire concentum primatum qualitatum, organo memoriæ necessarium, atque aded non posse in eo memoriam consistere, verum etsi pisces molli & frigida sint natura, non tamen in iis aded vehementem esse eiusmodi qualitatum excessum, ut memoriæ necessarium temperamentum labefaceret.

*De organo memoria sensitivæ.*

CAPVT VI.

*Vide Gal.  
Rho. libr. 3. c.  
29. & lib. 20.  
cap. 8.*



COMMVNIS Philosophorum sententia est, quam tradit D. Nemescius in lib. de Natura hominis c. 13. & D. Damascenus lib. 2. fidei orthodoxæ c. 20. D. Thomas in 1. d. 3. q. 4. art. 1. ad 2. M. Albertus in summa de homine, tractatu de memoria, Auicenna libr. 6. Natur. memoriam sensitivam, ut dicemus in lib. de Anima, sedem habere in posteriori parte capitis, quæ occipitium vocatur. Id quod multis indiciis comprobant, primum quia læsa ea parte offenditur memoria, & eo loco percussos rerum cepit obliuio. Secundò, quia eius partis soliditas ob id potissimum videtur procurata à natura, ut tenacius hæreant infixæ species. Postremò, quia cum recordari volumus quasi natura nos docente occipitium scalpimus, ut memorandi vim quodammodo excitemus, & acuamus.

*Occipitiū sedes memoria.*

Hæc tamen de ea memoria intelligi debet, quæ species proximè ab imaginatrice facultate sibi commissas reseruat. Nam quæ sensus communis thesaurus est, antetiores cerebri partem occupat. Nisi quis malit vnam tantum dari memoriam sensitivam, quæ tam rerum sensatarum, quam non sensatarum typos recondat. Cui opinioni proxima argumenta non parum afferunt probabilitatis.

*De actu memorandi, & reminiscendi.*

CAPVT VII.



MEMORIÆ, seu memoratricis facultatis duo sunt actus; vnus, qui accepto à potentia nomine memoria vocatur; alter, qui reminiscētia dicitur. Memoria definitur à Philosophis rei antea cognitæ, ut cognita est, repetita cogitatio: siue regressio ad notionē eius, quod fuit ante apprehensum, prout apprehensum fuit. Etenim si quis eliciat cognitionem rei sibi antea prorsus ignotæ, aut rei, quam prius nouit, sed omnino exciderat, non dicetur recordari, quia non considerat

*Actus memorandi.*

*Sola præterita ad memoriam pertinent.*

rem, vt ab se antea cognitam. Vnde est quod, (vt i. cap. huiusce libri Aristoteles docuit,) memoriæ solæ res præteritæ subiiciuntur, quæadmodum externo sensui tantum præsentēs: & spei, futuræ duntaxat. Sed erit qui nobis opponat auctoritatem D. Augustini lib. 14. de Trinit. cap. 11. vbi ita scripsit. *Non solum præteritorum est memoria, sed etiam præsentium. Vnde Virgilius de Ulyssæ ait.*

*Lege etiam caput 2. eiusdem lib.*

*Virgil.*

*Nec talia passus Ulysses,*

*Oblitusque sui est Itachus discrimine tanto.*

*Lib. 3. Æne.*

Cum enim sui non oblitum diceret Ulysses, quid aliud intelligi voluit, nisi quod meminerit sui? cum sibi ergo præsens esset, nullo modo sui meminisset, nisi ad res præsentēs memoria pertineret. Hæc D. Augustinus loco citato, quæ repetit in epistola 72. ad Nebridium. Occurrendum tamen, paulò latius ac minus propriè sumptum illic ab eo & à poëta memoriæ nomen, quod si propriè vsurpassent, neuti-quam ad rerum præsentium cognitionem extēdis dissent.

*Obiect.*

OBIECIAT rursus aliquis non videri memoriam rectè definiri cognitionem rei cognitæ, vt cognita est: quod res cognita, vt cognita, non possit cognosci, nisi ipse cognoscendi actus percipiatur: cum tamen nulla potentia corporis organo affixa supra suum actum reflecti possit, vt est communis philosophorum sententia. Respondendum ad actum recordandi non esse opus vt potentia suummet actum abstractè sumptum liquidòve cognoscat: id enim soli immateriali facultati conceditur: sed sufficienter percipere illum quoquo modo, videlicet accessoria quadā ratione & concretè, prout inuoluitur in perceptione rei cognitæ, vt cognita est. Quj modus reflectendi supra proprium actum etiam potentiis insidētibus organo corporeo conuenire potest.

*Actus reminiscendi.*

REMINISCI verò, vt etiam loco citato Aristoteles explicat, dicitur quispiam, cum ex alio aliud ei incidit, vt cum ex lacte in candorem progreditur, ex cādore in aëra, & ab hoc in humorem, ex quo ei tandem Antomnus, qui exciderat, in mentem venit. Et

*Lege Aristot. cap. 2. lib. de memoria & reminisc.*

*D. August.*

D. Augustinus lib. 6. Musicæ cap. 8. *Quid aliud, inquit, agimus, cum reuocamus nos in memoriam, nisi quodammodo quod reposuimus querimus? Recurrit autem in cogitationem occasione similium motus animi non extinctus, & hac est, quæ dicitur recordatio.* Themistius etiam 2. libro suæ paraphrasæ cap. 4. Reminiscētiā definit reducē & quasi rediuiuam memoriā, siue renouationem memoriæ collapsæ: cum vnus motus animi recogitando alterum trahit, vt vnus annulus alium in catena. Licebit tamen eandem apertius & enucleatius definire hunc in modū. Reminiscētia est progressio, qua potētia memorandi ex aliquo, aliquibūve memoria cōprehēnsis venit in cognitionem eius, quod nec memoriæ occorrebat, nec à memoria penitus exciderat. Exempli gratia, si quis heri librum in loco aliquo reposuit, cuius loci ei in mentē hodie non venit, & vt ipsum in memoriam reducat, loca vbi heri fuit, & eos, quibus cum locutus est, animo repetat, tandēmq; ex alicuius memoria occurrit

*His similia scripsit Plato in Philebo. alexand. li. 3. Natur. quest.*

*Themist.*

occurrat menti locus, ubi librum reliquerat, dicitur loci illius reminisci, cuius antea simpliciter recordari non poterat.

Ex quo perspicuum fit plura ad reminiscenciam exigi, quam ad memoriam, licet enim ambæ in eo conueniant, quod nec meminisse, nec reminisci possimus eius rei, cuius in nobis simulachrum euauit, ita ut etiam nec per se primo concipere, nec ex alia ad eius apprehensionem deuenire valeamus: tamē ut memoremur sat est rem antea cognitam ut cognitam apprehendere: ad reminiscendum verò requiritur antecedens obliuio, cum notitia iterata alicuius rei, quæ non exciderat, & ex qua ad eius, quam inquirimus, notionem consequutione quadam & discursu prouehimur. Vnde, ut in 4. huius libri capite aduertit Aristoteles, cum memoria etiam brutis animantibus competat, solus homo reminiscendi vim habet, sicuti & in eo dumtaxat ratiocinatio & discursus reperitur. Ideoque ut idem cap. 1. dixerat, qui celebritate ingenij valent, facilius reminisci queunt, quia videlicet in discurrendo expeditiores sunt. Lege Platonem in Philebo, Plotinum in lib. de sensu & memoria, Themistium hoc loco. 2. lib. suę paraphrasis cap. 15. D. Thomam 1. part. quæst. 78. art. 4. & ex recentioribus Fernellium lib. 6. Sux Physiologie. cap. 14.

NON NVLLA hic aduerte. Primum sit: cum ad reminiscenciam discursus requiratur, non posse eam perfici nisi accedente ministerio eius potentie internæ, cui discursus tribuitur, quæ utrum sit imaginatiua dumtaxat, an etiam memoria sensitua (si præter sensum commune plures interni sensus ponantur) in libris de Anima discutiemus.

SECUNDVM est reminiscenciam tribus, minimum, actibus constare, memoria alicuius, aliquorumve, inuestigatione seu discursu ex iis ad id quod quæritur, & inuentione eius, quod partim exciderat, nec tamē penitus euauet.

TERTIVM est, licet animæ separatæ conueniat recordatio, ut secundo huius operis capite ostendimus, non videri tamen ei reminiscenciam competere: quia reminiscencia supponit obliuionem: obliuio autem nascitur ex imperfectione organi corporei, cuius crassitudo & defluxus, aliique eiusmodi materiales affectus in causa sunt, ut iterum imagines obliterentur & euanescant atque ut, etiam dum nitorem suum habent, interdum consopite sint, nec ad memorandi actum prodeant. Cum igitur anima a corpore abiuncta non utatur materiali organo, non videtur in eam, ac multo minus in Angelos reminiscencia cadere.

VERVM non deerit fortasse, qui probare contendat immerito brutis omnibus reminiscenciam denegari, cum eorum nonnulla, ex aliis alia videantur deducere & colligere. Nam, ut cætera omittamus, celebre est id, quod in libro de industria animalium Plutarchus commemorat de vulpe. Hæc glaciatus flumen transiit, primum leniter supra glaciem incedens auriculâ

Plus requiritur ad reminiscenciam, quàm ad memoriam.

Soli homini conuenit reminisci.

In reminiscencia includi discursum.

Recordationē conuenire animæ separatæ.

Obiectis.

admouet, tum si aquæ subterlabentis sonum percipiat, gradum sistit, nec, nisi aliquid vehementer vrgeat, pedem promouet: si verò strepitum nullum audiat, transiit, ita videlicet argumentâs. Quod strepit, mouetur, quod mouetur, non est fixum, quod non est fixum, diffluit & cedit: submergar igitur si hâc ire pergâ. Nec his dissimilia sunt, quæ eodem loco narrat idem auctor de cane feram persequente, qui cum in viarum diuortia peruenerit, ubi olfactu deprehendit vna via feram non abiisse, alteram nihil iam olfaciendo mox arripit, utique colligens per eam diuertisse, quia per aliam non diuertit.

*Hæc de cane  
scribit D. Ba  
fil. homil. 9.  
Hexam. D.  
Ambr. lib. 6.  
Hexa. cap. 4.*

*Solutio.*

Ad hoc argumentum respondendum est quod in Phisicis diximus, hæc aliâque eiusmodi, quæ in quibusdam belluis cernuntur, non indicare conuenire eis verum discursum, sed quandam illius imaginem & imitationem ad quam sat est naturalis instinctus, qui in quibusdam, magis in aliis minus excellit.

*De utilitate Memoria, eiusque admiranda  
& abstrusa vi.*

### CAPVT VIII.



**Q**UANTA sit utilitas memoriæ constat ex eo, quod parum omnino referret tam multa legere, audire, animaduertere, nisi illa memoriæ tradita quasi tabellis recondita asseruare possemus. Fuit profecto hoc nobis à Deo aduersus rerum ignoracionem & obliuionem datum remediũ, ac subsidium. Vnde Plutarchus in lib. de Educatione liberorũ vocat memoriã cellam penuariam disciplinarum. Et in fabulis est, scriptũque à Platone in Theæteto memoriã esse matrem Musarum; Itẽmque sapientiã esse memoriæ, & experiẽtiæ filiam. Illud cet̃e memoriã mirifice commendat, quod absque illa nemo absolutam prudentiæ rationem obtinere queat cũ ad rectẽ iudicandum de iis, quæ agẽda sunt, quod prudentiæ munus est, multum conferat præteritorum recordatio & experiẽtia, quæ teste Aristotele 1. Metaph. cap. 1. ex multarum rerum memoriã coalescit. Vnde est quod memoriã ab Aristotele libro 6. cap. 5. à Tullio lib. 2. de Inuentione & D. Thoma in 2. 2. quæstio. 49. art. 1. aliisque philosophis communi assensu inter prudentiæ partes (integrañtes videlicet) numeratur.

*Plutarchus.*

*Sapientiã memoriã, & experiẽtiã filia.*

*Lope Tertul.  
in lib. de anti-  
mã. cap. 2. 4.  
Tullium 2. de  
Orat. Caluim  
lib. 3. cap. 4.  
& libro 10.  
cap. 15.*

TANTA verò, tamque recondita memoriæ vis habetur, ut ea vnum sit ex iis, quæ nos mirari natura voluit, scire autem noluit. Quis non miratur qua ratione memoriã in suis thesauris tam multa, tamque diuersa excipiat, neque tamen ea confundat, sed discretim sincera conferuet? Quo nexu, quæ apud illam tanquã cõmissum repetituri deposuimus, ita collocata, & ordinata sint,

ut &

Lege etiam  
D. Aug. 11.  
de Trin. c. 3.

vt & vnumquodque separatim, & cuncta confertim, & singula ordinatum exposcere, & digerere valeamus? Quo pacto fiat, vt quis ex aceruo specierum per horæ spatium, ita vt prius audiendi patientia, quam memoriæ fides deficiat, orationem, ne mutata quidem syllaba, continuata serie, alia ex aliis coniungens suo loco depromat: nec in ipsa depromptione, atque recensione imago vna aliam impediatur aut inturbetur? Quo item modo aliàs, cum poscimus, vt proferatur quod volumus, quædam præalte condita oblitescant, nec se foras dent? Sed eorum loco alia profiliant in Medium quasi rogantia num ipsa quærantur: alia confertim imperturbata facie in apertum exeant: alia paulo post tanquam de abstrusioribus receptaculis eruantur. Quo pacto quæ euauisse videbantur vnus admonitione connexa quodam choro subeant, &c. Certè in hoc naturæ miraculo præstat cum D. August. lib. 10. Conf. capite 8. & Theodoro in libro de Natura hominis, sola admiratione contentum esse, quàm alienam & in idoneam causam asserre. Lege tamen, si placet, nonnullam eius rei inuestigationem apud Fracastorium primo libro de Intellectione.

*Quibus rebus memoriæ bonitas constet, aut vitietur, & qui memoriæ laude floruerint aliquando.*

## CAPVT IX.

Aristo. lib de  
memo. & re-  
minisc. cap. 1.



**P**ORRO vt memoriæ bonitas constet, requiritur ex parte organi tum mollitudo, tum durities ad congruam temperiem sibi mutuè sœderatæ, mollitudo quidem, vt facile imbibat rerum notas: durities, vt simulacra inusta retineat, & conseruet. Ob defectû mollitudinis senes præcipiti iam ætate, quibus humido nativo magna ex parte consumpto membra inarescunt ac rigent, difficili sunt memoria. Qui ob id etiam in dies quæ didicerant, obliuiscuntur, quia exolescunt in eis quasi in ruinosis ædificiis depictæ rerum imagines. Nec defluxum materiæ, in qua illæ obliuiscuntur, quantum opus est, compensant. Ob defectum congruentis duritiæ admodam pueri, quos constat præhumidum habere cerebrum, parum memores sunt; quamquam eis ad memorandum opituletur alia causa, quam tradit Aristoteles in problematis sectione 30. quæst. 4. videlicet, quia nondum multa perceperunt, intellige quorum imaginibus organum memorandi nimis occupatum sit. Nec enim negari debet ipsam specierum multitudinem & colluuiem faugare quodammodo potentiam, ac nonnunquã actum memoriæ inturbare, dum earum occursum res aliæ pro aliis sese menti ingerunt. Vnde est etiã, vt ibidem philosophus aduertit, quod meminisse ea melius valeamus

*Cur senes obliuiscuntur.*

*Pueri cur lubrica memoria.*



valemus, quæ mane percipimus, quàm quæ procedente die, cùm iam obiectarum rerum turba per sensus intrans animi intentionem distraxit.

NON solum autem nimia siccitas & humiditas ætatibus certis propriè memoriam vitiant, aut impediunt, sed etiam, cum ex morbo, aut alia quavis ratione inducuntur. Vnde Galenus libro tertio de Locis affectis capite quinto agens de lapsa ob siccitatem memoria refert quendam se novisse, qui exsiccatò organo ob assiduitatem in studiis, atque vigilias memoriam pene amiserat: & agricolam, qui ob labores quos vites colendo subierat, simulque ob victus tenuitatem eodem modo affectus est. Quamquam in iis, causa deficientis memoriæ potuit quoque esse exuperantia caloris nati, in scholastico ex agitatione spirituum in caput subeuntium ob vehementem animi intentionem: & in agricola ex motu corporis diuturno, & vehemèti: motus enim calorem gignit, & quidem animantibus, potissimum propter effusionem spirituum ad extimas partes, vt alibi exposuimus.

SANE quidem licet obliuio alumna sit excedētis humiditatis, sicut retentio siccitatis: tamen aliarum etiam primarum qualitatum exuperantia memoriam labefactat, præsertim frigoris, quod omnes animales functiones torpidas reddit, & ipsius vitæ fundamenta quatit. Speciatim autem ad seruandam memoriam docent medici abstinendum ab ebrietate, & à copioso vini potu, à cruditate ventriculi omnique satietate, à fructibus viridibus & oleribus à lacte, caseo & carnibus salitis, omnibusque flatum generantibus. A piscium fluuiialium, & anguillarum præsertim escu.

LÆDITVR autem memoria, nunc ad tempus, nunc citra regressum, ac noununquam ex toto labefactatur, aliàs ex parte. *Nec quicquam, inquit Plinius lib. 7. Nat. hist. c. 24. æque fragile est in hominum vita, morborum, & casus iniuriæ, atque etiam victus sentiens. Ictus lapide oblitus literarum est: scilicet lapsus, matris & affinium propinquorumque; alius agrotus seruorum etiam sui vero nominis Messala Corninus.* Præter hos nostra quoque ætate Cornelius Iansenius literas oblitus fuisse dicitur. Qui tamen editis in sacram scripturam egregiis commentariis perpetuam sui memoriam posteris reliquit.

SED quemadmodum multa sunt noxia memoriæ, ita nō pauca, quæ eidem profunt, eiusque vim acunt & vt cætera omittamus, ferunt esse artem comparandæ memoriæ per medicamenta, cuius artis beneficio quidam nostra ætate in magna adnuratione fuerint. Nanque innumerabilia pene vocabula Græca, Latina, barbara, ficta, nullo nexu coherrentia, quæ semel audissent, mox sine vlla hæsitazione reddebant; nunc eodem quo acceperant ordine, nūc ita vt primum, tertium, quintum, & sic deinceps, ac denique, vt rogabantur, sine errore, tanquam è charta referrent.

*D. Th. 2. 2. g.* COMMVNIS ars excolendi sine medicamento memoriam, est exercitatio. Nam teste Quintiliano lib. 11. Oratoriarum institutionum cap. 2. nihil æquè vel augetur cura, vel negligentia intercidit, quare magnopere iuuat quotidie aliquid memoriæ tradere, ac præcipue ubi se quis primum in ligata, deinde in prosa oratione addiscenda exercuit: quædam addiscere omnino diuulsa, ac sine numeris, & magis ab usu remota, qualia sint iurisperitorum. Difficiliora enim, inquit ille, debent esse, quæ exercent, quo sit leuius ipsum illud in quod exercent: ut Athletæ ponderibus plumbeis assuefaciunt manus, quibus vacuis, & nudis in certamine utendum est.

*Item Calvus Rhod. lib. 20. c. 10. Alex. ab Alex. lib. 6. c. 18. Muretus l. 3. Var. r. c. 1. Solinus in Polihist. c. 7. Valerius Max. lib. 8. tit. 7.*

FVERVNT autem priscis temporibus insignia memoriæ exempla, quæ Plinius libr. 7. Naturalis historiæ cap. 24. Seneca in prologo declamationum, Quintilianus loco paulò ante citato commemorat. Mithridates rex Ponti duarum & viginti gentium rex totidem linguis iura dixit, pro concione singulas absque interprete allocutus. Crassus ille diues, cum Asiæ præfesset, quinque Græci sermonis differentias sic tenuit, ut quæ quicquid apud eum lingua loqueretur, eadem ei responderet. Cyrus Persarum rex in numerosissimo exercitu omnium militum nomina tenuit. Theodectes quamlibet multos versus auditos mox reddidit. Charmides in Græcia, quæ quis exegerat volumina in bibliothecis legentis modo repræsentavit. Cynæas Thessalus missus à Pyrrho legatus de pace ad Romanos postero die novus homo & senatum, & totam urbanam plebem senatui circumfusam nominatim salutavit. Denique de sua memoria ita scripsit loco paulò ante adducto Seneca. Cum multa iam mihi ex me desideranda senectus fecerit, oculorum aciem retunderit, aurium sensum hebetauerit, nervorum firmitatem fatigauerit. inter ea, quæ retuli memoria est, res ex omnibus partibus animi maxime delicata, & fragilis, in quam primum senectus incurrit. Hanc aliquando in me floruisse, ut non tantum ad usum sufficeret, sed in miraculum usque procederet, non nego. Nam duo millia nominum recitata, quo ordine erant dicta referebam, & ab his, qui ad audiendum præceptorem nostrum conuenerant, singulos versus à singulis datos, cum plures, quam ducenti efficerentur, ab ultimo incipiens usque ad primum recitabam. Nec ad complectenda tantum, quæ vellem, velox erat mihi memoria, sed etiam ad continenda, quæ acceperat.

*Senectus primò incurrit in memoriã.*

*Solutio aliquorum problematum ad memoriã spectantium.*

## CAPVT X.



VNc quæstiones aliquot ad memoriã pertinentes breuiter diluemus. Prima hæc est. Cur non omnia, quæ externis sensibus percipimus, manent in memoriã, sed pleraque exoidunt? Responsio. Quia aut eorum Con. Comm. in parua Nat. C

*Quis nã hic Seneca fecit, scripsit Volaterranus lib. 19. Iustus Lipsius 1. Elektorum.*

Plato.

imago in organum memoriæ non imprimitur ob ineptitudinem organi ad illa recipienda, aut seruanda, vel ob remissionem apprehensionis, vt paulò post dicemus; vel certè quia imago impressa decursu temporis euanescit. Plato in Theæteto: *Quicquid eorum, quæ aut videmus, aut audimus, aut ipsi cogitamus meminisse cupimus insinuantes ipsum sensibus intelligentiisq; veluti anulis signantes exprimimus, quodque signatum fuerit meminimus, & scimus, quoad figura permanet: at cum aboletur, vel inscribi nequit, obliuiscimur, atque nescimus.*

Imagines rerum non habent contrarium.

2 Si rerum simulachra, quæ memoriæ inurantur, contrarium non habent, à quo perimantur, nec eorum conseruatio à re obiecta pendet, cur ea sæpenumero etiam in florida ætate, integro sensorio emoriuntur, & abolentur? Responso. Quia actione caloris toto vitæ tempore humidum absumentis, & incurfu aliarum qualitatum obscurantur indies, & effluunt prædictæ imagines, donec ex toto pereant, nisi per actus memorandi instaurantur, & quasi nitorem genuinum recuperent.

Galenus.

3 C V R ea, quæ aliis rebus intenti, vel etiam somniantes apprehendimus, faciliè obliuiscimur? Responso. Quia tunc facultas memorandi remissè operatur, similiterque alij sensus, qui in memoriam agunt: atque ita dissultoriæ tantùm, & euandæ imagines exprimentur. Galenus lib. 2. de motu musculorum. *Vis memorandi si insignes impressiones rerum imaginatione conceperit, conseruat eas perpetuo, atque id quidem est memoria tenere. Sin obscuras, & veluti superficiarias, non conseruat, & hoc est obliuisci: ob idque multi in vehementibus animi affectibus nullius eorum, quæ egerint, in posterum meminerunt. Quid igitur mirum est in somnis obscure agente anima obscuras etiam imaginationes, fieri, ideoque neque stabiles, cum id etiam in vigiliis contingat?*

Ingenij præstantia in quo consistat.

4 C V R nõ iidem, & ingeniosi sunt, & benè memores: sed contra sæpe accidit vt qui tenaciori sunt memoria, minus celeri, & acuto polleant ingenio? Responso. Quia ingenij præstantia consistit in celeritate quadam mentis, & facilitate ad ratiocinandum, inuestigandum, & inueniendum: hæc autem celeritas pendet ex acumine, & promptitudine internorum sensuum, præsertim cogitatricis facultatis, quæ dum intellectus ratiocinatur, ipsa etiam circa singularia pariter discutrit: durities autem cerebri, quæ inflexibilis est, facitque vt rerum idola tenaciùs hæreant, celeritatem cogitatricis potentiæ cohibet, ac demoratur, sicque id, quod memoriam diuturnam reddit, ingenium hebetat. Si tamen cerebri substantia ita affecta sit, vt organum cogitatiuæ magis ad humiditatem, organum memoriæ magis ad siccitatem vergat (quod interdum accidit) erit idem & tenaci memoria & acuto ingenio.

5 C V R etiam quædam nationes memoriarum parum valent vt Thraces? R. Quia soli, cœlique natura & siderum influxus, qualitates memoriæ aduersas imprimunt. Vnde & Thebanos ingenio pingui,

Legit Arist.  
c. 2. de memor.  
& rem.

pingui, Athenienses perspicaci, & acuto fuisse refert M. Tullius, in lib. de Diuinat. quia Thebis crassus aer, Athenis rarus ac subtilis contigit.

6 S I species hærent spiritibus animalibus, qui non solum vago motu huc illuc oberrant in corpore, sed etiam per meatus & poros foras euolant, qui fieri potest vt vllius rei sit memoria diuturna? R. Quia licet nonnullæ species animalibus spiritibus insideant, eorumque vehiculo ab externis sensibus ad internos traiciantur: tamen ab iis speciebus immittuntur aliæ consimiles in ipsam substantiam cerebri, & in organum memoriæ, à quibus memorandi actus elicitur, quæque firmæ, ac stabiles esse queunt.

*Non omnes species inhærent in spiritibus animalibus.*

*Galen. 1. de loc. aff. c. 4.*

7 Q V I fieri potest, vt senibus ob nimiam siccitatis accremētum memoria deficiat, cum videamus eos pituita, & humoribus, quos assidue excreant, abundare? R. Quia licet senes humoribus aduentitiis, & noxiis scateant, deseruntur tamen ab humido natiuo, cuius idonea commixtio organum memoriæ attemperat.

*De memoria quorundam brutorum.*

8 C V R bruta quædam, vt canes & equi multo melius recordantur itinera, viarum flexus, diuerticula, & loca, quæ vel semel adierint, quam homines? R. Quia cum bruta, dum iter peragunt, aliis rebus internos sensus non distrahunt, totam memoriæ vim in iis, quæ intuentur, percipiendis occupant, sicque firmissimè ea retinent, dummodo non eis deficiat congrua temperies in ipso organo: eademque causa est cur homines agrestes & bardi, qui ad brutorum ingenium accedunt, talium rerum facilius, quam cæteri recordentur.

*Arist. lib. de memor. & reminisc. c. 2.*

9 C V R iuuenes melioris sunt memoriæ, quam pueri & senes? R. Quia illos temperata humiditate, hos temperata siccitate vincunt: ideoque tenacius, quam illi conseruant, facilius, quam hi imprimunt.

10 C V R melancholici diuturniori valent memoria? R. tum quia organa sicciora habent, proindeque firmitus retinentia: tum quia diutius cogitant, serius, ac lentius apprehendunt, atque adeo altius insigunt.

11 C V R qui noctes ducunt insomnes, minus memores reduntur? R. quia humores, qui somno erant absumendi, congruam organi siccitatem impediunt.

12 C V R eorum, quæ amamus, difficilè obliuiscimur? R. quia de iis assidue loquimur, diutius, & attentius cogitamus.

*De hac re Galen. 1. lib. de differentiis sympt. & 2. de causis symptom.*

13 Q V I D cause est, cur in quibusdam imaginatio lædatur non læsa memoria, & contra? R. Si ponamus memoriam & imaginationem non in eadem parte cerebri residere, in promptu causa est, nimirum quia læsio potentiarum accidit ob intemperiem organi: at non quoties in vna parte cerebri temperies amittitur, in alia simul amitti necesse est. Quod si in eodè organo, eademque parte cerebri insint memoria & imaginatio, adhuc non repugnat vna incolumi alteram offendi, quia mutatio temperamenti, quæ

*Lædi nonnunquam imaginationem non læsa memoria.*

fat est ad turbandum imaginandi officium, non continuò sufficit ad impediendam functionem rectè memorandi, aut contrà. Aduerte tamen etiam in hac sententia constituyente memoriam & imaginationem in eadem cerebri cavitare, ponendam esse ad officia memoriæ, & imaginationis partem vnā humidiorē, quæ promptè recipiat, alteram sicciorē, quæ diu retineat.

14 C V R ebrii, irati, & timore exterriti ægrè recordantur eorum, quæ ipsis, dum ita affecti essent, acciderunt. R. quia vehemens motus vaporum & spirituum agitatio, quæ hos affectus sequitur, imaginum impressionem impedit. Quin etiam interdum ingenti timore percussis rerum præteritarum memoria excidit ob aliam causam: nimirum quia confugientibus ad præcordia spiritibus & vnà cum iis calore, partes cerebri, in quibus memoriæ officina est, ita frigore occupatæ addēscatæque fuerunt, vt rerum imagines aboleuerint.

*Legē Arist. c.  
2. de memor.  
& reminisc.*

## IN LIBRVM DE SOMNO, ET VIGILIA.

*Quidnam somnus sit.*

### C A P V T I.



*Vigilia.*

*Somnus.*

V I A somnus priuatio quædam est vigiliæ; & omnis priuatio per formam, quam negat, definitur, & innotescit, acturi de somno, prius quid vigilia sit explicabimus. Est ergo vigilia omnium externorum sensuum, aut saltem aliquorum solutio, & libertas. Somnus verò est ligatio omnium sensuum externorum ad animantium quietem, & salutem instituta. Dicimus, omnium sensuum externorum; quia si vel vnus sensus non sit consopitus, sed vigilet, hoc est in opus, & actionem incumbat, non somnus, sed vigilia dicitur: videlicet nomen, ratioque somni plus negat, quàm vigilia exigat. Addimus, non omnium absolutè; sed externorum sensuum; quia vt animal dormire perhibeatur, non opus est ligari etiam sensus internos. Adieccimus, ad animantium quietem, &c. quia cum sensus obtorpescunt, & morbi alicuius vi seriantur (vt accidit iis, qui ex lipothymia, epilepsia, præfocatione, & id genus aliis pene mortui iacent) eiusmodi quies non ritè somnus appellatur, quia non est instituto naturæ induc[t]a in bonum animalis, sed ad eius petniciam aliunde inuecta.

*De hac re  
Plato 9. de  
Repub. Plu-  
tarch. libr. 5.  
de Plac. c. 24.  
25. Galenus  
2. Aphor. 3.  
aphoris. La-  
tiant. lib. de  
opif. Dei. c. 8.  
Tertul. in lib.  
de Anm. c. 4.  
Auer. 2. Col-  
ligit. c. 21.  
Arist. 2. & 3.  
2. Inu. lib. 6.  
6. Top. cap. 3.  
Themist. c. 4.*

Q V O N I A M verò vt omnes potētix organo corporeo affixæ  
morte

morre funditus intereunt, suisque actibus omnino priuantur: ita sensus externi, dum somno tenemur, à functionibus cessant: ortu inde est, vt somnus teste Platone in Phædone veluti mors quædam habeatur. Vnde Cicero in lib. de Senect. Nihil videmus morti tam simile, quàm somnum, & Virgilius lib. 6. *Æneidos*.

*Tum consanguineus lethi sopor:*

& ad huius imitationem, Seneca poëta in Hercule Furente,

*Frater dura languide mortis, & Ouidius:*

*Stulte quid est somnus gelida nisi mortis imago?*

A DVERTIT autem Tertullianus in suo lib. de Anima, i'deo nobis in maxima vitæ quiete, hoc est somno, mortis effigiem representari, vt commoueamur quales ante vitam sine sensu fuimus, quales post mortem sine sensu erimus. *Voluit, inquit, Deus & alias nihil sine exemplaribus in sua dispositione molitus, paradigmatè Platonico plenius humani vel maximè initi ac finis lineas quotidie agere nobiscum manum porrigens fidei facilius adiuvande per imagines, & parabolis, sicut sermonum, ita & rerum. Proponit igitur tibi corpus amica vi soporis elisum, blanda quietis necessitate prostratum, immobile situ, quale ante vitam iacuit, & quale post vitam iacebit.* Hæc Tertullianus; apud quem lege si placet eodem in loco varias somni definitiones, quas Stoici, Epicurei, Anaxagoras, Xenophanes, Straton, aliiq; ex antiquis philosophis inuexerunt. Quæ tamen minùs sunt ad rem aptæ, quàm quæ à nobis propolita est.

*Somnus mortis simulacrum. Tertul.*

*Quo pacto somnus fiat.*

## CAPVT II.



**Q**UIA somnus ligatio est externorum sensuum, videamus quidnam eam ligationem præstet. Constat nullū sensum in actione versari absque ope spirituum è cerebro influentium vt alibi ex iustitio planum fecimus; si igitur huiusmodi spirituum communicatio inhibeatur, necessum erit omnes externorum sensuum functiones intermitteri inhiheretur autem, cum obstruitur via, per quam spiritus cōmeant, quæ via pertingit ad aditum, siue ostia communis sensus, in quem vndique velut in receptum externæ facultates, rerum perceptarum imagines quasi lineas transmittunt: vicissimque ab eo, vt à piscina, spirituum animalium derivationem excipiūt. Ob idque Aristoteles hoc in lib. cap. 3. appellauit somnum vinculum primi sensorij, quia videlicet cum præcluditur sensus cōmunis via, & primum sensorium ligatur, atque impeditur ne per ipsum è cerebro spiritus animales in sensus externos illabatur, somnus existit. Quamuis, vt alibi ostendimus, in eo non sit auscultandus Aristoteles quoddam primum sensorium, siue organū sensus communis non in cerebro, sed in corde situm esse con-

*Necessitas spirituum animalium.*

*Somnus cur dicatur vinculum primi sensorij.*

stanter affirmet: si enim ita esse oporteret remedia ad conciliandum somnum non capiti, sed cordi applicare, quod à communi medicæ artis præscripto, & consuetudine abhorret.

PORRO obstruuntur ad somnum sensus communis ostia vaporibus potissimum è ventriculo in caput ascendentibus, iisdemque opplentur membranz circa cerebrum & venæ, vnde & spiritus graues pigri, & torpidi redduntur. Atque hoc modo externi sensus ligantur, id est, nihil operis moliantur, nec auditus quicquid audit, nec aspectus videt, nec olfactus odoratur. Quod D. Gregorius Nyssenus in libro de Hominis opificio, cap. 13. in hunc fere modum edisserit. *Quemadmodum ex terra irrigua vapores ab imo attrahuntur maximeque cum Sol radios calidiores spargit, ita in nostri opificij solo euenit; cibis intra nos per innatum calorem ebullientibus: cumque vapores natura sursum tendant, sit ut non aliter ac fumus per ipsas membrorum quasi parietum commissuras penetrant, & in superiora capitis euadant. Inde verò ad meatus organorum sensus delati passim sese permiscant, sicque sensum omnem otiosum reddi necesse est.*

QVOD vt planius intelligas aduerte cum quis se quieti dat refrigerato mox aliquantulum cerebro (otium namque frigiditas comitatur) addensari, & cōtescere in eo vapores: eo modo, quo halitus coit & in aquam vertitur, tum in opetulo ollæ ad ignem feruentis, tum in pyramide seu cuspidè valis illius: quod quidam sublimatorium vocant, vulgo alambicum. Sic igitur exhalatio addensata iterumque inferiorem locum suo pondere capessens abturat meatus per quos spiritus animales ad externorum sensuum domicilia effundendi erant. Sed enim istiusmodi obstructio non solum impedit descensum spirituum animalium è cerebro, sed etiā ascensum vitaliū è corde ad idem cerebrū, cuius commercij interitū, & feriatū quandiu durat, tamdiu somnus perseverat. Oportet autem prædictam obstructionem haud nimium pettinacem esse, sed mediocrem, quāvis sit vaporibus elatis è succo vtili. Nam qui è succo y. g. vltra modum crasso, & frigido excitantur, hī ligationem sensuum præter naturā, & ac minime salutarem inferunt.

GÆTERV M Auen-roes 2. Collect. 21. & Galenus 1. de causis Symptomatum cap. vlt. & 3. de causis pulsuum cap. 9. arbitrantur causam somni non prouenire ex euaporatione alimenti, sed quod ipsa anima reuocet; colligatque in cerebrum spiritus animales ad eorum repatationem: & ad quietem, salutemque animatum. Vnde ex horum placito somnus definitur *impotētia sensuum propter naturam spiritus retrahentem*: suffragaturque his auctoribus Auicenna 13. tract. 41. dum inquit somnum esse reditū spirituum ab organis sensuum propter naturam spiritus reuocantem: & Plinius lib. 10. cap. 75. vbi ita somnum definit, *Somnus est animi in medium sese recessus.*

QVOD igitur somnus non fiat obstructis meatibus vapore cibi, probant ex eo, quia lassitudo, & suauitas cantus, & tenebræ, & silen-

Greg. Nyss.

Simile.

Tempore somni non ascendunt è corde in cerebrum spiritus vitales.

Opinio Commentatoris & Galeni de causa somni.

Argumenta.



& silentium inducunt soporem, cum tamen nullum horum exhalationem alimenti contineat. Item quia non quoties à cibis abstinuimus, negat somnum natura, nec quoties eosdem cepimus, somnum largitur: sed sæpe accidit, ut exinanito stomacho dormiamus: pleno vigilemus. Postremò quia cum natura tantum momenti ad tuendam vitam in somno posuerit, non debuit munus hoc & vicissitudinem vigilandi committere fortuitæ alimenti exhalationi, sed potius, inquit Auenroes, alicui certæ facultati totius animalis rectori, quæ more prudentis patris familias vniuersi corporis quasi domus communem curam gerat, & pro temporum opportunitate nunc animales spiritus terro agat, & condat, nunc ptomat, effundatque in sensuum officinas, & arbitrarij motus instrumenta.

NIHILO MINVS asserendum est cum Aristotele hoc libro cap. 3. & 1. de Part. animal. cap. 7. somnum induci euaporatione, & obstruktionem meatuum, per quos spiritus animales excurrunt: sunt enim huius rei non obscura argumenta. Primum quia ideo quædam edulia & potiones, ut lactucæ, buglosæ flores nypheæ, amygdala dulcia, dactyli, seu palmulæ, mandragora, papauer, lac, vinum, aliæque eiusmodi somnifera dicuntur, quòd plurimum vaporem sursum efferunt & humenti suauisque halitu cerebrum irrigant. Secundò, quia iccirco infantes, & phlegmatici somniculosi sunt, senes verò, & melancholici peruigiles, quia illi humore fumeo: hi siccitate abundant. Tertiò, quia multi ob inediam insomnes noctes traducunt: & è contrario post cibum facile somnum ineunt, id verò non nisi, quia vapores suppeditati cibi copia, negat inopia. Non videtur tamen inficiandum concurrere simul ad inducendum soporem reuocationem spirituum ad cerebrum: si enim per solam viarum obstruktionem illorum communicatio imperetur, non tanta suauitate, sed quasi per vim somnus adueniret obstitentibus ad ostia sensus communis, & conatibus, qua data porta, erumpere more sua spiritibus. Ut verò quomodo talis reuocatio fieri possit intelligas, aduerte spiritus vitales è corde, & animales è cerebro dispensari opera virtutum expultricium, & attrahentium (nec enim aliter huc illuc rite, ac rectè promoueretur saltè dum è cerebro desiliunt, nam ascendentes leuitas incitat.) quia scilicet virtus expultrix emittit è corde, & cerebro prædictos spiritus ad vitales & animales functiones obeundas, similiterque virtus attrahens membris, & sensorijs insita eosdem ad se prolecat: sicque ipsum cor spiritus, quos in membra diffuderat, si vrgeat necessitas, iterum per attractoriam vim ad se colligit, ut in vehementi trepidatione, & mentis diliquio: inde est enim artuum tremor, & oris pallor deferente videlicet extimas partes calore, & spirituum ministerio, ac vehiculo in præcordia abeunte. Sane hoc modo potest virtus attractoria cerebro incidens, ad conciliandū somnum, naturali

*Defenditur  
sententia Ari-  
stotelis.*

*Qua somnū  
conciliant.*

*A cibo cur  
facile somnus  
obrepit.*

turali instinctu, spiritus animales introrsum reuocare, siue apud se retinere. Atque ita causa soporem inuehens non videtur sola meatuum obturatio, sed spirituum detentio, seu reductio. Quam duplicem somni causam constituit præter alios Fracastorius, lib. 2. de Intellect. Alensis quoque, 1. part. quæst. 89. memb. 3. inter alias somni causas numerat reuocationem caloris, siue spirituum à Galeno positam:

*Solut. Argu.*

ARGUMENTA verò, quæ meatuum obturationem à causis somnum in ducentibus omnino remouere videbantur, facilem habent explicationem. Ad primum dicendum ea, quæ animam colligunt, & à sensuum distractione abducunt, qualia sunt, quæ in argumento recensentur, magnopere somnum iuuare, quia applicatio sensuum remissa, & ad pauca se portigens, vt minori conatu spiritus euocat, ita facilius patitur eos intus reuocari, detineri & vias, quibus spiritus foras traiciunt, occludi. Ad secundum, si ventriculus, & aliæ partes, è quibus vapores in cerebrum feruntur, ita inanes sint, vt nihil omnino exhalent, periculum dari, non soporem. Pleno autem stomacho interdum non capi somnum, & si opportuna hora capitur, quia subsunt impedimenta, quæ vel in ventriculo euaporationem, vel in cerebro vaporum concretionem inhihent.

Ad tertium, si natura animantium vitam ex alimenti haustu dependentem fecit, quid mirum si eandem ex alimenti euaporatione dependere voluerit? præsertim cum talis euaporatio post haustum cibum, nisi quid obstat, necessarid consequatur.

*De virtute re  
strice com-  
mentatoris.*

QVOD autem ultimo prædicat Commentator de sua illa virtute reſtrice commentitium est, si aliam ad spiritus administrandos facultatem ponat (vt re vera ponit) præter attrahendi & expellendi vires quas diximus. Sed hac de re 1. de Ortu & interitu plura.

*Finalis causa somni, eiusque multiplex utilitas, si moderatus sit: incommoda, si immoderatus.*

### CAPVT III.



SIMVS de causis somnum inducentibus, proximum est vt de eius fine disseramus. Finis, ob quem natura somnum instituit, sunt, comoda, quæ illius beneficio animalibus obueniunt. Hæc quàm multa sint summatim complexus est Tertullianus in suo libro de Anima, cap. 43. hisce verbis. *Somnus est recreator corporum, redintegrator virium, probator valetudinum, pacator operum, medicum laborum, cui legitime fruendo dies cedit, nox legem facit, auferens rerum etiam colorem.*

*Somni encomia ex Tertulliano.*

NIMIRUM dum somni tempore sensus externi vacationem quandam,

quandam,feriatum vice,impetrant;collecta ad internas functiones anima, & auocato intus calore vis cerebri animalium spirituum dispendia refarcit;vitalis porentia in læuo cordis sinu spiritus vitales exactius elaborat,facultas naturalis in alimenti decoctionem impensius incumbit, cæteraque suarū partium munia expeditius absoluit.

VTI QVE somni & vigilię reciprocatione,vitę, salutique animantium mirificę natura consuluit.Non solum quia isthęc vicissitudo,vt in cæteris fere naturę rebus,iucunda est, vt Tertullianus in lib.de Pallio,& Seneca in lib.de Tranquillitate vitę c.15. luculentę ostendunt, sed quia eius beneficio apta corporis constitutio seruatur,viresque instaurantur,& resciantur,debent tamen hæc duo per alternas vices mutuo attemperari.Namque in primis vigilia,si modum excedit,magnam affert corpori noxam, vt probat experientia, docetque Hippocrates libr. 2. Aphor.3. quandoquidem immodicę vigilię, & intempestiuz lucubrationes spiritus exhauriunt, consumpro vitali succo maciem inuehunt,crudirates pariunt,vires labefaciunt, sensuum functiones debilitant,ac nonnunquam etiam nimia siccitate delirium & insaniam,& denique mortem afferunt.Qua de re consulendus Galenus comm.2.ad primum Porrheticum, text. 29. & libr. 7. Aphor. com.18.& lib.7.Meth.med.& 3.de sanitate tuenda.

*Vicissitudo iucunda.*

*Immodica vigilia incōmoda.*

SIMILITER somnus nisi moderatus sit, & rempestiue adhibeatur,non parum officit valetudini,vt monet Hippocrates 2. Aphor.3.& Auenroes 6.Colliget c.4.laxat enim membra, calorem natiuū hebetat, grauat caput, studipos,socordes,obliuiosos, ad viria procliues reddit,atque ad subeundos labores, resque libero homine dignas suscipiendas,pigros,& inutiles.Maximę vero somnus immodicus indigna res est iis,qui se bonarum artium studiis dederunt, tum quia non iacet in molli lecto sapientia; tum quia non decet sapientię amatores meliorem vitę partem, quę in vigilia consistit, mortis imagine commutare, & vitam, quę homini tam brevis contigit,breuiorem reddere.

*Immoderati, & intempestiui somni destrimenta.*

PRÆBUIT certę vigilandi exemplum Philosophis eorum princeps Aristoteles, qui, teste Laërtio in eius vita, cū se ad quiescendum componeret solitus erat æneam sphæram tenere in manu,pelui subiecta, eo consilio,vt cū dormientis manu excussum pondus in subditum vas æneum decidisset, sono illius excitatus studium repeteret. Sed quid mirum fecisse id Philosophum,cū simile quid passim obseruet graui Respublica, vt scripsit Plinius libro 10.Naturalis historię cap.23.& Plutarchus in libro de animalium industria. Dum enim cæterę capite subter alam condito quierit, somnoque indulgent, vnaquęque earum per vices nocturnis temporibus excubias agit lapillum pede sustinens, qui laxatus somno, & decidens indigentiam coarguat.

*Aristoteles vigilia.*

Somnus anti-  
perystasis qua  
dam.

Lucifugus &  
Lucernarum  
vitā ducentes.

ILLUD hic adicimus, cum salubris somni ratio multis constet rebus, nihil ad id tantopere curandum, quam ut temporis ratio habeatur. Est autem apertissimum somno tempus nocturnum, propterea quod ipsum noctis silentium quietem aduocat, & circumfusi aëris frigiditate innatus calor facilius sese colligit, & ad interiora reuocat, cum somnus, ut Aristoteles c. 3. huius libri asserit, antipetitalis quædam sit naturæ conueniens. Nec inscite Naso poeta libr. transformationum 11. regiam somno ædificauit prope Cimmericos, quorum regioni fingitur nox atra perpetuò incubare; referente Tullio 4. Tuscul. quæstionum, & Strabone lib. 1. Geographiæ. Itaque recte Seneca lib. 22. Epist. epistola 123. eos reprehendit, qui ut quidam in eadem vrbe Antipodes noctes vigilant, dies dormiunt, quos appellat lychnobios, id est lucernarios, atque eiusmodi homines contra naturam viuere. Quod factitasse Heliogabalum Romanum Imperatorem testatur Lamptidius in eius vita.

*Quod somnus omnibus Animalibus competat & num ab eo, an à vigilia vitam aufpicemur.*

#### CAPVT IV.



ONVENIRE autem somnum omnibus animantibus persuadet tum communis eius necessitas, tum auctoritas Philosophi hoc in lib. c. 2. & 4. de Hist. anim. c. 10. idem asserit. Ac de aquatilibus id confirmat Plinius lib. 10. Natur. historiæ c. 75. quia ipsa etiam quiete cernuntur placida, seu soporata, neque aliud, quam caudas mouentia, & ad tumultum aliquem expauentia. De thynnus id confidentius affirmatur, quia iuxta ripas dormiunt; itemque de balenis, & delphinis, qui stertentes etiam audiuntur. Scribit Plutarchus in lib. de Animalium industria, cum Delphinus sine motu esse non valeat; (est enim, inquit, illi idem vita, motusque, finis,) ubi somno indulgere vult, subleuare in summam aquam sese, ac supinum corpus demittere per maris alta, æstuque deferri, tantisper dum in vada impingat, ubi excusso somno, ronchoque edito ad summum rursus ineat, ac pronus labitur motu ad quietem mirifice composito.

Celius libro  
20. cap. 7.

Homini pro  
ratione sui  
corporis insti-  
tutus cere-  
brum, quam  
ceteris ani-  
mantibus.

PORRO docet Aristoteles libro 5. de Genet. animalium c. 1. hominem primæ ætatis ingressu plusquam ceteros animantes somno deditum esse. Namque intra parentis viscera, totum fere tempus dormiendo consumit: similiterque à principio, cum in lucem prodiit partem maiorem temporis ita degit. Cuius rei causam esse ait, quia imperfectissimus omnium perfectorum partium exotitur, & incremento partis superioris exuperat, atque adeo vaporibus in capite affluit. Habet autem pro magnitudine sui cor

fui corporis maius cerebrum, quàm cætera animantia, vt liberius & absolutius in eo perficiantur internorum sensuum operationes, quæ ad intelligendi munus obeundum necessariæ sunt, vt alibi disseruimus.

QVÆRI solet vtrumne homines à somno, an potiùs à vigilia vitam ordiantur. Quod à somno, argumentum est, quia natura non nisi gradatim, ac per medium ab vno extremo ad aliud peruenire consuevit: somnus autem viuendi, ac non viuendi interliminium est, ita vt qui dormit neque omnino viuere, neque non viuere videatur: siquidem viuatur potissimum vigilia propter sensum. Huic dubitationi occurrendum est, cùm non dicatur propriè somnus, nisi à quo quis expergisci potest, vt Aristoteles loco, quem paulò ante indicauimus, & hoc in lib. cap. I. docet, & infantes intra matrum viscera primis diebus propter humiditatis affluentiam, organi imperfectiorem, sensuumque hebetudinem, expergisci nequeant, non dici eos propriè tunc dormire, proindeque hominis vitam nec à vigilia, nec à somno propriè accepto inchoari, sed à torpore illo, per quem ad vigiliam quasi per medium transit.

*Humiditas  
ignam animam inducit.*

*Non fuisse à statu innocentia ablegandum somnum.*

## CAPVT V.

*In eamq; par-  
tē magis in-  
clinat Ate-  
nis 2 p. 9. 89.  
memb. 3.*

**I**N LVDO scitu dignum, an Adamus, eiusque posteri in statu innocentia somnum capturi essent. Nonnulli, quorum meminit D. Thomas in 2. d. 19. q. 1. art. 3. negant: quibus ea ratio adstipulatur, quod somnus docente Arist. hoc in lib. c. 2. institutus à natura sit, ad quietem viriumque reparationem, homines autem felici illo statu nec laborem, nec dispendia vlla sensissent. Nec obstat quod sacræ pagine autoritas Geneseos 2. asserit immissum fuisse Adamo soporem, cum ab eius latere diuisa est costa ad corpus Eux edificandum. Non inquam, obstat, quia sopor ille Ecstasis potius fuit, quàm somnus, vt affirmat D. Augustinus 5. de Genesi c. 15. Quod ex eo etiam planum videtur, quia tunc Adamus secretionē cœlestis numinis afflatu incarnationis mysteria cognouit. Quod utrique significauit illis verbis, *Hoc nunc os de ossibus meis*: sic enim ea interpretatus est D. Paulus ad Epheseos 5. cum dixit, *sacramentum hoc magnum est*, &c.

*Genes.*

*D. August.*

*Idem probat  
Tertullianus  
in lib. de Au.  
6. 43.*

VERVM D. Thomas loco citato probabilius censet, & in 1. p. quæst. 94. art. 4. & quæst. 93. art. 3. disertè affirmat, & quidem meritò, etiam in statu innocentia fuisse dandum somno locum, non ei, qui ex lassitudine, aut morbo oriretur: is enim defectum argueret, sed quem duntaxat pura, & suavis alimenti vaporatio alliceret. Est enim hæc genuina, & naturalis affectio ad totius

animantis perfectionem attinens. Itaque licet somnus in nostra hac mortali vita comparetur, obseruiatque ad virium iacturam refarciendam; in illa tamen felicitate, in qua homines multis diuinis muneribus supra naturæ conditionem fruerentur, ad solam oblectationem & synceram voluptatem obdormiscerent; cum vellent. Nec concreti vaporis colluio caput degrauaret, sed moderata purioris halitus copia ad quietem, hoc est, ad externarum functionum cessationem incundam blandè inuitaret, ac deliniret. Igitur sopor ille primi parentis re vera somnus fuit, vt est communis Patrum, aliorumque auctorum interpretatio. Vnde & D. Thomas ex eo loco Geneseos colligit 1. p. quæst. 97. art. 2. Adamum in statu innocentie dormiisse: idque indicant verba illa, *immisit Deus soporem*. Vbi vox Hebræa, *tardemach*, non quemlibet somnum, sed grauem significat: pro qua vertit Aquila *κατὰ ὄπην*, quasi totius vigilie lapsus, Symmachus *μακρὸν*, id est, profundum somnum. Fuit tamen is somnus à Deo iniectus: & quia in eo mens Adami supra naturæ consuetudinem, modumque ad diuinorum mysteriorum contemplationem euecta est, Ecstasis simul fuit.

*Cuiusmodi fuerit sopor Adami.*

*Quomodo animal expergiscatur, & à somno cesset.*

#### CAPVT VI.

**D**VP LICITE cessat animal à somno. Videlicet aut sponte sua, tuncque propriè dicitur expergisci: aut aliena vi, & interpellatione. Prior cessatio tunc datur, vt explicat Themistius hoc loco cap. 23. suæ paraphrasæ, ex doctrina Aristotelis in extremo huius libri. c. cum primùm absoluta & profligata concoctio est, cumque intimus calor, qui ambientis frigoris metu in angustum se contrahat, tandem victis difficultatibus, & superior factus è latebra emicat, quod nō ante accidit, quàm sanguinem faculentum, & turbidum à puro discreuerit, est enim tenuissimus, qui in caput mittitur, admodum verò crassus, qui inferioribus partibus mandatur. Igitur quandiu sanguis ex cibo indiscretus est, sopor infusus durat, nec ante cessat, quàm syncerus ad superas partes, ad inferiores autem crassior euadat, quod cum factum est, animalia, quasi onere, quod cibis afferebatur, depulso, excitatur & vellicantur è somno.

*De expergisatione ipsa.*

ITAQUE huius sententiæ summa est, tunc expergisci animal cum decoctio vi naturalis caloris, qui se ad id colligerat, peracta est, tunc enim calor, & spiritus robustiores effecti ad externa organa diffunduntur. Quod intelligendum est de celebri, & maxime naturæ conuenienti expergisatione, vt aduertit hoc loco Buridanus quæst. 4. Contingit enim non raro expergisci animal etiam

etiam sponte sua ob alias causas ante peractam coctionem imo & interdum, cum non præcessit propria alimenti decoctio, ut cum excitatus fuit vapor ex secretis vitæ humoribus, qui ventriculo insidebant. Verum enimvero vniuersaliq; & communis causa, ob quam expergiscuntur animantia, est, quia panduntur meatus, per quos spiritus animales transineant, panduntur autem ordinari, si animal rectè, ac probe se habeat, postquam vapores, qui eos occludebant, calorem cerebri consumpti sunt.

Quo vero attinet ad eam cessationem à somno, quæ exterius procuratur, ut cum quis alium clamando excitat, dubitarit quis quoniam pacto id fieri possit. Nec enim qui ita somnum rumpit aliter excitatur, quam clamoris perceptione, non apparet autem quomodo clamorem percipiat, cum audiendi officina destituta sit influxu cerebri, & spiritibus, quorum ministerio sensationes perficiuntur. Respondemus tamen cum Buridano, Thoma à Vega in suis commentariis super tertium Galeni, de locis affectis, & Vallesio lib. 4. Controvers. medicarum, & Philosophicarum, & Fracastorio lib. 2. de Intellectione, instrumenta externorum sensuum in dormientibus non omnino priuari influxu cerebri, nec ita deseri à spiritibus animalibus, ut non eis aliqui suppetant, quorum opera saltem vehementia sensibilia percipere valeat. Itaque cum quis dormientem inclamat, anima impulsu soni & auditoris imaginis stimulata ad audiendum actum concurret, somnumque dignoscit prius quidem obscurè, & quasi per umbram, mox clarius ac distinctius, subindeque expultrici vi conatum faciens maiorem iunxit spirituum copiam quorum irruptione sensus communis aditus, vizque ad sensoria, pariter referantur atque ita qui antea consopitus erat, sevigilat. Sunt tamen nonnulli, qui ægrè à somno excitari consueverunt, ita ut etiam pulsari vix sibi reddantur, cuius rei causa est, quia pauciores, vel hebetiores spiritus in organo sensuum retinent, aut obstructiores habent meatus.

*De iis, qui dormientes obambulant.*

## CAP. V. VII.

*De his Arist.  
hoc in lib. cap.  
1. & 5. de ge-  
nera. an. cap.  
1. Calus lib.  
16. cap. 33.*

**Q**UOD A eos vero, qui sopore affecti à lecto surgunt, & huc illuc oberrant; quereret aliquis num simpliciter experrecti dici debeant, an dormientes. Cum enim sui compotes non sint, dormire vtique videtur. Econtrario tamen, quod non dormiant suadet ea ratio: quia si ij virtuti mortici musculis insidenti, animales spiritus è cerebro communicant ad membrorum motum exercendum: cur non etiam eosdem spiritus organo sensuum imperient ad sua obiecta dignoscenda? Atque ita versabuntur per id



tempus sensus externi in opere, & vigilia.

*Explicit  
proposita dis-  
cussio.*

Hic videri controuersia dilutio hæc sit: cum ad somnum requiratur omnium sensuum ligatio, & ad vigiliam sufficiat vel vnus solutio, vt à nobis ante declaratum fuit, censendum erit; iis, qui prædicto modo è lecto surgunt non simpliciter interesse somnum, sed modum quandam somni imperfectum, & quasi dimidiatum, quandoquidem non est negandum eos tactu & si obscuro, vti, dum terram pulsant, dum se vestiunt, dum fores pādunt, dum arma corripunt aliæque faciunt eiusmodi quæ non sine aliqua tactilium perceptione exhibetur. Neque refert quod interim sui compotes non sint, ad vsum namque rationis requiritur internorum sensuum solutio quæ tamen non arguitur ex eo, quod aliqua externa facultas euigilet, & in opere versetur. Causa verò, cur ij, qui dormientes ambulant, & si nullo sensu externo perfectè vtantur, nihilominus actum virtutis moricis gnauiter perfectèque exerceant (sæpe enim longa spatia haud aliter, quàm vigilantes conficiunt, & vt cætera huius rei omittamus exempla, narrat Galenus 2. lib. de Motu musculorum cap. 4. aliquando se integrum fere stadium dormiēdo peregisse) causa inquam, est quia, vt Vega in 3. Galeni de locis affectis animæ diuertit, via, per quam cerebri facultas ad morum pectoris & artuum influit, alia est & laxior, quàm ea, per quam in sensuum externorum officinas illabitur. Quo fit, vt non æqualiter potètia motus; & sensitiua exterior à suis functionibus somno impediatur; præserim cum imaginatio quæ appetitum ad motionem excitat, sæpe in dormientibus fortior, ac vehementior sit, vt pote, cui tunc ratio non obstat.

*De influxu  
potentia mo-  
tricis in mem-  
bra & sensus.*

De vō præterea adueriēda hīc sunt. Alterum, vim loco motricem in iis, qui dormiunt, non solum tunc, cum obambulant operari, sed etiam cum decumbunt, haud omnino officio suo deesse, vt affirmat Galenus lib. 2. de motu musculorum: quandoquidem & tunc loquuntur & paruum aliquod corpus, flexis digitis prehensum seruant: & inferiorem maxillam discedere à superiori nō sinunt, nisi admodum defessi, ac torpidi sint: & aërem reciprocando attrahunt, reuocantq; quæ omnia nō nisi ministerio, atq; opera motorie virtutis exhibentur. Alterū, id quod diximus superius, eos, qui inter dormiendū ambulant, vti sensu tactus, non ita accipiendum, quasi interdū non aliquo alio sensu pariter vti soleant, cū Aristoteles 5. de generatione animalium c. 1. eisdem vidēdi actionem tribuat: cum item ij, qui inter dormiendū loquuntur, & ad interrogata respondent, audiendi sensu vtantur. Nostra igitur sententia est, semper eos aliquo tactu vti, licet obscuro, vt cunque circa aliorum sensuum functiones sese habeāt. Sunt autē magna ex parte huiusmodi ambulones, suo pte ingenio inquieti, agiles & multis se negotiis immiscētes, quos ardeliones vocāt. Vnde ex narina sensuum viuacitate cursatio illa exoritur.

*Quid*

*Quid causa esse videatur, cur galli stato noctis tempore expergescant, & canant.*

## CAPVT VIII.



V A M habet in philosophia considerationem alitū gallorum definitis intempestæ noctis spatiis expectatio cum cantu. Hos ait Plinius lib. 10. Naturalis historię cap. 21. excitandis in opera mortalibus, rēpendoque somno naturam genuisse. Norunt, Inquit sidera & ternas interdiu horas cantu distinguunt. Cum Sole eunt cubitum quartaque castrensi vigilia ad curas, laborēque reuotant. Nec Solis ortum incautis patiuntur obrepere, diēmq; venientem nuntiant cantu, ipsum verò cantum plausu laterum. Affirmat tamen idem Plinius lib. 29. cap. 4. si eorum collo circulus ē sarmentis addatur non canere: cuius rei fides penes auctorē maneat. Licet verò id quod asserit de distinctione temporis ex gallinacei cantu per ternas horas fictum sit, vt experimento comprobatum esse docet Scaliger Exercitatione 239. in Cardanum. Nihilominus quid causæ sit cur gallinaceus circa noctis medium canat, quod verum esse nemo ignorat, id inquam à multis quæsitum, à nullo fortasse hæcenus inuentum. Omissis aliorum placitis, quæ videre est apud Scaligerum loco citato, Cælium lib. 16. Antiq. lectio. cap. 13. Duæ sunt hac de re celebriores sententiæ. Vna Democriti vt refert Tullius lib. 2. de Natura Deorum, aientis excitari tunc gallum & canere quod quiete satius sit, ac misce recreatus depulso de pectore & in omne corpus distributo cibo. Altera existimatiū gallū esse auem Solarem, in eūmq; peculiariter Solem influere potissimum cum post noctis medium ad nostrum Orientem vergere incipit, idq; in causa esse, cor tunc gallus expectectus canat, quasi planetæ suo cōgratulus. Ex his duabus opiūonibus, & si prima ad veritatē propriū accedat, neutra tamē omnino satisfacit. Per prima, quia non explicat cur cæteræ cātatrices aues non eodē tempore excitentur & canant: non secunda, tum quia libere cōfugit ad ecclēstem influxum; tum quod sæpe galli ante mediam noctē cantum edunt; sæpe multò post. Dicendum videtur, vt singulis animantium speciebus conuenit peculiaris instinctus & inclinatio orta à certis qualitatibus & temperie vniciue speciei propria; ita gallinaceo ex vi natiui sui temperamenti (quod præcaldum est ac facile cibos digerit) competere, vt ei ordinariē circiter mediam noctē soluantur sensus; eodēque tempore eidem à proprio phantasie instinctu cantum, & alarum plausum imperari; atque hanc esse tum expectectationis, tum cantus causam. Quare nihil mirum si non idem accidat cæteris auibus, cum non omnes eodem temperamento, & instinctu præditæ sint.

*Plinius*

*De distinctione temporis ex cantu galli.*

*Opinio Democriti.*

*Sententia aliorum.*

*Singulis animantium speciebus peculiaris instinctus.*

*Solutio*

*Solutio problematum, quæ ad somnum pertinent.*

CAPVT IX.

*Sententia Aristotele de frigiditate cerebri.*

**D**ILVAMVS nunc aliquot problemata de rebus ad somnum spectantibus, Primum sit. Si cerebrum frigidum est, non frigidum: quo pacto vapores illuc perlati, eius frigiditate addensantur, & meatus occludunt? Responsio, Aristoteles 3. huius libri affirmat cerebrum esse omnium, quæ in animali continentur, frigidissimum, cuius effati veritas alibi à nobis excutienda est. An præsentī dicimus saltem cerebrum multo esse frigidius corde, & spiritibus, quæ à cordis ventriculo emicant, habereque eam frigiditatem, quæ satis sit ad Stomachi halitus addensandos. Quod Aristoteles apta similitudine expressit loco citato. Quemadmodum, inquit, vapore, qui Solis calore è locis humidis exhalatur, cùm ad mediam aëris regionem peruenit, ob algorem eius loci refrigeratur, coactûsque & in aquam versus, suo pondere ad imalabitur: sic vapor ventriculi, quantumvis calidus, ubi innati caloris vi ad cerebrum appulit, eius frigore coaceruatus & confertus deorsum truditur.

*Simile.*

*Spiritus animales.*

2 CVR externæ facultates opere lassantur, & quiete, somnôque indigent, non ita verò facultas nutriendi, quæ in otio nunquam est? R. quia externæ facultates munus suum obeunt interuentu animalium spirituum, qui, dum potentiz incumbunt in opus absumentur (sunt enim prætenuis, & evanidæ substantiæ) itaque absumptis necesse est defatigari potentias: vis autem nutritoria ex communi philosophorum placito, nec eiusmodi spiritibus, nec virtute per illos è cerebro influente indiget. Quod si opus habet spiritibus naturalibus, quos quidam à vitalibus & animalibus distinctos ponunt ij nõ intereunt aut deficiunt, dum nutriendi facultas operatur, quin verò ab ipsa tunc gignuntur, & elaborantur, vt in progressu explicabimus. Quò sit vt huiusce potentiz functiones, cum labore & lassitudine coniunctæ non sint: proindeque nec quietem desiderent.

3 SI somnus sit adactio intus calore, labor autem, motûsque corporis calorem ad extimas partes diffundit, qui fieri potest, vt labor somnum inducat? R. Quia calor, qui agitato corpore sparsus fuerat, quiescente ad interiora colligitur.

4 SI fatigatio sudore eiecto membra exsiccat, quonam pacto defessis halituum copia ad somnũ accersendum suppetet? R. Quia & si corporis fatigatio sudorem egerat: alia tamen ex parte humores concretos, quos inuenit, nisi admodum frigidi sint, liquefacit, qui vice alimenti expirant, & vaporant. Quod si eiusmodi humores, vel aliud quid simile, quod expirationem edat, non subsit,

*Arist 3. cap. huius libri.*

subsit, quantumlibet se calor intetius condar, vigilia laborem excipit, vt interdum fit.

5 C V R melancholici parum dormiunt, cùm alioqui edaci auditare sint? R. Quia in iis quorum prægelida natura est, multa euaporatio vi caloris intestini efferrî non potest: talis verò affectio melancholicis conuenit, qui tamen edaces sunt, quia vt declarat Aristoteles c.3. huius libri, & Themistius cap. 18. suæ paraphrasis, siccam, & retorridam habent temperaturam, nec hausto cibo perfruuntur, grassante & nutrimenti conceptacula obsidente atra bili, qua redundant.

*Melancholici cur parum dormiant.*

6 Q V o pacto somnum lactuca inuehit, si frigida est, & euaporatio calore indiget? R. Lactuca, & si frigida sit, ita nihilominus fumosa est, vt alieno calore facile vaporem edar.

7 C V R plerumque ij, qui se multo, ac præsertim vario cibo ingurgitarunt somnum ægre capessunt, & si ad id conatum faciunt? R. Quia vt ignis congestu lignorum: ita natiuus calor nimio cibo suffocatur, & obruitur, ac tarde decoquit: tarda autem decoctio sero, ac segnier vaporem exhalat. Idque potissimum accidit cùm diuersi generis edulis plenus est venter. Nam cum alia tardius, alia citius in chylum vertantur coalescit stomachus & ab officio suo impeditur: tum etiam frequens eructatio huc illuc corpus versat, nec halitum recta via in sublime rapi sinit.

*Cibus diuersi generis tarde excoquit.*

8 C V R Æthiopes suapte natura aridi somnolenti sunt, maxime per æstatem? R. Quia, vt Aphrodisæus animadnertit, illis qui acervant in capite pituitam, quod verissimile est facere Æthiopes ob narium caloris (& si ascititio abundant) exiguitatem: ea per æstus liquata, defluenteque somnus obrepit: quibus vero caput purum est, & excrementis vacans, exiccato crebro vigilia sequitur.

9 C V R primus somnus arctior esse solet? R. Quia initio maior humoris copia in superas partes euadit, quæ vt paulatim absumitur, ita somnum gignit liberiores: hinc & infantuli, vt diximus, primo ætatis ingressu alto sopore opprimuntur, quia calidi sunt, & præhumidi, adeo vt quinque mensibus ceruicem non inflectant. Vnde etiam Aristoteles hoc in lib. c.3. vsum vini, quod halitibus plenum sit, tam ipsis, quàm earum nutriticibus, interdicit.

*De assiduo infantum somno.*

*Arist. 3. c. huius lib.*

10 C V R ij quibus venæ non apparent, somniculosi sunt? R. Quia per venas angustas, quales hi habent, ægrè humor è cerebro descendens effluit, sed in ipsis diu insistit, somnumque porrigit: non secus atque per fistulas graciles aqua guttatim & lente decurrit, per amplas celeriter elabitur.

11 C V R dormientes vsu rationis destitui dicuntur, si vniuersalia apprehendunt, si discunt, si disputant, si consultant, si iudicant? Hæc enim omnia somno consopitos non rapè exhibere docet experientia. R. Quia tunc non admittitur intellectui facultas

De privatio-  
ne vsus liberi  
arbitrij in so-  
nis.

operandi, sed liberè operādi. Adimitur verò ei talis libertas, quia perfecta intelligendi ratio, quæ libertatem comitatur, pendet à solutione interiorum sensuum, cum oporteat intelligētē speculari phantasmata, interni autem sensus tunc solum dicuntur soluti esse, cum rectè, & ordinatè operantur, quod obtinere non possunt dum cerebri meatus obturati sunt: interim nanque semper intus oberrant vapores, quorum nubes obumbrat sensuum officinas, eorumque operationes turbat.

12 C V R glires dum hyeme dormiunt maximè pinguescunt Vnde eorum quidam apud Martialem sic ait:

*Tota mihi dormitur hyems, & pinguior illo  
Tempore sum, cum me nil nisi somnus alit.*

Lege D. Tho.  
1 p. q. 84. art.  
8. ad 2. & m  
4. d. 9. q. vnic.  
art. 4. quæst. 1.  
ad 4.

Lib. 13.

R. Quia dum hyberna latebra sese continent, obtorpescit in eis calor, isque cum lentè admodum carpat natium humidum, conuertit in eorum substantiam pituitam intus asseruatam, eaque pasti dilatantur.

13 C V R tristitia somnum adimitur cur somnus tristitiam leuat?

R. Quia tristitia in homine præsertim cogitabundo, propter occupationem imaginatiuæ, coctionem deprauat, vaporem dispefcit, humidum consumit. Quod item ob eandem causam præstat meditatio, & lectio, etsi hæc interdum somnum aduocent, cum videlicet is, qui meditatur, aut legit, ita est affectus, vt vaporum copia membris, sensibusque & animalibus spiritibus tunc magis quiescentibus in cerebrum euecta intentionem, & applicationem animi torpidam reddat, ac tandem mearus ocludat: eademque causa est, cur blandus aquarum decursus somnum conciliet. Lege Aristotelem in problemat. sect. 18. quæst. 7. Quod attinet ad rationem, ob quam somnus tristitiam leuat. D. Thomas 1. 2. q. 39. art. 5. id ita explicat. Cum tristitia repugnet vitali motioni corporis, quæcunque corporis affectionem in vitalis motionis statum vendicant, ea tristitiam oppugnant, minuuntq: sic verò sese habet somnus, quandoquidem raparat spiritus, quorum ministerio fit motus, estq; commune naturæ subsidium, speciatimq; ob id tristitia alienamentum est, quia tristitium rerum cogitationem amouet, & melancholici humoris malitiam emendat, & spiritus turbidos, atque obscuros, causam sobolemque morboris, absorbit.

Somnus cur  
tristitia alle-  
uamentum.

14 S I somno calor ad viscera cogitur, quonam pacto tertia decoctio alimenti, quæ in membris fit, & calore promouetur, somni, quàm vigiliæ tempore exactior est? R. In primis, quia artuum quies nō parum iuuat decoctionem, quatenus minor spirituum copia tunc effluit, quàm vigente motu. Secūdò, quia licet ineunte somno coeat calor in præcordia, postea tamen sese in totum corpus diffundit. Vnde est quod extimæ partes corporis, quæ initio somni frigent, eodem procedente recalescunt.

Ineunte som-  
no calor in  
præcordia se  
eripit.

15 C V R somnus post nimiam, & subitam corporis exinanitionem,

tionem, augeat debilitatem fractionemque, immo & nonnunquam deliquium importat? R. Quia somnus residuum illud caloris, quod in membris supererat, introrsum reuocat; sicque moles corporis calore, & spiritu destituta collabascit.

*Lege Galenū  
in lib. Hipp.  
de vitius ra-  
tione in mor-  
bis acutis.*

16 C V R sudorem somnus mouet? R. Quia vt dormiēti melius, quā vigilanti alimentum decoquitur, ita per somnum copiosior halitus à visceribus ad cutem educitur. Vbi sciendum si vapor corporis extrema petens diffatur, nec in obstacula impingit, confestim euolare; si verò impingit, per moram in sudorem con- crescere; quod frequenter accidit corpore cōsopito, & quiescente: quoniam nullo tunc motu halitus diffipatur, nec in poros ita laxos, quos motus aperire solet, incurrit. Cur autem nonnulli, vbi se somno tradiderint, confestim sudant, causa est, quia retentrix facultas destituta à calore in viscera fugiente, humorem, quem veluti prehensum tenebat, dimittit, non aliter quā in diliquio mentis, quo totum corpus repentino sudore madet.

*Sudor in mē-  
tis deliquio.*

17 C V R somnus matutinus iucundior est? R. Quia Solis remeantis propinquitās ē nostris corporibus halitus soporiferos denuò excitat, sicuti & ex aliis corporibus vapores. Vnde est, quod paulo antequam dilucescat, aēr obscurior, ac tenebrosior sit, quā esset, cūm Sol longius aberat, occupante videlicet, & obscurante aërem vaporum copia, quā aduenientis Solis calor exciuit.

*Paulo ante-  
quā diluce-  
scat, cur aēr  
obscurior red-  
ditur.*

18 C V R vespertinus somnus potissimūm damnatur? R. Quia id tempus maximè importunū est. Recedente enim Sole, qui innatum calorem fouet, noxia omnia plus incommodant, est autem omnis fere diurnus somnus noxius.

*Lege Plin.  
lib. 25. c. 4.*

19 C V R supra dextrum latus suauis soporatur? R. Causam reddit Aristoteles in problem. sect. 6. quæst. 5. & 7. R. Quia hac ratione magis quiescit immotaque constituitur dextera pars, quæ motus principium est, & diurno labore magis fuerat defatigata: vel vt alij explicant, quia cūm ventriculi os ad sinistram vergat si in læuam recumbas necesse est alimentum offendere, grauareque stomachi officium, ex quo turbatio, somniq; interruptio oritur, vnde medici iubent eos, qui purgatoria imedica- menta sumpserunt, aut quibus aliunde vomitus timetur, supra dextram, minimè verò supra sinistram cubare. Si autem probæ coctionis exacta ratio habenda sit. Ea docente Auicenna, Tertia p. doct. 2. quæst. postulat vt primò in dextram decumbamus, ne cibus innatet, fluctuet-ve. Deinde noctis decursu in læuam, vt hepar ventriculo insidens decoctionem promoueat: tandem sub lucem rursus in dextram: hac enim varietate alimentum, vt olla igni hinc inde appposito, commodiùs, ac vehementiùs incalescit.

*Ventriculi os  
ad sinistram  
vergit.*

20 Q V A M O B R E M musica somnum iucundè allicit? R. Quia anima ad cantus intenta reliquorum sensuum, quasi oblita, spi-

*Canem cui  
somnia con-  
tribuitur.*

ritus ad eorum officinas immittere definit, eosque ad audiendi organum aduocat, ij verò humidum, si quod ibi inueniunt, in halitum soluunt. Atque ita tum reliqui sensus spiritibus destituti, rum auditus ipse ob exciratum vaporem facile soporantur, omniumque sensuum iucunda quies existit.

*Aliter A-  
phrodif. libr.  
probl. primo.  
probl. 119.*

21 QVAM ob causam somnus grauibz morbis laborantibus præsertim si ieiuni sint, interdum valde uocet? R. Quia in iis calor, dum sese interius abdit, humores noxios colligit in præcordia, qui vitæ fontem inficiunt, & ad interitum vocant.

22 SI multa sunt animalia destituta corde & sanguine, ac proinde spiritibus animalibus, qui nihil aliud sunt, quàm partes sanguinis tenuissimæ, in corde primum, deinde in cerebro elaborantur, qui fieri potest, ut vera sint, quæ hæcenus de somno diximus: videlicet fieri impedita communicatione eiusmodi spirituum è cerebro? R. Quia licet non omnes animantes cor & sanguinem habeant, omnes tamen aliquid obtinent proportionem respondens cordi & sanguini, atque adeò spiritibus animalibus. Lege Aristotelem c. 3. & 4. de somno, & vigilia.

*Animalia  
corde, & san-  
guine caren-  
tia.*

## IN LIBRVM DE SOMNIIS.

*Quid sit somnium, & quomodo accidat.*

### CAPVT I.



*Definitio som-  
nij.*

CONTINVATA rerum series postulat, ut cum Aristotele de somniis agamus, siquidem somnia affectiones sunt somni, de quo proximo libro disseruimus. Et ut à rei subiectæ definitione aspiciemur. Somnium, ut Aristoteles 1. & 3. huius lib. c. explicat, est visum, quod in somno apparet, seu quod eodem recidit, est apparitio exhibitæ per internum sensum, in iis, qui somno consopiti sunt. Dicitur, per internum sensum, ut reliciantur notiones intellectricis potentiæ, quas dormiētes interdum effingunt, quæ non ritè somnia vocantur, ut Aristoteles locò proximè citato ait. Additur, qui somno consopiti sunt, ad remouēdas sensationes internas, quæ accidunt amentibus, & phreneticis, quoniam hæc, somnia non sunt: cum fiant solutis per vigiliam sensibus.

P R O cuius rei intelligentia haud ignorabis, interim dum adhuc præclusi sunt meatus, per quos animales spiritus ad externos sensus inuehuntur, nō raro accidere, ut soluātur, & quasi vinculo liberētur interni sensus, sedata videlicet magna ex parte (nam ex toto dum somnus perseverat cohiberi non potest) vaporum agiratione, & tumultu. Ostendunt enim sese, quæ antea omnino latuerant,



Legē D. Tho.  
1. part. q. 111.  
art. 3.

latuerant, rerum imagines, per quas interni sensus operantur  
idque clariùs, aut obscuriùs pro halituum paucitate, vel multi-  
tudine, tenuitate, aut crassitie. Hoc igitur cùm accidit, somnia-  
re animal dicitur.

Rerum ima-  
gines.

Mo d u m autem, quo prædictæ imagines aut latent, aut se  
exerunt declarat Aristoteles 3. huius lib. cap. hæc similitudine:  
Quemadmodum in aqua permora, aut nulla effigies redditur,  
quæ appareat, aut redditur quidem, sed tortuosa: quiescente autē  
& stagnante aqua res natio suo colore propriâq; forma respon-  
dent: ita dormientibus evenit, dum enim vapores in cerebro  
errabunda motione addensantur: aut imagines penitus obrutæ  
delitescunt, aut non nisi turbulenta quædam & molesta, ac pro-  
digiosa visa exhibent, qualia sæpe accidunt melâcholicis furen-  
tibus, & ebriis, aut febri laborantibus.

Simila.

S i p illud est in hac disputatione valde ambiguum ad quos  
nimirum sensus internos pertineant somnia, à quibusve spectris  
eliciantur. Multorum sententia est partim ad sensum commu-  
nem partim ad cogitatricem vim spectare. Elici in sensu com-  
muni à speciebus, quæ ad ipsum ex phantasia perferuntur: in  
cogitatrice ex imaginibus, quæ ad illam è promptuario memo-  
riæ sensitiuæ commēant. Faciunt quippe huiusce opinionis as-  
sertores phantasiâ thesaurum sensus communis: & eam, quæ  
peculiariter memoria sensitiua dicitur, thesaurum potētiae cogi-  
tatricis. Itaque horum iudicio cùm per somnium res sensatas  
apprehendimus, putandum est id somnium effici in sensu com-  
muni, cuius obiectum sunt res externis sensibus obnoxie: at cùm  
res non sensatas cogitamus, vel non sensatas inter se, aut cum  
sensatis miscemus, existimandum tale somnium effici in cogita-  
tiua, ad quam eiusmodi apprehensiones ex officio pertinent.

Ad quos sen-  
sus internos  
pertineant  
somnia.

S i c cùm quis inter dormiendum videtur sibi intueri homi-  
nem districto gladio, isthæ apparitio fit in sensu communi, quia  
est rei sensatæ. Quod si eundem percipit ut hostem & inimicum:  
cùm inimicitia fit res non subiecta externis sensibus, talis appre-  
hensio exercetur in cogitatiua. Atque ita nonnunquam duæ po-  
tentie circa eiusdem rei euentum historiâve simul occupantur  
interdum vna duntaxat, prout materiæ subiectæ conditio, &  
natura postulat.

P o r r o autem quo pacto species somnia effecturæ ab vlte-  
riori sensu ad priorem remeent, duplex sententia est. Sunt qui  
dicant ut imago ab speculo ad oculum reflectitur: ita simulachra  
à sensorio phantasiæ quodammodo reperiuntur, redireque sponte  
ad communem sensum, similiterque ab organo memoriæ sensi-  
tiuæ, ad cogitatiuam. Alij credunt non dari eam repercussionē,  
sed traduci imagines vehiculo spirituum animalium. Aiunt enim  
præter idola quæ eiusmodi cellulis recondita, & in substantia  
cerebri impressa sunt, è quibus potentie actiones suas eliciunt,

De regressu  
imaginum ad  
efficienda so-  
nia.

dari alia spectra confimilia, spiritibus inuista, quæ eorundem spirituum opera huc, illucque excurrunt; ita videlicet ut imago Socratis, quæ insidet in spiritu administro, & quasi satellite phantasia, ab eo traiecta aliam imprimat in sensum communem, quæ is informatus rem ab illa repræsentatam apprehendat. Quandoquidem spiritus, ut alibi planum faciemus, animati non sunt fierique non potest, ut anima per speciem hærentem in alieno subiecto vitalem eliciat actionem.

Ac quod somnia hunc in modum fiant, hoc est, transuersione specierum ab vno sensu ad alium, baiulis spiritibus, videtur expressa Aristotelis sententia hoc in libro cap. 5. ubi generatione somnij declarans ait, dormientibus plurimam sanguinis copiam ad sensum principem delabi, & vnâ motiones illas descendere, quæ in eâ materia continentur, alix potentia, alix actu. Ait verò in materia sanguinis, siue in spiritibus qui nihil aliud sunt, quam tenuissimæ purioris sanguinis particule quasdam motiones actu esse, quasdam potestate: quia ut explicat Themistius cap. 17. suæ paraphrasis, quasdam imagines nobis dormientibus cunctantur & torpent, aliquæ præsto sunt principiumque sentiendi, id est, potentiam ad ipsarum vsum excitant.

Quo etiam Aristoteles eodem cap. illustrauit exemplo lignearum, ranarum aliquantulum obscure, sed in hanc sententiâ, ut Leonicus eo loco est interpretatus. Si quis ranunculos è subere, aut alio quouis ligno cõficiat, numero quinque verbi gratia, deinde eos in vas plenum aqua includat, & vnum quidem in vasis fundo statuat superiniecto sale, similiterque alios tres: singulis sale interposito: tandem vero in vasis superficie vnû apertum collocet: extremus hic qui cernitur ranunculus proportionem habebit imagini actu, perquam nunc operatur anima: illi autem, qui conditi sunt, & sale operti iis imaginibus, quæ potestate existunt. Ut igitur prædicti ranunculi, si sal liquefcere & in aquam verti incipiat, paulatim se exerent, & ordine suo apparebunt; ita imagines, quæ inundante vapore abscondebantur, eodem impresso, & euanescente sese proferent, ut iam iis potentiz uti queant, quæ antea nequibant.

*Alia ratio explicandi somniorum generationem.*

## CAPVT II.



QUONIAM pacto ex communiiori philosophantium sententia somniorum generatio procedat, proximo cap. differuimus ubi etiam ostendimus putasse Aristotelem fieri insomnia per descensum recursumve imaginum ad principem sensum, licet num etiam in cogitatrice perficiantur nihil omnino ex illius dictis elicerim.

Verum

*Spiritus non  
sunt anima  
prædicti.  
Sententia A-  
ristotelis quo  
pacto sunt  
somnia.*

*Legè D. Tho.  
ad hunc locū  
1 parte, quæst.  
111-art. 3.*

*Simile.*

Verum alia nobis in re proposita occurrit opinio, quæ fortasse non displicuerit. Inprimis namque regressio illa imaginum minimè necessaria videtur; suo fiat per repercussionem, siue spirituum vehiculo. Repercussio enim tunc datur, cum aliquod corpus, veluti pila, impingit in aliud, cuius duritiem, & repugnantiam quia vincere nequit neque progredi ulterius valet, retro cōmeat; aut dissultat in latus. Quod similiter accidit cum qualitas ab aliquo agente effusa propter obstaculum, id quod impingit, explicare se amplius per lineam rectam non potest, sicque spatij longitudinem, per quam porrigenda esset, in se redeundo seque intendendo compensat: quo modo fit lucis reciprocatio, & productio Echus. At quod neutrum horum in somniis accidat, probatur. Nam prima illa repercussio conuenit solis corporibus, imagines autem non sunt corpora. Quod si quis respondeat non reperiuntur imagines per se, sed ratione spirituum, quibus à sensu externo in internum prouehuntur, id ex eo facile coarguitur, quia spiritus non adeo vehementi & turbida agitatione in interna sensoria impingunt, ut ab iis eos retrogredi necessum sit. Præterea si talis reflexio detur, utique tunc dabitur, cum imagines ab externis sensibus ad internos commeant: at inter dormiendum, ut facultates externæ feriantur, ita omnis commeatus simulachrorum qui ab his ad internos in vigilia sit, omnino cessat. Vade etiam liquet non reuerberari species ab internorum sensuum officinis eo pacto, quo lux, aut somnus à corporibus, quæ offendent, siquidem nūquam ea reciprocatio fieri incipit, nisi cum accidentia incutunt: denuò in corpora, à quibus reflectuntur. At cum somniamus, non tunc incidunt imagines in interna sensoria, sed iam ante in iis insculptæ fuerant.

*Non esse opus regressu imaginum ad somnia.*

Sed si quis dicat non redire simulachra ad sensum communem, siue ad estimatiuam ex repercussione facta ad sensoria, sed reduci vectoribus spiritibus, qui somni tempore per internorum sensuum officinas diuagantur (quæ ratio tuendi prædictam regressionem communior est, ac longe, quàm prima verisimilior) id etiam non parum habet difficultatis. Sed aduertendum primò est, quod in libris de Anima ex professo ostendimus, videlicet phantasiam & memoriam sensitiuam non esse duntaxat potentias passiuas, quasi nihil ipsæ operentur, sed tantummodo ad asseruandas rerum imagines destinatæ à natura sint; alio quò deterioris notæ essent, quoad hoc, quam sensus externi, quos constat non solum obiectarum rerum species accipere, sed earum interuentu in opere, & actione versari. Deinde quia nemo inficias ibit nos per imaginatricem vim, siue phantasiam multa imaginari & effingere: ac per memoriam sensitiuam recordari. Tertio quia receptum est in philosophorum scholis eos, qui bona sunt phantasia, id est, qui celeriter, & acutè imaginantur, celeriter ingonio præditos esse, facileque discurrere: & qui estimatiua

*Phantasiam & memoriam sensitiuam non esse potentias passiuas duntaxat.*

celeri

celeri ingenio præditos esse, facileque discurrere: & qui æstimatediutina præstant, hoc est æstimatediuticis potentia functiones excellenter administrant, iudicio eminere.

**PRÆTEREA** supponendum est omnia, quæ apprehendit sensus communis, percipere etiam phantasia: itemque omnia, quæ cogitativa cognoscit, percipi à memoria sensitiva. Quod ex eo sanè patet, quia phantasia servat typos omnium rerum, quæ cadunt sub communem sensum, illique ad notiones suas vertitur cum non sit tantum facultas patiens, ut ostendimus; similiterque memoria servat imagines omnium rerum, quæ sub notitiam cogitativæ potentia veniunt, & eisdem pari modo vertitur.

**HIS** ita constitutis quod ad gignenda somnia nullo pacto necessarium sit ab ulteriori ad priorem sensum species redire, ita probatur, Phantasia cognoscit omnia, quæ sensus communis, immo & plura, cum etiam proprio ingenio multa imaginetur & effingat. Item omnium eiusmodi rerum species in se cohibet, tam eas quæ sibi à communi sensu demandatæ sunt, quàm alias, quas sibi ipsa per proprias notiones impressit. Præterea inter dormiendum non impeditur ab usu talium imaginum, cum non minus, quàm sensus communis, soluta sit. Nihil igitur opus est, somniorum gratia mitti species à phantasia ad sensum communem. Sed si somnia effingenda sint circa res ad phantasia, vel ad sensum communem spectantes in ipsa phantasia non autem in sensu communi, perficientur. Eodemque modo somnia circa obiecta ad cogitativam & ad memoriam sensitivam pertinentia administrantur in memoria sensitiva.

*Obiectio.*

*Dilatio.*

**QVOD** si quis obiiciat nos inter dormiendum nonnunquam discurrere ab una re singulari ad aliam: hoc autem ad nullum sensum internum, præterquam ad cogitativam pertinere, proindeque in somniis operari cogitativam. Occurrendum erit tamen non inficiemur cogitativam hominis circa singularia discurrere: non constare tamen verum somniantium discursum, etiam cum non versatur in rebus universalibus, ab aliquo sensu interno, an ab intellectu profisciscatur: sed esto fiat à sensu dicendum memoriam sensitivam hominis componere, dividere, & discurrere, ut ait D. Thomas in 1. part. quæst. 78. arti. 4. ad 5. proindeque talem discursum effici à memoria sensitiva.

**HOC** igitur modo se habet nostra sententia de somniorum generatione. Concedimus tamen ne ab Aristotele videamur omnino recedere voluisse, interdum commutantibus huc illic spiritibus, & imaginibus fieri somnia, non solum in phantasia, & memoria, sed simul etiam in sensu communi & cogitativa, sic enim illius verba explicari possunt: præsertim cum non docuerit gigni somnia tantummodo in sensu communi, sed indefinitè locutus sit, alioqui negasset fieri quoque illa in cogitativa potentia,

potentia, cuius oppositum in schola Peripatetica receptum est. Aduerte, quod hîc asseruimus de duplici potentia, ad quam somnia pertineant, intelligendum esse si præter sensum communem ponamus plures facultates, internas sensitivas, quàm vnâ. Nam si vnâ tantum constituere placeat, quod suo loco expendemus, ad eam tota somniorum ratio deuoluenda erit: adhibita tamen illa, quàm diximus, consideratione circa sensum communem in doctrina Aristotelica.

*De variis somniorum generibus.*

CAPVT III.



**V**ICTOR libri de Spiritu & anima, siue is sit Hugo Victorinus, siue alius c. 25. eius operis quinque somniorum genera enarrat, videlicet oraculum, visionem, somnium, insomnium, phantasma. *Oraculum*, inquit, est cùm in somnis aliqua sancta grauisq; persona, vel etiam Deus euenturum aliquid aperit vel non euenturum, faciendum, vel evitandum nuntiât. Visum, est, cùm id, quod viderat quis eodem modo, quo apparuerat, euenit. Somnium, est quid figuris tectum, & quod sine interpretatione intelligi non potest. Insomnium est. cùm id, quod fatigauerat vigilansem, ingerit se dormienti, vt cibi cura, vel studium. Phantasma est, quando quis dormire capit, & adhuc se vigilare existimat, aspiciereque videtur irruentes in se, vel passim vagantes formas, aut latas, aut turbulentas.

*Oraculum.*

*Visum.  
Somnium.  
Insomnium.  
Phantasma.*

**D. GREGORIUS** lib. 8. Moralium c. 13. & 4. lib. dialogorum c. 48. sex genera somniorum ex totidem causis orta commemorat. Aut enim, inquit, ex plenitudine, vel inanitate corporis somnia existunt; aut ex antecedentibus diurnis curis, aut ex illusione Dæmonis, aut ex cogitatione hominis simul & Dæmonis illusione, aut ex reuelatione Dei, aut denique ex cogitatione hominis simul & reuelatione Dei.

*Alia genera  
somnia ex  
D. Greg.*

**HIPPOCRATES** in libro de somniis ait somnium duplex esse. Videlicet diuinum, & naturale. Diuinum vocat, quod à Deo iniicitur, vt prænuntiet insignem aliquem euentum ad lætitiâ, vel mœrorem, fœlicitatem, vel miseriam, siue alicuius priuatæ personæ, siue totius Reipub. pertinentem. Naturale appellat, quod ex affectione ipsius dormientis, & causis in eo latentibus ortum habet. Qua de re in progressu plura.

*Alia ex Hip-  
pocrate.*

*De somniis diuinis, dæmoniis, Naturalibus, & animalibus.*

CAPVT IV.



**O**BIS videtur perquàm appositè diuidi somnia in Diuina, Dæmonia, Naturalia, & Animalia. Diuina sunt, quæ à Deo inspirantur, siue id fiat immediatè à Deo, siue Angelorum interuentu, vt plerunq; accidit.

*Somnia diui-  
na.*

Con. Comm. in parua Nat.

F

*Alia insom-  
niorum genera  
tradit Tertul.  
in lib. de Ani-  
ma cap. 47.*

*De diuinis  
somnia Philo  
Iudæus in lib.  
de insomniis,  
Ibidem in*

Horum multa continent exempla diuinæ literæ, tam in veteri, quam in nouo testamento: in veteri, vt somnia Iacob c. 28. Genesis: Iosephi cap. 37. eiusdem libri. Pharaonis cap. 41. In nouo, vt Matthæi 1. & 2. vbi legimus admonitum fuisse diuum Iosephum in somnis ab Angelo, vt puerum IESVM & matrem in Aegyptum deferret, deinde iterum, vt eos in regionem Israëliticam reduceret.

SOL ET Deus tum ob alios fines somnia immittere; tum sæpenumero, vt rerum latentium & futurarum prænotionem hominibus impertiat. Quod facit vel nouas imprimendo species siue intelligibiles, siue sensibiles: vel componendo & coordinando eas, quæ nobis antea inerant, & insuper intelligibile lumen communicando, si ita opus sit. Angeli verò, quia neque species, neque lumen per se in animam hominis transfundunt, quoties aliquid inter dormiendum edocent, aperiunt-ve, id præstant expediendo illis species, easque appositè coordinando ministerio spirituum, qui ipsis, vti cætera corpora, ad motum localem obtemperant, vt D. Thomas 1. p. qu. 111, art. 3. explicat. Adde etiam sicuti in vigilia, ita & in somniis mouere nonnunquam Angelos corporis humores ad excitandum vtilem alicuius rei affectum & cogitationem. Habet enim ad id non parum momenti humorum excitatio, sicuti & ipsum primarum qualitarum temperamentum, vt progressu patebit.

DÆMONIACA somnia dicuntur ea, quæ à Dæmonibus inducuntur: possunt verò ab illis induci eo pacto, quo ab Angelis, cum vtrique similem naturam, ac virtutem habeant: tamenli non eundem finem spectent. Angeli enim gloriam diuini numinis hominumque salutem in iis, vt & in cæteris rebus quærunt: Dæmones autem his omnino contraria. Ac duo potissimum sunt, quæ illi impuri & nefarii spiritus somniorum interuentu assequi nituntur. Alterum est hominum, si mentes non possint, saltem corpora, obsecenis cogitationibus, & voluptatis illecebra contaminare. Qua de re piè conqueritur D. Augustinus lib. 10. Confessionum cap. 30. Idemque luculenter pertractat Iustinus Philosophus & Martyr in libello quæstionum, quæ Christianis à gentibus proponebantur quæst. 21. Alterum est, ignaros homines vana superstitione imbueret; si eos aliquorum somniorum euentu, ad irrogandam iis fidem pellexerint. Quo artificio constat Ethnicos multipliciter fuisse delusos, & in impietate obfirmatos. Vtque cætera huius rei omittamus exempla, narrant Philostratus, Pausanias, & Strabo, eos qui variis oppressi morbis, Aesculapij, Serapidis, & Amphiarai templa adibant, omnium ægritudinum remedia inquiete, dum eisdem somnia obuersarentur, accipere consueuisse. Quod iccirco Dæmones faciebant, vt vel sibi, qui ea remedia suppeditabant, vel tribus illis hominibus in Deorum numerum relatis, diuinus honor tribueretur. Alia multa commemorat

lib. de myste-  
riis Aegypt.  
Trismegistus  
in Hymædro.  
D. Greg. Nyss.  
in lib. de hom.  
opificio c. 33.  
Lact. in libr.  
de opif. Dei  
c. 18. Flutar-  
ch. in libr. de  
oraculis abo-  
litis, Xenoph. o  
in Symposio.

Modus, quo  
somnia à Deo  
augentur.

Somnia Dæ-  
monia scilicet.

Quem finem  
spectant.

D. August.  
D. Iustinus.

Legit D. Tho.  
in 2. 2. q. 95.  
ar. 6. D. Bon.  
in 2. 2. q. par.  
2. art. 1. qu. 3.  
nu. 68.

Consule D.  
Aug. libr. 23.  
super Genes.  
cap. 15.



memorat Tullius libro primo de Diuinatione, & primo de Natura Deorum. lege etiam Herodorum lib. 1. Valerium Maximum lib. 1. c. 6. Alexandrum ab Alex. lib. 5. c. 25.

*De somniis, quæ Naturalia, & animalia nuncupantur.*

## CAPVT V.



**N**ATURALIA somnia dicuntur, quæ ex effectione corporum, temperamēto, humorum incursionibus, aliisque eiusmodi nascuntur. Nam ij, quos melancholia infectat, somniāt tristitia, vt funera, caliginem, tenebras. Qui flaua bili redundant, rixas, iurgia inimicitias. In quibus est sanguinis redundantia, videre sibi videntur rubentia ignes, vstiones. In quibus multum insidet pituitæ, aquas, portus, natationes, pluuiam, & id genus. Similiter quibus animalis vis humorum multitudine premitur, grauia quædam ferre onera sibi videntur. Et contrà qui tenui, leuique temperamento sunt, nunc tranare præpetibus pennis aërem, nunc velocissimo cursu ferti se putant.

*Somnia Naturalia.*

HINC medicis, teste Aristotele in lib. de Diuinatione per somnia c. 1. præsertim Hippocrates in libro de insomniis, & 6. Epidemiorum admonent notanda, & expendenda esse ægrotantium insomnia ad eorum morbos diiudicandos, curandosque. Ex eamnanque obseruatione satis probabilem de qualitate morbi coniecturam ineunt, & qui humores intus lateant, qui eorum defectus, vel exuperantiæ sint, dignoscunt. Qua de re extat liber Galeni, qui inscribitur *de præfagio ex insomniis sumendo*. Vbi narrat cum quidam inter dormiendum crus sibi alterum factum lapideum cerneret, præter omnium opinionem crus ei paralyti obtorpuisse.

*Hippocrates.*

Quo autem modo tales corporis affectus vel sui, vel cognatarum rerum insomnia excitent, disquirat Galenus loco citato, statuitque animam somni tempore corporis profundum ingressam, & in se collectam ac nullo aduentitio pulsu agitaram; quid interius lateat persentiscere, videreque atque inde prædicta somnia effingere. Hæc tamen explicatio superficialia est. Quare dicendum fieri posse, vt humor exuberans, V. G. pituita, apprehensa tunc aliquo sensu externo, vt tactu, vel gustatu (nec enim in talibus somniis oportet omnes sensus externos omnino ligari, vt reuera interdum non omnes prorsus ligari, superius diximus) immitat sui speciem ad phantasiam, ex qua fiat apprehensio quorundam coniunctorum, & consimilium, vt ex specie pituitæ, quæ aquea est, & dulcis, nunc memoria seu cogitatio imbrium, nunc dulcium ciborum. Atque ita in cæteris rebus suo modo res habebit. Adde etiam fieri posse vt absque transmissione speciei facta



in somniis excitetur in phantasia, aliqua talium rerum apprehensio ex specie iam ibi infixata, modificata tamen per humorem in corpore dominantem.

*Somnia animalia.*

**ANIMALIA** somnia dicuntur, quæ versantur circa res eas, quibus per diem occupati fuimus. Harum namque simulachra ut sunt recentia, ita plerunque magis mouent. Vnde Lucretius lib. 4. sui poematis:

*In somniis eadem plerisque videmus obire:  
Causidicos causas agere, & componere leges:  
Induperatores pugnare, & praelia obire:  
Nautæ contractum cum ventis degere bellum:  
Et quo quisque fere studio defunctus adheret,  
Aut quibus in rebus multum sumus ante morati.*

**AD** idem genus pertinent somnia rerum, aut personarum, in quas odio, amore, timore, aut spe, vehementer afficimur. Cùm similiter & horum species ob assiduum ipsarum usum valde actuosæ sint & ad excitandam potentiam efficaces. Hinc liberales & benefici somniant se aliis largiri: mendici, petere: cantores, canere: Philosophi, disputare: avari, pecuniam congerere, alij alia similia. Ideoque Aristoteles 1. Ethicorum capit. 13. bonorum hominum somnia meliora esse inquit, quàm aliorum: propterea quòd consilia, quæ ad virtutum officia exercenda sollicitè agitant, eadem eis in somno occurrunt.

*Problematum ad somnia pertinentium dissolutio.*

## CAPVT VI.



**C**ERDAMVS nunc ad enodanda problemata ad somniorum rationem spectantia. Primum sit, cur dormientes multiplici varietate fallaciz videntur sibi audire, intueri, legere, colloqui, cæteraque huiusmodi, cùm non ita res habeat. Responsio. Quia imagines, quibus ad hæc notiones formandas vtuntur, per naturam suam agunt, earum verò natura est repræsentare tam res ipsas, quàm eis coniuncta, videlicet loca, formas, figuras, actiones, quæ proinde similiter, atque in vigilia & in veris rebus, somno obijciuntur, ob id autem maximè in somnis hallucinatio contingit, quia tunc sensus interni ligati sunt, hoc est, imperfectè, & quasi per umbram operantur, nec rationis vi corriguntur.

*Operatio sensuum internorum in somniis imperfecta.*

2 **Q**UID causæ est, ut in somniis tam multa, noua, extranea, portentosa animo obuersantur, ita ut aliquando nec pes, nec caput vni reddatur formæ? R. Quia tunc vapores & spiritus inordinatè, & tumultuosè in cerebro diuagantur, & simulachra obturbant, commiscunt, hebetant. Præterea, quia ipsa anima quasi otium

otium agens ad vsum specierum segniter se applicat, & intentionem negligit. Quo fit vt aliena multa & inter se minimè coherentia coniungat, & modò hæc, modò illa, vt quidque obuium est, apprehendendo, rerum ordines, situs, magnitudines, loca miris modis euariet. Vnde simulachra, teste Aristotele tertio cap. huius lib. similia sunt nubibus in aëre pendentibus, quæ nunc in hanc, nunc in illam figuram transeunt. Sanè vt ex eisdem literis multifariam compositis diuersa fiunt nomina, quæ res alias atque alias significant: ita ex eisdem speciebus variè coagmentatis multiplicia idola, dissimiles repræsentationes existunt. Hæc igitur causa est, cur nihil tam præposterè, tam inconditè, tam monstrosè cogitari queat, quod non possimus somnare, & si nullæ imagines internis sensibus de nouo accedant.

Simile.

3. C V R hæc ipsa vigilantibus non accidunt? R. Quia, vt fumus vaporarij, si quâ egrediatur, non inueniat, caligine domum circumfundit, & tenebrosam reddit, ita halitus, & spiritus, quia somni tempore oclusis meatibus, quâ foras excurrant, non habent; cerebrum quasi nube obtegunt, ac sensus præpediunt. Ita vt nec sibi ipsis consentiant, nec vi rationis, quæ tunc etiam ligata est, emendari queant. Talis cerebri perturbatio in vigilia, integra sanitate & valetudine non datur, esto similia nonnunquam obueniant insanis & phreneticis, qui commeante in cerebrum copia præcalidi sanguinis, aut dissoluta ob aliam causam organi temperie, non minus absurda & inepta cogitant, ac loquuntur, quàm dormientes.

Simile.

4. Q V A M ob causam aliquando dormientes grauiter conflantur quasi oppressi incubantis, & vocem ac spiritum intercludentis Dæmonis, aut alicuius rei similis pondere, quod Ephialtem, quasi subsultorem, vocant? R. Quia, potissimum post affluentem satietatem, multus sanguis, aut spiritus ob defectum coctionis parum defæcarus, proindeque obscurus & tetricus in cerebrum euadit, ipsumque degrauat; atque accubatu suo terrificam illam mouet imaginem, & quia in somnis parua (vt obseruat Aristot. lib. de Diuinat. per somnia cap. 1.) magna apparent, videtur sibi qui ita est affectus superiniecta mole premi aut suffocari eluso phantasia sensu: à quo labore, vt se expediat & vt lemures illos aut striges, quibus se opprimi imaginatur, excutiat, conarum facit, ac nonnunquam diu luctatur & suspiria gemitusque plorabundos edir & succlamare, nec excitare se omnino potest multo halitu spirituum vias obsidente, immo & prauo humore cor, pectoris musculos, dorsum, & tendones simul occupante. Vnde illud poetæ:

Incubitus nocturna suspensiones ex vetriculi cruditate.

Lego Fracastorij lib. de Sympath. ca. 19. Lemnum lib. 2. de Occul. mar. mir. ca. 5. Christophorij à Vega lib. 3. de arte medendi cap. 13.

Virgil. 12. Aeneid.

In mediis conatibus egri

Succidimus: nec lingua valet, nec corpore nota

Sufficiunt vtræ, nec vox, aut verba sequuntur.

Quoniam autem istiusmodi affectio ex stomachi incoctione &

humorum colluue originem habet, solent incubi grauium morborum anteambulones esse.

*Res in somnis  
videri maio-  
res.*

5. C V R somno percepta, multò maiora & vehementiora iudicantur, quàm ipsa sint? Nam exempli gratia pituitæ defluxus ad linguam, quia aliquantulum dulcis; dormientibus mel videtur: & fulminasse tonuisseque putant cùm soni exigui aures eorum pulsan, & per ignem incedere, cùm calor exiguus eliquam partem corporis occupat? R Quia obtusus sensus, dum nequit sensilium differentias exactè internoscere, & discernere; confert se ad id, quod in quouis genere notissimum est, qualia sunt in iis, quæ sub sensum cadunt, obiecta maiora, acriorave.

*Lege D. Tho.  
2.2. quæst. 95.  
art. 6.*

6. C V R hoc potiùs, quàm illud somniamus, cùm tam huius quàm illius imago in nostro sensu hæreat? R. Quia non quæuis imago æque potentiam laceffit, & ad operandum mouet, sed interdum ea, quæ recentior est: vt cùm somniamus, quæ paulò ante egimus; nonnunquam ea, quæ rem tristem repræsentat, vt mortem, cùm is, qui somniat melancholico humore abundat. Solent enim affectiones corporis, vt superiùs diximus, mouere simulachra earum rerum, ad quas inclinant. Denique huiusce rei causa reddi certa non potest; cùm pro tempore, loco, subiecto temperamento, aliisque eiusmodi circumstantiis varietatem magnam habeat.

*Somnia ma-  
iustima.*

7. Q V A R E sub lucem clariora habemus somnia, minùsque distorta, & inepta? R. Quia minuta iam somni decursu vaporù copia, factaque remissior spirituum agitatio, non ita sensum internorum functiones turbat.

*Etiã bruta  
somnia.*

8. Nunquid homines tantùm, an etiam bruta somniant? R. Et si homines plusquam cæteræ animantes somnient, vt asserit Aristoteles 4. de Historia animalium ca. 10. Cuius rei causa videtur esse, quia homo magna ex parte tenuiores halitus in cerebrum mittit, & acutiores, atque ad operandum promptiores habet internos sensus: tamen etiam bruta somniant, vt eodem loco philosophus docet. *Somnia* inquit, *non solum homines, sed etiam equos & canes & boues palam est, atque etiam oues, & capras, denique genus omne quadrupedum idemque animalis secundum: declarant id canes suo latratu, quem per quietem agunt, quamquam de iis quæ oua pariunt, incertum hoc est.* ) Licet verò quid de omnibus perfectis animantibus asserendum sit, nunc videlicet cuncta somnient, haud conister: illud tamen pro certo habendum ex imperfectis, quæ memoriæ vi carent, nulum somniare, cùm hæc non seruent in interno sensu imagines, è quibus elicienda sunt somnia.

*Flinius li. 10.  
Nat. hist. cap.  
75.*

9. C V R ineunte somno, præsertim si illico post cibum dormire incipimus, non confestim somnia apparent? R. Quia vehementior vaporum agitatio non finit, vt iam diximus, exhibere sese imagines, sed vt in aqua mota euanescent.

10. A C C I D V N T ne etiam infantibus somnia? R. Negat Aristoteles

Aristoteles lib. 4. de Historia animal. cap. 10. Editis, inquit, nuper in lucem, & infantibus adhuc nullum penitus contrahitur somnium, sed plurimis anno circiter quarto, aut quinto ætatis visæ incipiunt. Oppositum docet Galen. lib. Aphorismorum 3. Aphorismo 23. Plinius lib. 10. cap. 75. Tertul in suo libro de Anima cap. 49. hisce verbis. *Infantes qui non putant somnare, cum omnia anima pro modo ætatis expungantur in vita, animaduertant successu, & nutus, & reidentias eorum per quietem, ut ex re comprehendant motus anime somniantis facile per carnis teneritudinem erumpere in superficie.* Hæc dubitatio ita explicanda videtur, ut dicamus accidere quoque infantibus somnia, ut probant indicia illa à Tertulliano adducta, quæ etiam alij auctores afferunt. Verum quia eiusmodi somnia admodum obscura sunt & vix apparentia ob redundantiam humoris & organorum defectum in ea ætate: ideo Aristoteles nolens ea vocare insomnia, negavit infantes somnare. Quare idem libro 7. de Historia anim. cap. ultimo infantibus somnia concedit, Infantes, inquit primis quadraginta diebus neque rident, cum vigilant, neque lachrymantur, sed noctu & per quietem utrumque interdum faciunt: somnare etiam eos constar, sed sæpe meminisse possunt imaginum.

An infantes  
somniaut.

Tertul.

Legi Sueton-  
ium in Ne-  
rone cap. 46.

11. C. V. R. aliqui tota vita non somniant? R. Quia ita agiles habent spiritus tantumque expirationum vim in cerebrum eiaculantur ut ostendendis per quietem, imaginibus locum non dent. Refert verò Aristoteles lib. 4. de Histor. animalium ca. 10. quosdam qui nunquam somniant, cum eis processu ætatis somnium accidisset, habitum corporis vel in mortem, vel in ægritudinem mutasse. Quod etiam confirmat Plinius lib. 10. cap. 75. aiens mortiferum fuisse signum contra consuetudinem somnium: cuiusque rei exempla constitisse.

Aristot.

Plinius.

12. Si somniantes liberum rationis usum non habent, quoniam pacto 3. Regum. cap. 3. petitio Salomonis in somniis tantopere Deo placuit, ut singulare sapientiæ munus ab eo obtineretur? R. D. Thomas 1. 2. quæst. 113. art. 3. & 2. 2. quæst. 154. art. 5. ad 1. secutus D. Augustinum 12. super Genes. ad lit. cap. 15. D. Bonaventura in 2. dist. 25. quæst. 6. nu. 72. Alensis 4. par. qu. 101. membro 3. art. 3. Richardus Quodlib. 1. quæst. 17. aiunt illam Salomonis petitionem non fuisse Deo gratam in somniis per se, sed ob aliam eiusdem rei in vigilia postulationem, ex qua illa in somno ortum habuit. Secundò respondent aliter iidem doctores D. Thomas; illum somnum non fuisse naturalem sed vaticiniij & in istiusmodi somno dari usum liberi arbitrii. De quo dicitur, Numer. 12. *Si quis fuerit inter vos Propheta Domini, per somnium, aut in visione loquar ad eum.* D. Bonavent. ait meruisse Salomonem in somniis ex privilegio. Alensis illum non simpliciter tunc dormiisse: sed ut in visione, & oraculo viguisse in eo rationem, quoad actum superiorem, præter ordinatum naturæ cursum. Richardus,

De precatio-  
ne Salomonis  
in somniis.

D. Thom.  
D. Bonavent.  
Alensis.  
Richard.

ch arduſ, habuiſſe ſolutū liberum arbitrium ſupernaturali dono.

13. CVR remulentis, & helluonibus aut nulla ſomnia, aut confuſa apparent? R. Quia in his ob turbulentum motum vaporum è vino, ciboque in caput aſcendentium perplexæ admodum ſunt imagines, nec, vt oportet, elucent, quemadmodum cūm citiſſima vertigine rota circūuehitur, radij nulli à nobis percipiuntur: & vt cūm multi lapilli dimittūtur in ſtagnum, circuloꝝ orbis anfractus ſuos inter ſe impediunt.

## IN LIBRVM, DE DIVINATIONE PER SOMNIVM.

*Diuersa veterum philoſophoꝝ placita de diuinatione per ſomnium.*

### CAPVT I.

*Qui omnium ſomniorum fidem & auctoritatem ſuſtulerunt.*



DE arte diuinandi, ſeu præſagiendi futura ex inſomniis, quam ſomniſpiciam vocant, diuerſæ ac repugnantes fuere veterum philoſophoꝝ ſententiæ. Nam Epicurus, Metrodorus Chius, Xenophanes Colophonius, & ex Romanis Tullius in libris de Diuinatione, eam de medio ſuſtulerunt. Contra Orpheus, Pythagoras & Platonici, ac Stoici non parum authoritatis eidem irrogarunt, & ſi diuerſa ratione. Stoici namque omnia ſomnia aliquid portendere arbitrati ſunt. Platonici quædam falſa eſſe atque inania vitæ ludibria cenſuerunt; alia vera & vtilem futurarum rerum prædictionem continentia. Credidit enim Plato, (vt ex iis quæ ab illo ſub perſona Socratis in Politia diſputata ſunt, colligit 1. de Diuinatione Tullius) Cūm quis ſe quieti tradit ea parte animi, quæ rationis & intelligentiæ eſt, ſaturata bonarum cogitationum epulis: quæ autem voluptatis appetitum continet, nec inopia eneſta: nec immoderatis obſtupeſacta cibus & potationibus: (vtrumque enim perſtringere aciem mentis ſolet, ſiue naturæ deeſt quidpiam, ſiue redundat.) Præterea illa parte animi, in qua ira efferueſcit, ſedata, atque reſtinſta, ita vt nihil ſit, quod errorem, perturbationemque afferat: euenire vt tertia pars rationis & mentis eluceat, ſopito corpore ipſa vigeat, ſequæ ad capeſſenda inſomnia acrem præbeat: & quæ ei tunc viſa occurrunt tranquilla eſſe, atque veracia.

*Platonis opinio.*

*De hacre*  
Plato dial. 5.  
de Repu. Cic.  
in lib. de Diuinatione.  
Laſſus. in lib.  
de opiſ. Dei.  
cap. 18. D.  
Greg. Nyſſen.  
in lib. de crea.  
hominis c. 14.  
Tertul. in l. de  
anim. cap. 45.  
Macrobi. li. 3.  
in ſomn. Scip.  
D. Thom. in  
2. 2. quæſt. 65.  
art. 6.

veracia. Habuit autem hæc Platonis sententia originem ex alio eius dogmate quo statuit humanos animos, antequam corporibus illaberebuntur, omnium rerum scientiam ideatum influxu accepisse, sed eam contagione corporis obliteratam, ac pene extinctam iacere. Quare cum somno auocetur animus à consuetudine sensuum, & mens licet non à corpore, à corporis tamen brutis officiis, puta ambulandi, sedendi, currendi quasi in recessum quandam & libertatem subducta tota sibi sua sit: putavit reuiuiscere tunc in ea congenitas disciplinas, meminisse præteritorum, præsentia cernere, providere futura. Cum etiam Platonici tria posuissent animantium genera intellectu & rationis vi pollentium, Deos, Dæmones, homines: asseruerunt Dæmones velut intermedios vitro, citroque commeari, atque horum etiam munus esse prædicere res futuras, idque vel oraculis, vel Augurum, & Auspicum portentis, vel insomniorum visis.

POSIDONIUS quoque, ut loco citato refert Tullius aiebat *Sententia Posidony.* animum instinctu, afflatuque Deorum somniando vaticinationem accipere, vel quod præsentat ipse per sese, ut qui cum Diis cognationem habeat, vel quod spiritabilis hic aer magnam in se cobibeat turbam immortalium animorum, in quibus tanquam insignitæ notæ veritatis appareant; quas mens nostra inspiciat, vel denique quod ipsi Dij cum hominibus sermonem conferant, eisque somniis, & furoris oracula, ac rerum futurarum prænotionem iniiciant.

PORRÒ à iis, qui totam somniorum rationem aspernari sunt, istiusmodi argumentum suppetebat. Nam vel somnia diuini numinis afflatu secundum aduentitiam visionem animum pulsante obueniunt: vel duntaxat temerario motu imaginum in cerebro discurrentium, quorum neutrum affirmari potest. Non primum, quia si Deus futurorum præsentationem hominibus tribuere vellet, multò dignius videbatur eius beneficentia, clariora visa dare vigilantibus, quàm obscuriora per somnium; præstabatque directo, absque circuitu & amfractu, quàm interpretum coniecturis, eam scientiam impertiri. Maxime cum istiusmodi coniecturæ tam lubricæ, ac veratiles sint, ut ipsi quoque somniorum interpretes dormire videantur. Cuius rei præter alia, duo sunt peruulgata exempla. Cuiusdam, ad Olympia proficisci cogitans, visus est in somniis currum quadrigarum vehi. Mane ad coniectorem adiit. At ille, vinces, inquit: id enim celeritas significat, & vis equorum. Post idem ad Antiphontem: is autem, viuere, inquit, necesse est. An non intelligis ante te quatuor cucurrisse. Alius ad interpretem detulit, aquilam se in somnis visum esse factum. At ille, vicisti: ista enim avis volat nulla vehemens. At huic Antiphon, tu verò, inquit, te victum esse nō vides: ista enim avis insectans alias, & agitans, semper ipsa postrema est. Hisce ergo exemplis patet quàm flexiloqua, & obscura sint tum insom-

*Somniorum interpretatio quàm sit lubrica.*

nia, tum eorum coniectationes. Quod si quis ad secundum modum, quo somnia gigni possunt, confugiat, hoc est ad ipsarum imaginum temerè fluitantium motus, liquido constat, quam ridiculum sit in tanta leuitate & inconstantia diuinatricem vim constituere.

Quæ autem, cunctis somniis auctoritatem & diuinationem dabant, eam potissimum rationem pro se habebant, quod constaret eorum multa in rem veram exiisse. Quare idem quoque illis de toto somniorum genere vniuersim pronuntiandum videbatur, si peritum, idoneumque interpretem, vel coniectorem inuenirent. E quibus somniis, quæ nimirum vera euasisse constabat, multa referebant. Nos duo tantum hoc loco proponemus. Detulit ad coniectorem quidam somniasse se, ouum pendere ex fasciâ lecti sui cubicularis. Respondit interpres, thesaurum defossam esse sub lecto. Quæsiuit, inuenit auti aliquantum, idque circumfusum argento: misit interpreti quantulum de argento visum est. Tum ille, nihil ne de vitello? id enim ex ouo videbatur aurum significasse, sicuti & album oui, argentum. Alterum exemplum. Cum Ptolemæus Alexandri familiaris in prælio telo venenato ictus esset, eoque vulnere summo cum dolore moreretur. Alexander assidens, somno est consopitus, tum secundum quietem visus ei dicitur draco is, quem mater Olympias alebar, radiculam ore ferre, & simul dicere quo illa loco nasceretur (neque longe aberat locus) eius autem esse vim tantam, ut Ptolemæum faciliè sanaret. Tum Alexander expectatus narrauit amicis somnium, & demisit qui illam radiculam quærent, qua inuenta & Ptolemæus sanatus dicitur, & multi milites, qui erant eodem genere teli vulnerati. Cum igitur isthæc somnia aliaque non pauca ita ceciderint, utique dicendum videtur, quod reliqua similem exitum, non habeant, id non somniorum vanitati, sed interpretura inscitia ascibendum, aut certè causam esse; quia nos ipsi, vel somnia obliuiscimur, vel pro nihilo habenda ducimus.

*Qui omnibus somniis diuinationē attribuebant.*

*Ex Cæc. 2. de  
Diuin.*

*Somniū Ale-  
xandra.*

*Aristotelis sententia.*

## C A P V T II.

*Negat Ari-  
stotel somnia  
tu à Deo som-  
nia diuinato-  
ria.*



Quod ad Aristotelem attinet; eius dogma est, in primis nulla videri à Deo somnia proficiisci, tū ob alias causas, tum quia oporteret inquit, ea immitti optimis viciis & sapientibus; & tamen aliter res habet: quandoquidem indiscriminatum, ac sine lege vlla abiectissimis hominibus & de sæce vulgi obueniunt. Deinde asserit tripartita inueniri somnia, alia esse quarundam rerum signa, alia causas, alia omnino temerè ac vice fortuita contingere.

*Tria genera  
somnia.*

*In pri*



In primo genere censentur, quæ corporum affectiones, morbos, temperiem indicant, aut præsignificat, vti superius explicuimus. Quo etiã pertinent ea, quibus nonnulli ex impressione corporũ celestium præfagiunt temporũ mutationes, vt futurũ hymbrem, serenitatem, aut aliquid huiusmodi. Monet quæ Aristoteles nihil mirum esse, quod harũ rerum imagines nocturno potius tempore, quàm diurno in animos irrepant, ac potetiam excitent: siquidem cùm noctes tranquilliores sint, magis tunc expeditur, ac liber est aër ab omni motu, & perturbatione, & dormiētes, paruos etiam motus, agitationesque interiores facilius percipiunt, quàm vigilantes, quia occultæ motiones phantasiz, quæ secundum vigiliam fiunt, obscurantur incurfu, & adumbratione maiorũ, quæ tunc per sensus palam inferuntur. Ob quam etiam causam istiusmodi prænotiones frequentius plebeis, & obscuris hominibus, quàm cæteris incidunt, quia illorum mens cogitationibus vacua facilius prædictis fluxionibus commouetur, cuique patet.

*Cur infima  
fortu homini-  
bus frequen-  
tius accidunt  
somnia diu-  
natoria.*

ADVERTIT quoque Aristoteles non rarò hæc præfagia irrita fieri, quia vis illa, qua natura, verbi gratia, ad inuehendam pluuiam inclinabatur, alia efficaciori causa impedita, quodammodo pedem refert, ceditque. Quemadmodum præsentiones, quæ à corporum affectibus oriuntur (vt cùm medicus ex somnio à pituitæ agitatione orto coniecat futuram febrem) non semper ad exitum perducuntur superante, atque aliorum deficiente natura, quod iam iam imminere videbatur.

SECUNDO generis somnia, dicuntur rerum futurarum causæ, quia sunt principia, siue incitamenta, quibus ad aliquid faciendum inducimur, vt si quis diurna cogitata ceptave somniet, & ei tunc aliqua ratio occurrat, qua ad negotium aggrediendum in vigilia moueatur. Denique in tertio genere somniorum, constituit Aristoteles ea, quæ non ad aliquam diuinam, aut physicam rationem, sed ad casum, vel fortunam referri debent, quæ maiori ex parte in nihilum abeunt, etsi nonnulla interdum effectum fortiantur. Vt enim is, qui totum diem ludit, aliquando lucratur, quia vt est in proverbio, si sæpe iacias, aliud aliàs ieceris: ita fit, vt è multis somniis nonnulla interdum vera euadant. Hæc fere sunt, quæ in hoc libello de diuinatione per somnia ab Aristotele traduntur.

*Somnia for-  
tuita.*

*Quousq; somniorum presagia auscultanda sint.*

### CAPVT III.



X dictis constat quæ fuerint Ethnicorum Philosophorum placita circa somniorũ diuinationem, & vaticinia. Nunc quid de iis re vera sentiri oporteat, explicemus. Sit primum pronuntiatum. Negari non potest

*Primum pro-  
nuntiatum.*

aliqua somnia immitti à Deo siue immediatè, siue interu ètu Angelorum. Huiusce pronuntiari veritas patet ex sacris literis, quæ multa somnia diuinitus iniecta commemorant, quorum nonnulla superius retulimus. Nec ratio, qua Aristoteles oppositum suadebat vllius momenti est. In primis enim Deus non solis impetitis, & ignobilibus somniorum prænotiones cõfert, sed etiam sapientibus, ac præcipuis viris, vt sacræ paginæ docet auctoritas. Deinde esto illa Deus solis infimæ sortis hominibus impertiret, non proinde hoc Dei maiestate alienum, & indignum foret existimandum, qui prout expedit, & ipsius diuina prouidentia efflagigat, munera sua ita communicat, vt nec infimis illa tribuendo deterior, nec summis largiendo eminentior fiat.

2. pronunt.

SECUNDVM pronuntiatur. Ea tantum somnia, quæ à Deo, siue ab Angelis immittuntur, constanti & certa veritate futuros euentus prænuntiant. Hoc ex eo patet, quia qui futurorum notitiam habere possunt, & ea dormientibus prædicere, sunt Deus, Angelus, Dæmon: at futura contingentia, cùm nec in se ipsis, siquidem nondum existunt, nec in suis causis, eo quod definitam causam non habent, intellectu creato sint conspicua, reliquum est, vt Deo tantum dilucidè, ac certò consent, & post Deum iis, qui diuino instinctu, & afflatu ea norint, hoc est solis Angelis, (loquimur enim hic de causis duntaxat, quæ per somnia, rerum cognitionem aliis communicant.) Etenim licet nonnunquam, etiam Dæmonibus fortuita euenta diuinitus innoscescant, vt testatur D. Augustinus 2. de Genesi ad literam capit. 17. & libro secundo, ad Simplicianum quæst. 3. D. Damascenus libr. 2. fidei Orthodoxæ cap. 4. & D. Thomas 2. 2. q. 172. art. 6. Futurorum tamen significatio, quam nonnunquam somniantibus Dæmones iniiciunt, certa non est, quia cum veritatem odio insectentur, & mendaciorum omnium architecti sint, nihil ab eis solidum, aut verum, sed vanitatis fucò illitum & ad deceptionem compositum, expectari debet.

D. August.

D. Damasc.

D. Thom.

3. pronunt.

TERTIVM pronuntiatur. Per ea somnia, quæ ex affectu corporis, vel cœlesti influxu obueniunt, possumus probabilem coniecturam capere aliquorum effectuum: vt ex certa commotione bilis correptum iri vehementiori febri ægrotum, & ex apulsu humoris, vel alterius eiusmodi qualitatibus, quæ antequam pluuia decidat, ærem imbuunt, futurâ esse pluiam. Hoc pronuntiatur est ad mentem Aristotelis hoc in lib. quod item approbat D. Thomas 2. 2. quæst. 95. art. 6. patetque ex iis, quæ à nobis superius explicata sunt.

Aristot.

D. Thom.

4. pronunt.

QUARTVM pronuntiatur. Vanum est, ac superstitiosum vel le quidpiam scire per insomnia à Dæmone iniecta: vel etiam per ea, quæ aliunde nobis incidunt, si quis diuinationem extendat ultra id, ad quod virtus causæ somnij pertingit. Hoc pronuntiatur, quod traditur à D. Thoma loco ante citato; in primis quoad Dæmonia

Dæmoniaca somnia, plane constat. Est enim res impietatis, & superstitionis plena, cum tectissimo Dei, & humani generis hoste id commercij genus habeto, &que fidem irrogare. Quod verò ad reliqua somnia attinet, pronuntiari veritas ex eo ostenditur, quia qui ex iis res occultas nosse vult, censetur taciti fœderis societatem cum Dæmone inire, vt eodem loco D. Thomas, & Caietanus, tum inibi, tum ab alijs animaduertunt. Nam cum eiusmodi cognitionem neq; à Deo nec ab Angelis, nec ab hominibus, nec à natura ipsa expectat, cogitur, velit nolit, fateri ad Dæmonem, saltem implicite, recurrere. Vnde nos scripturæ diuinæ oracula à toto hoc genere supersticiosæ obseruationis somniorum, frequenter deterrent, vt constat ex iis, quæ leguntur Leuitici 19. Deuteronomij 18. & 18. Paralipomen. 33. & Ecclesiastæ cap. 5. Quo postremo loco D. Hieronymus in illa verba. *(In multitudine somniorum, & vanitates, & verba plurima)* ita scripsit, *sine diuersa videris per nocturnam quietem & varijs animæ furris exagitata terroribus, sine incitata promissis, tu ea contemne, quæ somnijs sinit, & solum Deum time: qui cum somnijs credideris, vanitatibus se & ineptijs tradet.*

D. Thom.

Leuitic.

Deuter.

Paralip.

Ecclesiast.

Hierony.

PRÆTEREA esto in prædicta somniorum obseruatione nulla cum Dæmone societas interueniret, satis per se ridiculum, & stultum est, iis credere: alioqui habebatur etiam fides dilirantium, & ebriorum visionibus, ac spectantibus quandoquidem vtrique non minus absurda, & inepta cogitant, nec minus hallucinantur. Accedit quod nec millestima pars talium somniorum vera euadit. Vnde rectè Tullius ad Diuinationem miratur cum homini mendaci, ne verum quidem dicenti, credere soleamus, quo modo somniorum defensores, si somnium verum euasit aliquod non ex multis potius vni fidem derogant, quam ex vno iustum rationabilia confirmant. Dehique eo etiam hi de hominum genere male merentur, quod cum per fugam omnium laborum, ac sollicitudinum sit somnia, in causa sunt, vt ex eo ipso plurimæ erræ, metusque nascantur, dum nonnulli eorum adducti opinionibus, quid portendant, quemve exitum sua somnia habitura sint, sollicitè disquirunt. Loge Exstantiam in lib. de Officio Dei, cap. 18. Medinam lib. 7. lue Parænesis, Cicéronem libro citato, ubi de hac re copiose & acutè disputat.

*Explicatio problematum ad somniorum præfagia spectantium.*

## CAPVT. IV.



RESPONDEAMVS aliquot problematis ad somniorum diuinationem pertinentibus. Primum sit, cur melancholicis plura incidunt vera somnia, quàm alijs: R. Quia, quia atra bili abundant, vt sropte ingenio cogitabundi sunt;

*Qui atra bile abundant, cogitabundi.*

ita frequentius somniant, ac multipliciū rerum visiones experiuntur, Vnde quemadmodum is, qui rotum diem iaculatur, aliquando collimat; sic illi somniando nonnunquam vera apprehendunt, & eo sapit, quo frequentiora habent insomnia.

2. C V R Deus nonnunquam in somniis potius quā vigiliæ tempore, occultarum rerum, vaticinia inspirat? R. Primum quia animus à tumultuantium rerum curis abiunctus, & exteriorum sensuum functione vacans, aptior est ad diuinarum rerum cognitionem cœlitus hauriendam. Secundò, quia ipsum noctis silentium maiorem erga res diuinas reuerentiā conciliat. Postremò, quia vt Deus latibulum suum tenebras posuisse dicitur, quia eius splendor mentis nostræ aciem perstringit, & quodammodo occæcat: ita potius noctis caliginem, vt cum hominibus colloquatur, eligit, Consule D. Bonauenturam in. 2. distinct. 25. quæst. 6. num. 76.

*Leges Cœlestis ad quæst. 11. Prima part. art. 11.*

*Cur Deus dicatur latibulum suum tenebras posuisse.*

H I N C iam patet solutio eius argumenti, quo nonnulli, vt supra meminimus, ostendere nitebantur non decere vt Deus somniorum ambage, & circuitu arcana sua hominibus aperiat. Decet enim nonnunquam ita fieri ob eas rationes, quas hic attulimus.

3. C V R diuina somnia non semper clara sunt, & aperta, sed interdū obscura, & quasi ænigmatū inuolucris obiecta? R. Quia sic humana mens ad diuina mysteria, vti oportet, veneranda, & in pretio habenda efficacius instruitur, quā si eadem primo statim occurso prænoscere. Accedit quod ij, quibus ea traduntur eorum intelligentiam à Deo poscunt; ad altiora, & diuiniora percipienda magis idonei fiunt.

*Consule D. Dionys. cap. 2. cœlestis. Hierarch. D. Thom. 1. part. quæst. 1. ar. 9.*

*Iamblichi opinio de diuinis somniis.*

4. E S T N E verum, quod scripsit Iamblichus, diuina somnia non obuenire hominibus nisi aut primo, aut extremo somni tempore: quia tunc animus aut nondum, vaporibus in caput sublatis, omnino oppressus sit: aut iis iam euanescentibus solutior ac liberior fiat? R. Fuit ea opinio non Iamblichi tantum, sed eorum, qui apud Ethnicos interpretationem somniorum profitebantur. Vnde somnia ad se deferentibus, nihil respondebant, si extra prædicta tempora, illa sibi accidisse dicerent. Sed hoc fictitium est, & inane, ac nulla munitum auctoritate: & quouis tempore, vt æque facile, ita liberū Deo est, rerum prænotiones humanæ menti initiare.

\*\*\*

# IN LIBRVM, DE RESPIRATIONE.

## CAPVT I.



COMMODOVS fore iudicauimus ad ordinem facilitatēque doctrinæ, nostram commentationem in librum de Respiratione hoc in loco statuere. Occurrit autem inprimis disquirendū quæ sit causa efficiens respirationis; quæ quoniam duplex est, videlicet principalis, & instrumentaria, illud primò sciendum, cū respiratio sit vitalis operatio, principem causam effectricem illius post ipsum animal (cui vt supposito omnes functiones primariò deferuntur) esse animam, deinde instrumentariam, esse vim motricem corpori inherentem: instrumenta, quorū ministerio, & interuentu hæc motio perficitur, esse eas partes corporis, ad quas spectat educatio, seu transuectio externi aëris ad cor: siquidem respiratio nihil est aliud, quàm attractio aëris ad cor, vt in progressu enucleatiùs dicemus.

*Causa efficiens  
respirationis.*

*De corde sa-  
paratim in  
progressu.*

HÆc instrumenta sunt ipsum cor, pulmones, diaphragma, arteria venosa, arteria vocalis. Porro autem pulmonis corpus læue, & rarum est velut è spuma quadam sanguinea concretum, ac spongiæ simile, vtpote ad hauriendum, imbibendumque aërem à natura comparatum. Præterea, vt describit Fernelius lib. I. suæ physiologiæ cap. 9. pulmonis caro contextitur triplici vasorum genere, retis modo implicatorum. Quorum primum est arteriosa vena, quæ è dextro cordis ventriculo in omnes pulmōnis particulas diffunditur, per hanc verò cor alimentūm pulmōni transmittit, quod nulli alteri membro præstat, docente Galeno lib. 2. de Natu. facul. Secundū, arteria venosa, quæ ex omnibus eius particulis tenues riuos tanquā radices excipiens, trunco vnico in lātum cordis sinum intrōditur. Tertium, aspera arteria, quæ à faucibus ortum ducens in duas regiones primum biuio distracta, mox deinde in exiguas propagines dissecta totum pulmonem decurrit, in eūque aërem attractum infert. Diaphragma, quod Latini cingulum & septum trauersum vocāt, est, musculus quidam simplex, & rotundus, qui spiritalia viscera à naturalibus, hoc est, cor, & pulmones à iecore, & liene velut paries quidam interiectus dirimit.

*Instrumenta  
respirandi.*

*Pulmones.*

*Arteria venosa.  
Aspera arteria.*

*Diaphragma*

IGITVR omissis antiquorum de re proposita sententiis, quas hoc in libro refellit Aristoteles, statuendum est respirationem hunc in modum fieri. Attrahitur externus aër per arteriam vocalem interuentu diaphragmatis ad pulmones, hi sese dilatando

*Respiratio  
quo pacto  
fiat.*

quasi

*Respirationis  
duæ partes.*

quasi folles aërem attractum in cor effundunt frigidam ei qualitatem impertientes, sed mox reciproca vicissitudine eundem aërem æstu cordis calefactum se contrahendo foras eliciunt. Quo fit, ut respirationis duæ sint partes, inspiratio, qua aër attrahitur: expiratio, qua emittitur. Sed enim obseruit etiam arteria venosa ad respirationem, quatenus per eam cor pulmonis aërem ad se allicit.

Docet autem Galenus 6. de Vsu partium ideo aërem non continenter adduci ad cor, sed primum deferri ad pulmones tanquam ad spiritus promptuarium: quia aliqui ob inopiam collecti aëris non possemus diu sermonem continuare, nec mergi in aquam suffocationis metu, nec sine respiratione fumū, aut puluerem, aut noxiam aëris qualitatem excurere. Vnde necessum foret vel pestilentem auram intempestiuè inspirare, vel omnino nihil inspirantes confestim extinguī. Nunc autem secus res habet, siquidem cor ex fistuloso pulmonis conceptaculo copiosum spiritum ducit, eumque rursus in pulmonem reddit.

*Enucleatius explicatur quānam vi pulmones moueantur.*

## CAPVT II.



**Q**UÆRI autem solet num pulmones ad attrahendū, pellendūque aërem suapte vi, an potius à corde, vel à diaphragmate concitentur. Aristoreles hoc in lib. cap. 4. & 3. de Partibus animalium cap. 6. docet pulmoni delegatum esse respirandi officium, habere tamen principium, & originem sui morus à corde. & cap. 10. eiusdem libri de Partibus animalium nullum diaphragmatis vsum agnoscit præter abiunctionem spiritualium membrorum ab inferioribus. Galenus lib. 4. de Locis affectis, cap. 5. & 8. & lib. 5. cap. 2. & 3. & lib. 5. de Vsu partium, cap. 15. aliisq; in locis. Item Auicenna Fen. tertij Canonis tractatu 1. cap. 7. Conciliator diff. 99. Thomas Garbius in sua summa lib. 7. tracta. 49. arbitrantur pulmones non moueri ab se, sed motu diaphragmatis. Quæ sententia ex eo ostenditur, quia pulmonum caro est admodum mollis & flaccida, proindeque minimè apta ad exercendum per se motum & eleuandum thoracem; cum tamen diaphragmatis substantia ad id per quā idonea sit, ut pote bene firma, & multis neruis constans. Secundò, idem confirmatur, quia comperitum est læso diaphragmate, eiusque motu cessante confestim inhiberi agitationem pulmonum. Item quia pulmones etiam dum sanie tabescunt, & expuuntur, non desinunt moueri, desinere autem si à seipsis mouerentur.

A V E N R O E S 2. Colligct. cap. 59. existimat motum pulmonum proficisci tum à diaphragmate, tum à propria ipsorum virtute

*Opinio existimatum pul-  
mones ex se  
omnis motus  
expertes esse.*

*Item Thomas  
à Vega ad ca.  
5. lib. 4. de loc.  
affect.*

rute fateturque latuisse Aristotelem hunc diaphragmatis influxum erga pulmones, nec debere id mirum videri, quia eius ætate nondum anatomica observatio magnam fecerat progressionem.

HÆC dubitatio aliquot propositionibus enodanda est. Prima sit. Pulmones non mouentur ad motum cordis. Hæc probatur, primum, quia non est idem concentus respirationis, & motus cordis, cum vni respirationi plures arteriarum, & cordis pulsationes respondeant. Secundo, quia respirationem possumus aliquantulum inhibere, & tardio rem, celerio rem, ve efficere, non autem cordis motum.

*Propositio prima.*

SECUNDA propositio. Pulmones nō solum mouentur motu diaphragmatis, & musculorum pectoris, sed etiam propria virtute. Priorem partem huiusce propositionis suadent rationes, quas paulō ante pro Galeno, Auicenna, & Garbio attulimus. Posterior ex eo ostenditur, quia cum pulmonibus respirandi officium natura cōmiserit, vt Aristoteles 3. de Partibus animalium c. 6. docuit (quod ita intellige, vt non ex toto, sed partiatim tale eis munus dederit, siquidem ad id quoque diaphragma cōcurrit) certē consentaneum fuit, vt etiam pulmonibus propriam vim motricem ad eum motum administrandum impertiretur. Nec facile pronuntiandum videtur Aristotelem ignorasse prædictum concursum diaphragmatis ad agitationem pulmonum. Etenim licet illius, locis citatis, non meminerit, non proinde tamen eum negasse conuincitur.

*Propositio secunda.*

*Galeni. Auicenna.*

*Arist.*

TERTIA propositio. Motus pulmonum non solum à prædictis causis dependet, sed etiam à corde tanquam à communi fonte natiui caloris; tum priuatim, quatenus pulmonēs à dextro cordis ventriculo sanguinem hauriunt, quo pariter incalescunt, alunurūque. Huiusce propositionis veritas ex superioribus constat: ostendimus enim calorem, qui à corde in cætera membra influit, opificem esse omnium functionum in animantibus: item cor è dextro suo ventriculo sanguinem ad alimentum pulmonibus tribuere, quod nulli alii membro præstat, vt videlicet eis refrigerationis gratiam eo beneficio compenset. At enim cum eiusmodi sanguis è caloris officina proximè dimanet, non poterunt non illius præsentia pulmones vehementius incalescere, & motricem vim acuerē.

*Propositio tertia.*

AD rationes, quæ suadebant motum pulmonū à solo diaphragmate oriri, dicendū, licet pulmones flaccidi, & rari sint, nec per se thoracem, vel diaphragma ciere queant: non proinde motrice facultate sic destitui, vt non valeāt pro sua porzione aliquid conferre ad propriū motum, ita tamen vt ad eum præcipuē concurrat diaphragma, cuius substantia multo robustior est ac neruofior. Ad secundum læso diaphragmate impediri agitationem pulmonum tum propter coherrentiam, quam inter se habent, tum quia virtus motrix innata pulmonibus imbecilla est, nec per se ad id

*Læso diaphragmate cur motus pulmonū impediatur.*



manus obeundum sufficit. Ad tertium pulmones, etiam dum morbo tabifico paulatim absumuntur, non omnino priuari motu, quia non à se tantum mouentur, item quia non nisi morte subeunte eorum virtus moriua omnino deperit.

*Dubium.* SOLET ~~in~~ controuersiam adduci num motus respirationis naturalis, an voluntarius sit. Omissis controuersijs dicimus hunc motum partim voluntarium, partim naturalem esse. Est autem voluntarius, quia ex parte arbitrato nostro nunc crebrius, nunc rarius; nunc tardius, nunc celerius respirare possumus: immo etiam quia non est per naturam absolute impossibile respirationem omnino cohibere, vt lib. 2. de Motu musculorum cap. vnico Galenus probat exemplo serui barbari, qui vehementer iratus cohibito spiritu sibi mortem consciuit.

*Seruus cohibens spiritum sibi mortem intulit.*

SED est idem motus simul naturalis, non solum quia tantam eius necessitatem animantibus natura indixit, vt absque illius vsu vita seruari nequeat: sed etiam quia partiatim oritur ab ipso pulmone, cuius morio non est arbitraria: tum propterea quia difficillimum est propter innatum vite amorem & mortis atrocitatem, ad interitum vsque spiritum inhibere. Quo fit vt potius sit asserendum haud esse in nostra potestate non omnino respirare, cum raro inueniri queat, qui eam sibi vim inferat.

*Motus respirationis num magis voluntarius, quam naturalis sit.*

DISCEPTATIO tamen est num prædictus motus magis voluntarius quam naturalis dicendus sit. Plerique medicorum magis voluntarium appetendum censent, vt Galenus libro 2. de Motu musculorum, Fernelius lib. 6. Physiologiae cap. 28. Vallesius lib. 2. Controuersiarum Medic. & Philosoph. c. 2. & alij. Conciliator verd differ. 39. iudicat vocandum medium, hoc est partim voluntarium, partim naturalem, quod arbitratur placuisse Auicennæ decima tertij tract. 1. cap. 7. Nobis tamen videtur appellandus magis naturalis, quam voluntarius propterea quod, citra omnem liberi arbitrij actionem, & vigiliæ, & somni tempore exerceatur, & si aliquo modo vocandus sit spontaneus, seu voluntarius ob ea quæ superius diximus. Vnde & Aristoteles in libro de animalium motu capit. 8. respirationem connumerat inter motus non voluntarios.

*Respons.*

*De fine respirationis.*

### CAPVT III.



*Diuisio ob causas perire calorem.*

DE GIMVS de effectrici respirationis causa; proximū est vt de illius fine disseramus. Respirationis finis, vt cap. 3. & 5. huius libri Aristoteles docet, est cordis refrigeratio, & quæ inde subsequitur, tutela natiui caloris. Duabus enim potissimum causis perit calor, eoque abolito ruit in perniciem viuens, cui inhæret, & ad cuius conser-

conseruationem requiritur. Nimirum vel quia eiusmodi calor immodici frigoris appulsu extinguitur, vel quia marcescit & suffocatur defectu aëris refrigerantis. Vtique nimio frigore caloris iacturam faciunt, emoriunturque nonnunquam ij, qui niuosa loca traiciunt, & qui liberaliori potu algide aquæ irrigantur. Similiter pruina, & perfrigido ventorum flatu, stirpium, & vinearum germina aduruntur, & integræ arbores succo omni exhausto inarescunt. Inopia verò refrigerationis euanescit flamma medicis cucurbitulis, vel clauso furno coercita. Intereunt animætes quibus fruces præcluduntur, & qui in balneis vel hypocausto nimis feruentem auram trahunt; & qui paucum, eundemque aërem cōtinenter bibunt. Nam cū is anhelitu assiduo incalēscat, refrigerationis opem exhibere non valet.

*Flāma refrigeratio necessaria.*

Hæc igitur causa est, ob quam natura iis animantibus, quibus cor vberiori spirituum copia, & calore æstuat, respirationem attribuit: videlicet ut cor reciprocantis aëris accessu incendium mitiget, caloremque ferocitatis impetu in proxima irruentem sub idonea mensura tueatur, & fuligines, ac recemēta ex humorum adustione orta in recentem aërem submittat, forasque expellat. Opprimitur enim, & strangulatur cor istiusmodi superuacaneis, non secus, ac flamma crasso, multoque fumo. Vnde qui corde grauiter, vehementerque affliguntur, exussilatione recreantur, estque id tunc illis vnicum remedium, quod torridum vaporem, & suffocantes halitus eximit, ac propulsat. Ita verò appulsio recentis, frigidique aëris, per respirationem facta, duas ob causas requiritur: tum ne calor natiuus feruida exhalatione obrectus aut confectum acervatus, subito languescat & stranguletur: tum ne plus æquo effusus, ac dissipatus omnino pereat: quorum alterum præstat aër excipiendo in se cordis fuligines, alterum coercedo calorem, seque illi hinc inde opponendo.

*Appulsus aëris duabus de causis cordi necessarius.*

ADDUNT etiam medici comparatam fuisse à natura respirationem ad nutriendos spiritus vitales, aiuntque deferri à pulmonibus per arteriam venosam aërem ad læuum cordis sinum, ubi vitales spiritus efformantur, ibique eiusmodi aërem in spirituum substantiam facessere. Qua de re ita scripsit Fernelius libr. 6. Physiologiæ cap. 18. *Ambiens aër per os, & naves in asperam arteriam insiliens non modo eius ramos, qui per pulmonis substantiam diffusi sunt, sed & omnem fere eius molem implet; adeo ut vniuersam thoracis capacitatem, tum inflatus, atque spiritum turgens pulmo resarciat, & impleat. Qui haustus aër fuerat primam in pulmone elaborationem sumit, illeque concoquitur, & preparatur vi carni, quæ planè tenuis est mollis & aerea, ut proinde huiusce operis causa maxime constructa esse videatur, quemadmodum & caro iocimoris ad sanam vniuersam confectionem. Non enim externus aër rudis frigidus, & impurus, & d. repente irruens fieri potest interioris spiritus conueniens pabulum, sed hunc quemadmodum & alimenta necesse est paulatim mutari, & familiarem innato spiritui qualitatem longiuscula*

*Respiratio data etiā à natura ad seruandos spiritus vitales.*

interposita mora recipere. Posthæc autem elaboratus diligenter hic spiritus in sinistram cordis ventriculum arripitur, ex quo accedente sanguinis vapore, qui ex dextro ventriculo permanavit vi cordis insita, & ingenti caloris incendio, haud securatque in fornace spiritus procreatur vitalis, qui demum in omne corpus per arterias diffusus, salutarem impertit cunctis calorem. Hæc ille. Quæ magna ex parte desumpta ex Galeo libro septimo, de Vsu partium capit. 7. & 9. & in libr. de Vsu pûlsuum. Eandemque doctrinam tradidit Hippocrates in libro de Alimento, Avicenna Fen. 1. tra& 3. Aphrodisæus libro secundo, Problematum quæst. 63. Quod autem prædicta spirituum nutritio admitti debeat, ex eo concludunt, quia cum spiritus substantia tenuis, ac prope ærea sit, passimque effluat, & dissipetur, nec tam facile è sanguinis vapore per nervos instaurari queat, consequens est, ut è re admodum sibi cognata, & simili, qualis est aër, reficiatur nutriaturque.

Hippocrat.  
Aphrodisæus.

*Quibus animantibus respiratio conveniat.*

#### CAPVT IV.

Non omnia  
animantia re-  
spirare.

**I**CET omnia animantia calore prædita sint, proindeque refrigerationem aliquam desiderent, non eam tamen respirationis beneficio uniuersa obtinent, sed aliis modis, ut progressu patebit. Hinc Aristoteles 1. c. huius libri & lib. 3. de Partibus animal. c. 6. inuestigat quibus animantiû generibus competat, statuitque iis duntaxat conuenire, quæ sanguinea sunt, & pulmonem habent. Hæc enim ut natui caloris incendium in se maius continent, ita appulsionem, & ingressum requirunt frigidi aëris, qui interiora quæque facile peruat, & huc, illucque breui temporis spatio commeat, atque adeo melius & commodius refrigerat. Ea igitur, quibus pulmo inest, respirant omnia, solaque. Verum ex his quædam, inquit Aristoteles, pulmonem habent penè exanguem, & nimis fungosum, ut ranarum genus, fluuiatiles mures, & testudines, delphini, crocodili, balenæ, aliaque nonnulla. Hæc autem minus frequenti respiratione egent, quia cum frigidiora sint, ubi semel eorum pulmo aërem imbibit, refrigerari ab eo diu possunt absque recentis aëris accessu. Quæ tamen si vi aliqua diutius sub aquam teneantur, emoriuntur, vti aliquando accidit delphinis reti deprehensis.

Legi Galenū  
lib. 16. de Vsu  
part. c. 9.

Aristoteles ar-  
gumēta quod  
nō omnes pis-  
ces respirant.  
Pisces nō ha-  
bent arteriā.

Q V O D cæteri pisces non respirent, probat Aristoteles eodē c. Primum, quia inter respirandum obuiaret aqua aëri, atque ita hæc duo corpora sese mutuo impedirent, vel certè daretur simul expiratio, & inspiratio. Secundò quia pisces non habent auriam sicuti nec pulmonem, sed eorum ventriculus ori proximè adhæret. Tertiò quia non mouent aliquam particulam ventris, vt cæte

vt cætera spirantia. Quartò quia cùm in aquis moriuntur, non videmus in summo aquæ bullas fieri, quod tamen accidit, cùm respirantia aquis suffocantur, quia per vim spiritus exit. Quinto quia pari modo possent reliquæ animantes in aquis respirare, quod negat experientia. Sextò quia non interirent paulò post extra aquam, vbi affatim eis suppetit aër, quem alternatim ducant. Cæterum quia pisces suam quoque refrigerationem requirunt, aquam admittunt ore, & branchiis, quæ cùm sint coniunctæ venis quibusdam, & arteriis cordi coherentibus, eo pacto viscerum temperant calorem. Vnde cùm iam senectute, vel alia causa mouere branchias non possunt, suffocantur, vt testatur Aristoteles cap. 6. huius libri.

*Opinio existimantium omnes in uniuersum pisces  
respirare, eiusque impugnatio.*

## CAPVT V.

*Lepo Tertul.  
in li. de Ani-  
ma, cap. 10.*



ET VS tamen opinio fuit Anaxagoræ, & Diogenis, vt refert Aristoteles 1. huius libri capite, pisces, & si plerique pulmone careant, nihilominus respirare omnes. Quod item assenerat Plinius lib. 9. Naturalis historię cap. 7. hisce adductis argumentis. Primum, quia esto aquatilia pulmõnibus careant, possunt eis loco pulmonum alia spirabilia viscera subesse, ita volente natura, sicut & pro sanguine, est multis alius humor. Secundò quia non deest intra aquas vitalis halitus, qui etiam in terras spissiore naturæ partem, penetrat, argumento animalium, quæ semper defossa viuunt, vt talpæ. Item quia sæpè obseruata est in piscibus æstiuo tempore intra aquam quædam anhelatio, & tranquillita velut oscitatio. Præterea, quia pisces dormiunt, sine respiratione autem somno locus non est. Postremò, quia id indicat bullantium aquarum sufflatio, & auditus, atque odoratus piscium, quorum neutrum absque aëris interuentu fit.

EANDEM sententiam tuetur Rondeletius lib. 4. de Piscibus, cap. 9. quam aliquot etiam argumentis stabilire conatur. Primum quia, vt Aristoteles 3. de Generatione animalium cap. 11. ait, mare omnium patriceps est, videlicet humoris, aeris, & terræ. Quare non deerit piscibus aër, quem intra aquas hauriant. Secundò quia respiratio, vt medici tradunt, necessaria est ad nutritionem spirituum; at etiam pisces spiritibus indigent. Tertio quia si in vase angustioris, aquæ pleno, concludantur pisces illic diu viuunt, & natant, si orificium apertum habeant, si autem ita vas obtureretur, vt aëri aditus non pateat, confecti in suffocantur; quod non accideret si eis sola aqua ad refrigerationem sat esset. Quartò quia ad respirandum sufficit æpor Achetæus, &

*Sententia A-  
naxagoræ  
Diogenis.  
Plinij.*

*Eorum pri-  
mum argum.*

2.

3.

4.

5.

*Idem sentis  
Rondeletius.*

*Est 1. argu.*

2.

3.

4.

cœlestis spiritus omnia peruadens, de quo est illud Poëtæ:

*Spiritus intus alis, totâque infusa per artus*

*Mens agitat molem; & magno se corpore miscet.*

*Virgil.*

*Æneid. 6.*

Concludit itaque Rondeletius omne piscium genus respirare, sed variè: Nam belluz, inquit, marinæ, & quęcunque pulmones, habent, aërem vnâ cum aqua hauriunt, eadem autem fistula eiciunt, qua etiam spiritum ducunt, veluti nos naribus, sicque respirant balenæ, delphini, Physeteres. Alia pulmonibus, sine fistula; vt testudines marinæ, paloures, & fluuiatiles; similiterque vituli marini, quibus patentes sunt nares, larinæ angustissimæ, quo fit, vt aëribus aquam haustam reddant, aërem retineant. Reliqui pisces quibus branchiæ vel apertæ, vel opertæ sunt, iidem aërem trahunt, & aquam simul haustam emittunt. Ostrea, tenuissima cōtexta cute per curis exiguos meatus videntur respirare. Et denique omnia aquatilia pro caloris ventilandi, & spirituum reficiendorum magnitudine, vel exiguitate alio atque alio modo respirationem exercent.

*Approbat  
sententia Ari-  
stot.  
Solut. 1. argu.  
Solutio 1.*

NON est tamen propter superiora argumenta recedendum ab Aristotelis doctrina, quam communis philosophatium schola tuetur. Quare ad primum eorum, quæ ex Plinio attulimus, respondendum est, nec pulmones, nec aliquid vice pulmonum omnibus piscibus inesse; cum id non omnes exigant, sicuti nec omnes respirationem desiderant. Ad secundum facilius retrahere visceribus quàm sub aquis aërem seruari. Etenim intra terram multæ sunt scatebræ, & meatus, qui, ne vacuum detur, ab aëre occupantur. In aquis verò confestim aër subuolat consistante se vitro fluido elemento. Ad tertium, cum aqua calore Solis incatescit solere interdum pisces ore & branchiis aquam frequentius haurire & reddere, vt magis refrigerentur, sicque anhælationem imitari: similiter dum serenum tempus est, nonnunquā ore patulo hiare quasi oscitantes vel propter affectum lætitiæ, vel alias ob causas, non tamen verè anhælare, vel oscitare, cum hoc sine interuentu aëris non fiat. Ad quartum, somnum ex se respiratione non indigere. Nos enim haud propterea inter dormiendum respiramus, quia somnum capimus, sed quia caloris refrigeratione perpetuò indigemus. Ad quintum, non excitari bullas emissio aëre per expirationem quorumuis piscium, sed ranarum, testudinum, aut aliorum, quibus respiratio conuenit, qui spiritum cavitare pulmonum asseruatum, aliquando sub aquis laxant, & ad extimam aquæ superficiem remittunt. Ad sextum, neque auditum, neque olfactum aquatiliū ad functiones suas obcundas aërem flagitare, cum ad eorum sensiteria per interfusam aquam soni, & odores, atque horum species transmitti queant.

*Galen. lib. 6.  
de usu part.  
cap. 9.*

*Solut. 3.*

*Solut. 4.*

*Solut. 5.*

*Solut. 6.*

*Responsio ad  
1. argum.  
Rondelet.*

Ad primum Rondeletij dicendum, nihil aliud velle Aristotelem eo loco, quā mare non esse purum, & syncerum elementū, sed

sed concretum permixtione qualitatum aëris, tetræque: habet enim mare non parum ex aëreo calore, & terrea crassitudine. Ad secundum, Aquatilia, ut deterioris naturæ sunt, quàm terrestria, ita minorem requirere spirituum copiam, proindeque sat illis esse eos spiritus, quos natiuus calor, è sanguine cōficat, nutritq;. Ad tertium, in vaso angustioris vndique obturato minus diu vivere inclusos pisces, quàm si valis orificium pateat, quia sine appulsi aëris incalescit in eo aqua; nec iam ad refrigerationis beneficium præstandum idonea est, uti Aristoteles hoc in lib. cap. 6. docuit. Ad vltimum, respirationem absque aëre dari non posse: at nec calorem æthereum, nec vllum alium influxum è coelo dilapsum, aërem esse. Nec poetam nomine spiritus aërem intellexisse, sed vel animam mundanam ex dogmate Platónico, vel ipsum diuinum numen, quod per totam rerum vniuersitatem commeat, ut alibi exposuimus.

Ad 2.

Ad 3.

Ad 4.

*Quo pacto inter se conueniant, & dissideant cordis arteriarumque motus, & respiratio.*

## CAPVT VI.

**C**OMPAREMVS nunc cordis, & arteriarum motum tum inter se, tum cum respirandi actione. Aduertendum in primis cor perenni agitatione concitari, nunc sese dilatando, quod vel sensu ipso conspicuū est: nunc contrahendo. Porro autem dum cor dilatatur, sanguinem è vena caua in dextrum ventriculum euocat, & recentem aërem bibit è pulmonibus, quem per leues arterias in laeuum sinum corripit. At dum contrahitur eundem aërem iam calfactum foras pellit, simulque fuliginosa excrementa, quorum congestio calorem suffocare possit, excernit, emittitq; partim per arteriam venosam in pulmones, partim per eam venam, quam aortam dicunt.

Motus cordis.

ARTERIE verò similem motum subeunt. Modò namque eleuantur, modò deprimuntur. Cum eleuantur, per externa quidem orificia, alliciunt ad se ambientem aërem: per interna ad cor pertingentia, spiritus, & sanguinem trahunt, vnaque aliquā fuliginum cordis portionem paulò post abigendam excipiunt. Item etiam per laterales poros, & spiracula venalem sanguinem à venis sibi cohærentibus ad arterialis nutrimentum prolestant. Rursus eadem arterie, cum deprimuntur, & in se ipsas recidunt, humidam superfluitatem, & torridi vaporis faciem paulò ante contractam, excutiunt per meatus, quibus in vniuersam cutem, ventriculum, intestina, & in venas sese aperiunt, itemque in laxitatem ipsis arteriis circumfusam, quam eius rei gratia natura molita est.

Motus arteriarum.

*Consensu arteriarum & cordis.*

MIRIFICÆ autem inter se conveniunt arteriarum, & cordis pulsatio. Primum, quòd utraque sit à facultate vitali, hoc est à virtute quadam motrice, quæ in corde, quod vitæ fons est, ortū habet. Hanc vim sunt qui putent non esse aliud quàm calorem sanguinis in corde ebullientis. Sed non rectè philosophantur. Calor enim principium est alterandi, non loco movendi, saltem per se, & ex proprio ingenio, estque commune instrumentum rebus viventibus ad corporum functiones obeundas: illa autem vis motum ciens naturalis quædam facultas est è secundo qualitatum genere ad id munus peculiariter administrandum delegata. Micant autem iugi motu arteriæ non ob id tantum, quòd tunicis cordi adherentibus consent: alioqui oporteret etiam venas omnes, quæ intermedio venæ cavæ cordi copulantur, unâ concitari; sed quia ita cum corde univntus, ut ingentiam ad talem motum potestatem habeant à corde tamen dependentem.

*Arteriarum distentione cor refrigeratur.*

SECUNDO conveniunt, quia eundem spectant finem, videlicet tutelam natiui caloris modo paulò ante explicato. Quod si quis roget num etiam per arteriarum distentionem cor refrigeretur. Respondemus refrigerari, cum necessariò ab arteriis quæ hiantia in corde oscula habent, aliqua aëris portio ad ipsum cor euadat. Nec obstat quòd aër arteriarum fistulis interceptus non nisi commercio arterialis sanguinis, atque adeò tepesfactus ad cor perveniat: non enim vsque adeo incalcescit, ut ad refrigerandum aliqua ex parte non valeat.

*Pulsus arteriarum index valetudinis, & morbi.*

TERCIO, consentiunt quatenus eodem tenore, & concentu sibi respondent: cum enim sese cor explicat explicantur arteriæ: dum se contrahit, subsidunt: id quod facillè deprehenderet ut Galen. lib. 3. de præsagiis pulsum cap. 2. ait, qui altera manu cordis pulsationem, altera motum arteriarum explorauerit. Ideoque arteriarum agitatio ipsum cordis motum, temperamentum & abundantiam, aut inopiam natiui caloris, in quo vita consistit, singulari naturæ artificio testatur. Vnde illud Plinij lib. 11. Nat. histor. cap. 37. Arteriarum pulsus in cacumine maximè membrorum evidens index fere morborum, in modulos certos, legesque metricas per zates stabilis, aut citatus observatione crebri aut languidi ictus gubernacula vitæ temperat.

*Conferuntur inter se pulsatio cordis, arteriarumque, & respiratio.*

SED comparemus etiam pulsationem cordis & arteriarum cum respiratione. Primum, est inter eas convenientia quia ambæ institutæ sunt à natura custodiendi, ac temperandi caloris gratia. Quod maior philosophorum, & medicorum pars teste Galeno lib. de Vsu pulsum cap. vnico inde probat, quia utraq; iisdem ex causis similes mutationum differentias sortitur. Nam qui corporis exercitatione, aliave causa incalcescunt: ij non modò crebrius ac frequentius respirant: sed pulsus etiam pari modo mutatos exhibent. Præterea in iis, qui algent, sicuti respiratio tardior, ac minor deprehenditur, ita & pulsus.

Sanè



SANÈ quidem euariantur hi motus secundum ætatum discrimina. Nam puero recens in lucem edito pulsus frequentior est, sicuti seni rarior. Qui autem in media ætate sunt, is pulsus ad proportionem respondet, prout ad pueritiam, vel senectutem magis accesserint. Præter hæc vehementes animi affectus, ciborum genus, anni tempora, cæli, solique constitutio, & vno verbo omnis ad frigus, & calorem mutatio pulsus respirationemque aliter afficere consueuerunt. Secundò consentiunt in eo prædicti motus, quod ut quies illa, quæ artèriarum contractioni succedit, maior est, quàm ea, quæ dilatationem sequitur, sic quæ inspirationem antecedit, maior existit, quàm illa, quæ superuenit, ut loco ante citato Galenus docet.

*Infanti pulsus frequentior.*

DIFFERUNT autem iidem motus inter se, primùm, quia, quod ex respiratione vni cordi præstatur, id ex pulsu toti corpori impenditur, videlicet refrigeratio, & natiui caloris custodia, fuliginumque depulsio. Secundò, quia minus necessarius est cordi, & cuilibet alteri membro artèriarum pulsus, quàm cordi respiratio: poterunt enim brachiorum artèriæ diu religatæ esse, & absque pulsu citra noxam: non tamen cor sine pulmonum afflatu: videlicet ut cæteræ partes animantium minori indigent calore, ita minus eis nocet intermissio actionis ad tuendum calorem destinatæ. Tertiò, quia pulsus præcipuè obseruit ad deferendum spiritum, & calorem: respiratio verò ad caloris refrigerationem, & ad torridum, noxiumque vaporem à cordis ventriculis excludendum. Quartò, quia multo frequentior est pulsus, quàm respiratio, cuius rei causa est, quod tanta in pulmonem aëris copia simul infertur, ut vnus inspirandi actus multis cordis attractionibus sufficiat. Nec sine tam copioso aëris in pulmonem influxu possent animantes vocem edere, quandoquidem vox suspensionem expirationis deponit, quæ suspensio absque multi aëris intus collecti beneficio nõ datur. Quintò, quia pulsus, actio omnino naturalis est, nulloque pacto arbitrarij subdita, respiratio autem aliquo modo voluntaria censetur, ad modum superiùs explicatum.

*Pulsus multo frequentior, quàm respiratio.*

*Solutio problematum ad ea, quæ proximis disceptationibus conclusa sunt pertinentium.*

## CAPVT VII.



ROXIMUM est, ut iis, quæ de re præsentī sese offerunt, problematis occurramus. Primum sit. Quamobrem motus cordis cælestium sphaerarum conuersioni assimilis perhibetur? Responsio. Quia ut à motu cælesti communes sublu-  
narium corporum actiones pendent, ita à motu cordis reliquorum membrorum functiones proximè, aut remotè ortum habent, vel ea saltem ratione, quod absque natiui caloris ope neutiquam administratur. Est & alia conueniētia, quod ut cæli motus perennis

*Motus cordis similis conuersioni cælesti.*

est, ita & cordis pulsatio, nisi, quod ille continuitatem seruat, hæc quietis morulas, de quibus supra diximus, interponit. Lege D. Thomam opusculo 35. qui de motu cordis inscribitur.

*Motus cordis  
non est sim-  
plex.*

2. E S T N E motus cordis vnus, simplexq; an cōpositus? R. Fieri nequit vt vnus sit, qui è duobus inter se pugnantibus, videlicet pulsū, & tractū, seu systole, & diastole, id est, dilatatione & contractione constat, atque interiectam quietem habet. Nec obstat quod natura, quæ ad vnū definita est, minimè videatur posse ad diuersos motus inclinare. Hi enim motus ita sunt diuersi, vt vnā circuitionem, id est, motum corporis ab eodē ad idem punctum in orbē redeuntis imitentur. Similiter pronuntiandū de arteriarū pulsū, & de respiratione, videlicet quemlibet horū motuum non vnum esse. Vnde Galenus 4. de differentiis pulsuum *non perperam*, inquit, *Zeno quēdam motum ait esse pulsuum, nō simpliciter, neque vni-  
formem, cum ex contrariis motibus constet, vt motus respirationis.*

*Cor exemptū  
aliquandiu  
pulsat.*

3. Q V A N A M vi exempto corde ab animali vterque sinus cordis aliquandiu pulsat? R. Propter feruorē sanguinis, & spirituum: nec enim hi vt primum ab anima destituuntur, confestim restinguuntur, aut refrigerantur.

4. S I diaphragma, & pulmones postquam eleuati fuere, suo pte pondere ad eundem statum regredi, & concidere possunt, quia corpora sunt grauitate prædita, cur exspiratio, quæ sit collabentibus in se pulmonibus, virtuti animæ mouentis attribuēda erit? R. Cum ipsa quoque exspiratio arbitrato nostro nunc maiori, nunc minori vi fiat; siquidem maiori conatu aërem eflant qui clamant, quàm qui submissa loquuntur voce; haud dubie concedendum erit ipsam quoque talium membrorum depressionem à motrice animæ facultate diaphragmati, & pulmonibus insidente oriri. Quare Galenus in libello de respirationis causis duplices tradit musculos, alios respirationi, alios inspirationi obeundæ à natura datos. Motus autem, qui à sola membrorum grauitate manat, musculos non curat, vt luce clarius est.

5. C V R saltem cordis, & arteriarum contractio, quæ omnino naturalis est, non erit ab insita grauitate? R. Etiam motus, quo arteriæ & cor deprimuntur, operatio est maximè vitalis, valdeque necessaria ad tuendam vitam, vt ex dictis constat, ac proinde oriri debuit ab anima; cui incumbit viuentium salutis, & incolumitati consulere. Non proficisci verò à grauitate vel illud argumentum retardare deberent, tunc cor, & arteriæ maiori impetu sese contrahunt, videlicet procurante id anima interuentu motricis virtutis ad excernendam fumeam materiam, quæ calorem suffocet. Procurante inquam, non ex notitia, qua præsentem agnoscat necessitatem, vt quidam ætatis nostræ Philosophus in cōmētariis ad caput 36. artis medicæ tradidit (nec enim cordis, & arteriarum motus cognitione dirigitur) sed ex naturali inclinatione, & quasi

*Cordis, &  
arteriarū mo-  
tus nō dirigitur  
cognitione.*

quasi instinctu ab ipso autore naturæ ingenito, quo potentia etiam vegetatrices, actiones merè naturales, prout rei necessitas, aut opportunitas exposcit, attemperare consueverunt.

6 V T E R è duobus motibus antecedit in respiratione, & pulsus, distensio ne, an contractio? R. Non consentiunt hac in re Philosophi. Videtur tamen probabilior eorum sententia, qui distensionem priorem faciunt. Nec enim cor, vel arteria formantur cum aëre, quem illico excludant antequam recentem introrsus aduocent. Certè inspirationem expirationi præire conceptis verbis docet Aristoteles hoc in lib. c. 2. probatque ex eo, quia cum morientia postremò expirent, oportet inspirationem vicem subire principij, id est, vitæ ab inspiratione inchoari: est enim consentaneum, ut eius beneficio animantes vitam auspiciantur, cuius contrario moriuntur.

*Distensio præi-  
contractione.*

*Morientes po-  
stremò expi-  
rant.*

7 Q V I D causæ est, cur homines quidam diutius, quàm alij, spiritum in aqua contineant? R. Quia ampliores habent pulmones magisque fistulosos, quorum proinde cavitatem plus aëris excipiunt ad refrigerandum cor.

8 Q V A M O B R E M hausto vberiori alimento remissior est insomnis, cordis & arteriarum dilatatio, quàm contractio, depressio? R. Quia tunc introrsum se conferente nativo calore, eoque circa ventriculū & alia viscera, ubi cibi excoquuntur collecto, necessum est multam gigni fuliginem, quæ maiorem exinanitionem poscit: contractio autem ad id potissimum obseruit: siquidē dum venæ, & cor in se concidunt interceptum aërem ynam cum recrementis explodunt. Itaque ubi plura suppetunt excrementa, ibi maior, vehementiorque ad ea excutienda depressio datur.

9 C V A pueri, quàm puberes plus, & crebrius respirant? R. Tum quia plus in se cohibent innati calidi, semper autem caloris magnitudinem sequitur respiratus frequentia, tum quia eorum spiritus ampliores aërem desiderat, eo quod dum gignitur, multū effert excrementi fuliginosi, ob alimenti copiam, quam excoquunt: senibus autem, cum frigidiores sint, consequens est, ut minor, & rarior, quàm cæteris contingat respiratio. Quæ etiam communis causa est, cur in balneis, hypocaustis, & calidis regionibus maior, densiorque sit respiratio: in frigidis verò locis secus res habeat. Lege Aristotelem in lib. de Vita & morte c. 2.

*Pueri plus  
habent innati  
calidi.*

10 C V A à cibo parum, hoc est minori aëris copia, frequenter tamen respiramus? R. Quia tunc propter ventriculi dilatationem arctior patet spiritui transitus per thoracem, sed respiratus paruitatem assiduitatis ope compensamus.

11 C V A qui se multo cibo ingurgitarunt pulsum maiorem, respirationem minorem edunt? R. Quia tunc aëris minus alliciunt ob causam paulò ante adductam, & tamen aucto cordis calore, & viribus ex cibo, maior subsequitur & cordis, & arteriarum commotio.

# IN LIBRVM, DE IVVENTVTE ET SENECTVTE.

*Varia ætatum discrimina.*

## CAPVT I.



*Prima distri-  
buto ætatum  
ærumq; tẽ-  
peramenta.*

**D**ISCRETIO ætatum, de quibus Aristoteles hoc in libro agit, assignari consuevit à Philosophis ex mutatione calidi, & humidì, quibus animantium vita continetur. Quæ tamen mutatio non quolibet, sed insignis esse debet. Igitur secundum hanc notionem tria ætatum discrimina constituantur, pueritia, iuuentus, seu florida ætas, & senectus. Ad pueritiam pertinet calidum, & humidum affluens ac copiosum. Ad iuuentutem calidum & humidum apprimè temperatum. Ad senectutem calidum, & humidum iam diminutum, & in occasum vergens. Ita ut licet vita senum in calido, & humido, ut communis omnium animantium viuendi ratio, consistat, superiorum tamen ætatum comparatione senectus frigida & sicca iudicetur.

Quod animantium vita hoc ordine, graduque temperamēta decurrat non difficile quiuis intelliget. Erepim cum fœtus è semine, & sanguine, in quibus larga humoris, & caliditatis copia viget coalescant; sit inde consequens, ut eorum membra à primæ ingressione humido, calidoque abundant. Et quidem quod ad humorem attinet, id etiam sensus iudicium monstrat: infantis enim caro flaccida, humidaque tactu dignoscitur. De calore autem id palam docuit Galenus 8. de Placitis Platonis & Hippocratis, & ante illum Hippocrates, tum 1. Aphorismorum Aphorismo 14. tum libro 2. de Nat. hum. c. 12. dum hominem prima die calidissimum statuit, quod nos etiam primo de Ortu, & interitu variis in id adductis rationibus comprobabimus. Quia vero calor continenter carpit humidum, & ipse agendo atteritur, & languescit, necessarium cum ad extremam vitæ partem deuentum fuerit, corpus frigidum erit, exesaque ac dissipata humidi primigenij substantia. Vnde etiam patet, quod inter hæc extrema situm est tempus, id humoris & siccitatis medio potiri: non quasi absolutam, & ad punctum exactam obtineat temperiem, sed maximam, quæ ætatum decursu contingit, quatenus florida ætas nec ut senium inarescit, nec ut infantia humore nimio affluit.

DIVIDUNTUR etiam hæc tres ætates in alias minutiores. Nimium prima ætas, quæ anno fere quinto & vigesimo terminatur, in infantiam, pueritiã, pubertatem, & adolescentiam cui paulò ante totius huiusce decursus appellationem dedimus. Infantia

ad ter

*Galenus.  
Hippocrat.*

*Calor conti-  
nenter carpit  
humidum.*

*Alia diuisio  
ætatum.*

ad tertium,quartúmve annum extenditur: hinc pueria ad decimum: hinc pubertas ad decimum octauum, inde ad vigesimum quintum adolescentia. Ætas media distribuitur in iuuentutem, & virilem ætatem. Iuuentus à vigesimo quinto ad trigesium quintum, aut quadragesimum porrigitur. Inde virilis ætas ad annum quinquagesimum excutit. Tertia ætas continet primam, & vltimã senectutem. Senectus prima à quinquagesimo ad quintum & sexagesimum protenditur. Vltima, seu decrepita senectus vitam claudit.

SOLON Atheniensium legislator teste Philone Alexandrino in lib. de Mundi opificio, Hippocrates & plerique alij septem tantummodo ætates constituunt: partiuntur enim primam ætatem in infantiam pueritiam, & adolescentiam: attribuíntq; infantie septem priores annos totidem pueritiæ, reliquos vsque ad vigesimum quintum adolescentiæ. Inde reliquum vitæ tempus eo ætatum & annorum numero quem ante tetulimus, dimetiuntur. Est autem siue hæc, siue illa ætatum descriptio, ordinaria, & frequentior, non tamen vsque aded certa, vt aliquando hominum vita pro innati temperamentis, & regionum aliarumque causarum extrinsecus incidentium varietate non alios interdum limites & discrimina sortiatur: præterquam quod plerisque ante senium, multos ante floridam ætatem, non paucos in ipso vitæ limine, & ab vberis matrum aufert atra dies, & funere metgit acerbo.

*Alia ætatum partitio.*

*Non omnes eodem tempore spatio in ætatum discrimina incurrunt.*

*Consule Galenũ 3. Aphor. com. 27.*

*Ætatum consideratio secundum Astrologos, Pythagoram, aliosque philosophos.*

## CAPVT II.

**P**UTANT verò Astrologi, vt videre est apud Proclũ in lib. de Anima & dæmone, singulis ætatibus præesse vnum planetam ob peculiarem influxum. Infantie Lunam: pueritiæ Mercurium: adolescentiæ Venerem: iuuentuti Solem: virili ætati Martem: senili Iouem: decrepitæ Saturnum. Huiusce domini; causam, & rationem sic explicant. Luna, inquiunt primam illam infantie tenetudinem blando quodam officio petmulcet, & benigno, vberique humore fouet, Mercurius pueritiam ad lusiones, sermonem, & disciplinas afflatu suo promouet. Venus adolescentiam accendit. Sol iuuentuti vigorem addit, & ad altiora erigit. Mars virili ætati animositatem affert, & pugnandi studium excitat. Iupiter senectuti grauitatem & maturam benignitatem indit. Saturnus decrepitæ ætati fragilitatem, & morositatem. Aiunt etiã decrepiti senes, quia propter virium, & iudicii imbecillitatem propemodum ad infantiam tanquam à calce ad

*Qui planeta quibus præfuit ætatibus secundum Astrologos.*

carcerem regrediuntur, iterum Lunæ dominio subiici. Verùm *Lib. 2. cap. 3. quasi. 9.*  
quid in se veritatis cõtineant hæc Astrologorum effata in libris  
de Cælo copiosè disseruimus.

CIRCV MFERTVR etiam alia ætatum consideratio ex Pythagora qui vitam in pueritiam iuuentutem, virilem ætatem, & senectam, diuisit; & hanc quadripartitam varietatem cum quatuor anni temporibus proportionem quadam cõtulit. Aiens pueritiâ Veri affimilem esse, in quo omnia virent, & humoris vberitate adoleſcunt. Iuuentutem, Ætati, propter animi robur, quo tunc corpora pollent, & quasi efflorescunt. Virilem ætatem Autumno, quod tunc post varia superioris vitæ pericula cuiusque ingenij dotibus tanquam naturæ fructibus accedat tempestiuitas, & sua quædam maturitas. Senectutem Hyemi gelidæ, & molestæ, qualis esse extrema ætas consuevit.

LEG E D. Damascenum lib. 1. Parallelorum, & Philonem in libro de mundi opificio, vbi ex Solone legistatore Atheniensem ea, quæ singulis ætatibus attribuuntur per septenarios exponit.

*Dissolutio problematum ad hominum atates spectantium.*

### CAPVT III.



EVITVR explicatio problematum, quæ hominum ætates, de quibus paulò ante disseruimus, concernunt. Primum sit. Cur infantes qui septimo mense in lucem veniunt, viuere possunt; qui octauo nequeunt: sed vt plurimum (quod longa experientia cõpertum est,) cõfestim moriuntur? R. Non parua de hac re inter philosophos, & medicos disceptatio est. Philo Iudæus lib. 1. Allegoriarum & Aphrodisæus lib. 2. problematum quæst. 44. eius rei causam referunt ad mysteria, & occultam vim numeri septenarij, de quo inibi multa prædicant. Estque hæc sententia admodum consentanea doctrinæ Hippocratis in lib. de Septimestri partu, vbi docet quemadmodum morbi dies, ita partû menses criticos, seu iudicatorios habere, & ad prodeundum in lucem idoneos, ac fauorabiles, aut contra. Hos autem constat non quoslibet, sed definitos, ac certos esse, videlicet septimum & nonum, qui ordinarius est. Ait tamen Plinius lib. 7. cap. 5. reperi-  
*Phil. Aphrodis.*  
*Hippocrat.*  
tos fuisse in Italia octimestres partus vitales contra priscorum opinionem. Quos etiam in Ægypto aliquando inueniri scripserat Aristoteles lib. 7. de Historia animalium capite quarto. Huius rei, quæ medicorum propria est, vberio-  
rem explicationem lege apud Vallesium lib. 2. Cõtrouersiarum Medicarum & philosopho. Leuinum lib. 4. de Occultis naturæ miraculis, cap. 23. Valleriolam lib. 3. Enarrationum Medicinalium, Enarratione 7. Plutarchum lib. 5. de Placitis cap. 18. Vide quoque si placet quæ  
lib. 2.

lib. 2. de Cælo, cap. 3. quæst. 1. art. 2. scripsimus, ubi ex Astrologorum disciplina aliter propositam quæstionem soluimus.

2. C V R infantibus naturales actiones validæ sunt, animales admodum infirmæ: siquidem affluenter nutriuntur, & crescunt: ægrè sentiunt, & nec moueri, nec stare firmiter valent. R. Quia functiones naturales administrantur calore nativo, quo prima ætas circumfluit. Operationes verò animales egent spiritibus sensitiuis, qui in cerebro perficiuntur at infantes cerebrum habent admodum imbecillum, & ad id muneris ineptum. In homine enim capitis os posterius omnibus aliis ossibus concrefcit, conformaturque, vt docet Galenus in lib. de Formatione satus. Vnde est, quod caluaria iuxta synciput aded infantibus tenera, & infirma est, vt in recens editis cerebri motus non solum tactu, sed visu etiam deprehendatur. Accedit quod nimia humiditas, qua sensu officinæ primo ætatis ingressu scatent, sensitrices facultates obundit, nec eas suis muneribus perfectè defungi finit.

*Spiritus sensitiui perficiuntur in cerebro.*

3. C V R pueri maturius sapientes, aut vitales non sunt, aut (quod probauit experientia) cum ad maturam ætatem accesserint minus prudentes euadunt? Vnde Plinius lib. 7. cap. 5 1. refert Catonem Censorium velut ex oraculo prodidisse senilem iuuentam præmaturæ mortis signum esse. Et apud Senecam lib. Controuersiarum 2. controuersia prima, Cestius de ingenio Alifij Flauij prædicat tam maturè magnum ingenium non esse vitale. Itaque iam illud prouerbij loco celebratur. *Odi pueros præcoci sapientia.* R. Idcirco pueri primo ætatis ingressu rationis vsum impeditum habent, quia multo, vt diximus, abundans humore, è quo excitata nebula internorum sensuum functiones, aut omnino impedit, aut inturbat. Hinc qui præmaturè sapiunt, intempestiuam cerebri siccitatem indicant, quæ siccitas cum progressu temporis excreuerit, aut ita organum dissoluit, vt mortem afferat: aut ita vitiat, vt ad persoluenda internorum sensuum munia, è quibus intelligentiæ vis dependet inutile & ineptum sit.

*Senilis iuuentas præmaturæ mortis signum.*

4. P O T V I S S E N T ne primi humani generis parentes esu fructuum vitalis arboris, iuuentutis florem perpetuò retinere? R. Scotus in 2. dist. 19. quæstione prima credit vitalem arborem non habuisse vim conseruandi perpetuo iuuentutem, aut vitam: sed dumtaxat ad longissimum aliquod tempus, quia cum omne agens physicum agendo repatiatur, & debilitetur, necessariò calor naturalis hominis agendo in cibum paulatim degeneraret, nec ad priorem statum in infinitum restitui posset: cum finitæ causæ infinitus effectus esse nequeat. Oppositum, quod verisimilius est, asserit D. August. lib. 1 3. de Ciuitate Dei, cap. 20. & 23. aiens hominem nisi peccasset, esu ligni vitæ & à necessitate moriendi liberandum, & in flore iuuentutis perpetuo conseruandum fuisse. Eadem videtur esse sententia D. Chrysost. hom. 18.

*De ligno vitæ.*

*De hac re Richard. in 2. dist. 19. quæst. 2. circa 2. princ. Item auctor, quæst. veteris, & noui testamenti, q. 17. Abm. ad cap. 2. Gen. q. 10.*

*D. August.*

*D. Chrysost.*



Rupert.

in Genesim, & Ruperti 3. de Trinit. cap. 30. cui adstipulantur verba illa tertij capitis Geneseos, *ne forte mittat manum suam, & sumat etiam de ligno vite, & comedat & viuat in aeternum.* Nectatio Scoti vim habet, quia ligni vitæ esus, caloris dispendia ex æquo refarciret: nec verò id præstando, produceret effectum infinitum, id est, infinitæ perfectionis, vt patet, aut etiam infinitè duraturum, quasi vna eius comestio deberet sufficere ad propagandam vitam in sempiternum tempus: oporteret enim ad id progressu ætatum aliis & aliis pomis vesci, vt monet S. Thomas prima parte, quæst. 97. art. vltimo. Si autem petas quoniam pacto id poma illa potuissent præstare: dicendum, fuisse eis indicatà deo qualitatem quandam: siue supernaturalem, vt credit D. Augustinus lib. 8. de Genesi ad litte. cap. 5. & lib. 11. eiusdem operis, cap. 40. & D. Bonauentura in 2. dist. 17. Siue, quod probabilius est, naturalem, vt Strabus, Hugo de S. Victore, & D. Thomas videntur opinari, quæ qualitas altricem facultatem, omnèsque eius administras, videlicet coctricem, attractricem, expultricem, & alias, quæ circa cibum negotiantur, à quarum deinde ministerijs, & opera cæteræ corporis potentie dependent, ita corroboraret, & defenderet, vt neque actione cibi, neque alterius externæ causæ occurssu infringenterentur, aut fatiscerent. Tueretur etiam primos parentes quandiu præceptum diuinum minimè violassent, ab omnibus noxiis rebus, & incommodis extrinsecus incidentibus tum propria ipsorum cura, tum maximè diuina prouidentia, quibus adminiculis potuissent in infinitas seculorum ætates vitam extēdere. Sed enim è terris in cælum ad beatiorē vitam fuissent traducendi.

Senectus puer  
credo quadā.

5. Cui qui eminentiora loca libero cœlo incolunt tardius senescunt, qui autem curua & palustria citius? R. Quia vt docet Aristoteles sect. 14. problem. quæst. 97. senectus putredo quædam est, putrescit autem quod quiescit non quod mouetur, vt aqua conclusa. Igitur vt locis editis aer afflante vndique spiritu agitur, & alius succedit, ita cauis manet immotus: proindeque minus syncerus. Quo fit, vt hic ocyus, illic tardius corpora marcescant.

5. Quidnam temperamentum ad senectutem seriùs ducit? R. Sanguineum: quia abundat calido, & humido, multus verò calor copiose reponit: humidum affluens ægrè dissipatur: non senescimus autem nisi arescente humido, frigescente calido.

7. Cui senes timidi sunt, incurui, tremuli? R. Cum extrema ætas frigida sit, & magna ex parte destituta calore, qui animositatem parit, & hominis corpus in rectam staturam excitat, ac membra sustinet: consequens fit, vt senes cuncta pertimescant, cuncteantur, tremant.

Senes suspici-  
cusi.

8. Cui suspiciosi sunt? R. Sunt, inquit, Aristoteles 2. Rhetoricorum cap. 13. *suspiciosi senes, quoniam increduli: increduli vero,*  
quia

*quia expertis*, hoc est, quia longo rerum usu didicerunt quantum peruerſitatis, fraudisq̃ue in hominum dictis, & factis lateat. Vnde quæ vident in ſiniſtram partem non rarò accipiunt, ideoque, vt inibi Ariſtoteles ait, neque amant, neque oderunt nimium: ſed ſecundum Biantis præceptum & amant vt uſuri, & oderunt vt amaturi. Tum præterea nihil affirmant niſi cum temperamento, fortalliſ. Quare & in rebus agendis non aliter eis, quàm pronuntiaris demonſtratione conſuliſ aſſentiendum eſſe commouet Ariſtoteles 6. Ethic. c. 11.

*Biātiſ præceptum.*

9 C V R illiberales ſunt? R. Tum quia viuere peroptant, & iccirco ea, quæ vitæ neceſſaria ſunt, ægrè dimittūt. Tum quia compertum habent quàm ſit difficilis rerum acquiſitio, quàm facilis iactura. Ariſtoteles 2. Rhetoricorum c. 13.

*Senes illiberales.*

10 Q V Æ ſunt ea, quæ ſenilem grauitatem maximè decent? R. Vt ait auctor libri de duodecim abuſibus c. 2. duæ ſunt particulæ homini cauendæ, quæ in eo non obſoleſcunt, & ad ſlagitia trahunt. Cor videlicet, & lingua: quia cor nouas machinari cogitationes non deſinit: lingua impigrè loquitur, quæcunque cor machinari ſenſerit. Caueat ergo ſenilis ætas ne iſtæ iuueſcentes particulæ totam ſui harmoniam decipiant, & per res ineptas reliquam corporis grauitatem illudant. Vnicuique enim conſiderandum eſt quid ætate eminenti dignum ſit, vt hoc agat, quod nec vitam, nec ætatem, nec miniſterium vile reddat. Debet proinde ſenectus anteaquæ vitæ partus eſſe, non naufragium.

*Dua particula homini cauenda.*

De dentibus.

*Quo ſit eorum materia, ortus, ſiniſ, varietas.*

#### C A P V T I V.

**Q** V O N I A M de ætatibus diſſeruiſmus, non erit ab inſtituto alienū de dentibus, & capillis, quæ duo ætates comitantur, & cum eis mutationem ſubeunt, in præſentia diſputare. Primum quod ad dentium materiam attinet ſciendum ex Ariſtotelis doctrina 2. de Gen. animalium c. 4. eos eiſdem naturæ eſſe, cuius oſſa, & ex eadem materia coagmentari, quæ materia craſſior eſt, & aridior, quàm ea, ex qua nerui, & cartilagineſ, aliaque eiſmodi compoſuntur. Hoc tamen inter reliqua oſſa peculiare habent dentes, quod ſoli, docente Ariſtotele loco citato, tota fere vita creſcunt, vt videre eſt in iis dentibus, qui tactum mutuū declinant. Id verò propterea natura machinata eſt, vt fungi officio ſuo poſſint: breui enim tempore contrario occuſu, & attritu conſumetentur, niſi aliunde diſpendium reſarciunt.

*Dentium materia.*

*Dentes tota fere vita creſcunt.*

INCIPIVNT autem dentes è mandibulis emergere ordinatim. Con. Comm. in parua Nat.

*Ortus dentium.*

riè post septem menses. Deinde post septimum annum, qui primi emerferant, decidunt, & in eorum locum alij ad solidum cibum aptiores subrogantur. Redeunt verò qui per id tempus decidunt, quia vt docet Aristoteles quinto de generatione animalium, capite octauo, in osse adhuc nascente oriuntur, & dum adhuc ad eorum generationem tempus idoneum est. Nul-um tamen animal ordinariè maxillares permurat teste eodem Arist. 2. de Hist. anim. c. 1.

*Dentium numerus.*  
*Dentes incisori.*

*HABEMVS* porro dentes fere triginta duos, raro plures, pauciores nonnunquam, quorum multitudine longiora promitti vitæ spacia quidam putant. Vno ordine in vtrique maxilla sexdecim continentur, singuli singulis alueolis infixi. Parte anteriorij, quos primores, & incisorios nuncupant, vtrinque quaterni acuti, vt possint incidere: vltra hos sunt canini vtrinque duo ad inferiorem basium lati, superiori parte, acuti, vt si quid propter duritiem ab incisoriis minus scindi potuit, id ipsi confringant.

*Maxillares.*

*Genuini.*

Sequuntur deinde maxillares dicti, vtrinque quaterni, alperi, latique præduri, ac magni, vt incisa ab incisoriis, & fracta à caninibus penitus penitus leuigare, ac terrequeant. Ex his duo, vel tres vltimi, & intimi genuini vocantur, qui circiter vigesimum annum gignuntur, nonnullis admodum serò, etiam octogesimo anno, vt refert Aristoteles secundo, de Hist. anim. capite quarto. Primores, & canini vnica radice nituntur, maxillares binis, aut ternis, quaternisque, atque inferiores vna minus, quàm superiores. Omnes verò in suis cavitatibus, præsertim circa radices vtrique gena insertis neruis valide contringit, ne facile concutiantur. Sunt & alia dentium discrimina in animantibus. Quidam serrati, alij contigui, alij exerti. Serrati pectinatum coeuntes ne contrario occurso atterantur, vt serpentibus, piscibus, canibus, mantichoris, quæ triplici dentium ordine præditæ sunt: contigui, vt homini, & equo: exerti, vt apro, elephanto.

*Finalis causa dentium.*

*QVO* d attinet ad finem, cuius gratia dentes à natura dati sunt, dicendum tribuisse eos naturam animantibus communi quidem officio ad conficiendum cibum. Priuatim verò quibusdam etiam ad alia munia, vt homini ad sermonem, quippe vocis sermonisque regimen primores tenent, dum concentu quodam istum linguæ excipiunt. Vnde cum defluxere, distinctionem, explanationemque adimunt.

Multis etiam belluis ad pugnam dati sunt, vt apris, & elephantis. Lege Aristotelem 3. de Partibus animalium, capite primo, Galenum libro vndecimo, de Vsu part.

\* \*

## CAPVT V.



**C**CVRREMVS nunc aliquot problematis, quæ in consideratione dentium se offerunt. Primum est. Cur dentes canini inter primores, & maxillares sitii sunt? R. Quia canini inter primores, & maxillares mediam naturam fortuntur, quatenus, & acuti sunt, vt primores, & lati, vt maxillares.

2 **C**VM leones, canes, lupi, vtrunque multos habeant caninos dentes, cur homo binos tantum parte vtraque obtinet? R. Quia, vt Galenus 11. de Vsu partium cap. 9. ait, cogitauit natura in hominis procreatione, se animal ciuile, atque mansuetum effingere, cui robur, ac vires essent ex sapientia, non corporis fortitudine: proinde è caninis dentibus non multos dedit, quasi ad pugnam, sed qui ad comminuendum cibum, modo superius explicato, sat essent.

*Homini re-  
bur ex sapi-  
tia, non ex  
corporis viri-  
bus.*

3 **Q**UAM ob causam in extrema ætate rariores fiunt dentes, qui antea coniunctiores fuerant? R. Quia cum à radice exiliores sint, ad fastigium latiores, continuamque attritione absumantur, exiccata etiam, & exesaque ad imum carne, necesse est plus ab se inuicem distent.

4 **Q**UAMOBREM in senectute dentes labuntur? R. Vel humoris defectu, sicuti arborum folia, vel ob nimium humorem excrementitium, eius ætatis proprium, qui calorem suffocat. Decidunt etiam non raro excessu frigoris contrahentis neruum, qui eos implantauit. Putrescunt, & in aliis ætatibus peregrino calore, & humido male commistis, compactionemque soluentibus.

*Putredo den-  
tium.*

5 **S**I dentes carne firmiores, solidioresque sunt, cur frigoris vim amplius, quam carno sentiunt? R. Quia, vt docet Aristoteles in problemat. Sect. 34. quæst. 2. dentes tenuibus nituntur infixi meatibus & neruulis, quorum exiguus calor facile à frigore vincitur, & dolorem facit.

6 **C**VR nullum cornigerum vtrunque dentatum est, sed omnia saltem primoribus superioris mandibulæ dentibus caret? R. Quia alimentum, quod in eos dentes digerendum, dispensandumque erat, in cornuum recrementa absumitur, quanquam nonnulla reperiuntur quæ denegante natura ad vtrunque materiam & cornibus carent, & vtrique dentata non sunt, vt cameli.

*Nullum cor-  
nigerum vtrin-  
que dentatum.*

7 **C**VR Æthiopum dentes candidi sunt? R. Quia mandibularum calor quo abundant, excoctum humorem eis detrahit, quo detracto eximius ille candor existit, sicuti etiam albescit cera solis calori exposita, nec mirum quod idem calor cutem nigriorem reddat, non enim is candorem inducit, nisi cum eximit humorem corporibus, quæ ob illius permissionem atra sunt. Vnde

carnem, in qua huiusmodi humoris copiam non absumit, aduritur, & atro colore inficit. Lege Aristotelem libro tertio, de Historia animalium capite nono, & in Problematis Sect. 10. quæstione 65. & 66.

## De capillis.

*Quæ sit eorum materia, ortus, finis.*

### CAPVT VI.

*Capillorum  
materia.*



**V**NC de capillis agendum. In primisquæ materia, & generatio scrutanda. Aduerte igitur, sicuti in sub-lunari mundo duplex halituum genus cernitur, quidam humidi, & calidi, qui Solis vi è locis humidis excitati in pluuiam, rorem, cæteraquæ his similia addensantur, quos vapores nuncupât: alij sicci, & calidi, quos eadem vis è terræ elemento ad ignitarum impressionum materiam excernit, vocanturquæ exhalationes, vt in Meteoris exposuimus: ita & in homine, qui paruus mundus à Philosophis vocatur, quosdam inesse halitus humidos, qui ad conciliandum somnum, aliaquæ munia obseruiunt: quosdam siccos, qui in pilos, ungues, ungulas, cornua, & reliqua id genus, pro partium diuersitate, conrescunt.

*De hac re  
Hippocras in  
lib. de natura  
pneri. Et in  
lib. de gland-  
ulis.*

*Capillorū ge-  
neratio.*

**C**VM igitur fuliginosa, & terrea exhalatio, cutis spiramentis impacta, nec faciliè retro commeat, nec omnino foras euolat, & hanc alia rursus è profundo subiens ferit, aliaquæ rursus, & alia à tergo instat, complicantur istiusmodi exhalationes addensanturquæ in minuta corpuscula, & deinceps perpetuè nouæ fuliginis accessu augentur, eaque corpuscula dicuntur capilli. Monet *Arist.* vero Aristoteles 2. de Partibus animalium c. 4. capillos, & eorum cognata omnia quamdiu insunt, tandiu augeri, & tunc magis cùm corpora, aut ægrotant, aut senescunt, decrescunt: ve: quia vberior excrementi copia remanet, cùm minus in partes alias propter senium, aut morbum insumitur.

**D**OCEt quoque idem Aristoteles 2. de Partibus animalium cap. 14. & ex eo Plinius libro 11. capit. 37. humanum caput præ aliis plurimo capillo abundare. Quod ita fieri oportuit tum necessitate materiæ, tum præsidij causa. Necessitate materiæ, quia vbi plurimum humoris calorisquæ inest, ibi plus suppetit excrementi, quod in capillos facessat. Nam quod in alijs animantibus nonnunquam nutrimentum est, vel in cornua, aut setas, aut pilos vestiendis ex toto corporibus abir, id homini suggeritur ad promittendum capillum integendo capiti. Est etiam ea capillorum frequentia adiumento, præsidiove ad muniendum cerebrum. Nam cùm id in homine proportionè maximum, &

humi

*Capillorum  
utilitas.*

humidissimum sit, maiorem desiderat tutelam : propterea quod humidissima quæque faciliè effervescent, & refrigerantur. Quibus autem animantibus capilli non sunt, iis aliquid capillis proportionem respondens ingenio naturæ datum fuit, ut aibus pennæ, piscibus squamæ, herinaceis aculei.

SANE capilli, qui homini genas, & mentum vestiunt, barbæque efficiunt, multum decoris, & ornamenti pariunt. Vnde illud Theodoret. *Theodoret.* Sic eos, qui virilem ætatem ingrediuntur, & pueriles annos transferunt barba exornat, quæ genas aliqua ex parte cum mento inferiori vestit. Et primò quidem lanugine florent male, deinde modicum pilorum velamen easdem tegit, ut augmento hoc ætatis discrimen doceat, & ipsa vulvis figura homini persuadeat, ut relictis puerilibus ludis ad res serius accingatur. Hæc Theodoretus tom. 2. sermo. 4. de Providentia. Sunt autem quibus barba in densam sylvam excrescit sunt quibus rara, & exilis est: quia ut Galenus explicat 1. de Vsu partium. Quemadmodum herbæ, ac plantæ, quæ ex terra humida, & pingui proveniunt, altè crescunt: quæ verò ex dura aridaque, paræ, & exigui sunt incrementi: ita capilli, qui ex humidi ac mollis temperamenti emergunt partibus, latè luxuriant, qui ex partibus naturæ duræ, siccæque parvi, atque exiles evadunt. Porro è tribus potissimum causis barbæ raritas, & inopia oritur, nimirum, vel ex defectu recrementi, vel ex duritie cutis quam exhalatio penetrare nequit, vel ex laxitate pororum, per quos exhalatio confestim euolat, nec in pilos addensatur. Duritiem verò seu constipationem cûsis plerumque frigus, laxitatem calor efficit.

*De capillorum varietate.*

CAPVT VII.



QUIBUS causis variè colorètur capilli declarat Aristoteles in libro de Coloribus, qui liber videtur ex duobus, quos Aristotelem scripsisse testatur Laërtius, in vnum coaluisse. De eadem re scripsit Galenus lib. 2. de Temperamentis. Nimirum sit capillus niger cû deusto vi caloris vapore recrementum in exactam fuliginem permutatur. Flauus, cû vapor minus torretur. Est enim quod tunc in capillos abit flauæ bilis superfluum. Albus verò capillus ex pituita nascitur. Rufus, sicuti inter colorem album, flauumque est medius, sic ex pituitosæ, & biliosæque fæcis media quadam natura provenit. Aduerte autem id, quod Galenus ait, videlicet candorem capillorum effici à pituita, non repugnate Aristoteli docenti canitiem, ut post liquebit, gigni ex humiditate, & ex defectu innati caloris. Pituita enim frigida est, & humida, proindeque idonea ad candorem, accedente externo calido.

*Capillus niger.  
Flauus.  
Albus.  
Rufus.*

Cæterum non oportet semper ex hac materia album colorem capillis innasci; quamquam is semper obueniat ex humiditate, & ex inopia caloris innati. Vnde illud vniuersum pro vero habendum, flauitiem, rufedinem, aliosque colores intermedios fieri ex media permixtione humidi & frigidi interni circumfundente se calido ascititio, ita tamen vt hæc permixtio in quibusdam magis, in aliis minus ad hoc, aut illud extremum vergat.

*Diuersitas  
capillorum.*

VARIANTVR etiam capilli pro diuersitate regionum, & ætatum, vt ostendit Aristoteles 5. de Gener. animalium cap. 3. & Galenus loco citato. Nam qui calidam, & siccam plagam incolunt, vt Æthiopes, & Arabes, siccos, & crispas habent capillos, ac breues. Qui humidam, frigidamque regionem habitant, vt Illirij, Germani, Sarmatæ modicè auctiles, graciles rectos, & rufos obtinent. Qui inter hos temperato degunt tractu, robustos, modice nigros, mediocriterque crassos: tum nec prorsus crispas nec omnino rectos emittunt. Quod ad ætates spectat, docent nonnulli medicorum, si cerebrum probe temperatum sit, gigni ex eo capillum, qui à teneris annis sit cæsius; post adolefcente ætate rubescat declinetque magis ad nigredinem. Vbi verò cerebrum ipsum calidius fuerit prouenire ex eo capillum omnino nigrum.

*Pro regionum  
diuersitate.*

CVR autem non simplex capillus, sed intortus, seu crispus interdum oriatur, causa est conditio materiæ, siue exhalationis è qua fit, vt docet Aristoteles 5. de Generatione animalium, cap. 3. Si, inquit, fumosa est præ calore & siccitate exhalatio crispum efficit capillum; quoniam duplici fertur motu: siquidem quod ineft terreni, deorsum, quod calidi, sursum commeat, cumque præ imbecillitate reduci facile queat, intorquetur, idque in capillis crispitudo est. Aut certè, quia cum parum omnino humidi, terreni autem permultum subest, fit vt ab aëre æstuante contrahantur capilli, & conuellantur, quemadmodum cum igni aduruntur. Galenus etiam lib. 2. de Temperamentis, crispitudinis causas hunc in modum explicat. Crispi redduntur capilli, vel propter siccitatem temperamenti, quæ illos intorquet (qua ratione Æthiopes crispi sunt) vel propter imbecillitatem exhalationis, quæ rectam viam sibi moliri non potest: vel denique ob duriores cutis naturæ, quæ ipsam exhalationem, etiam si valida sit prohibet recta ferri, cogitque vt ad latus se inflectat, & obliquum transitum parat.

*Crispitudine ca-  
pillorum ex  
Aristot.*

*Ex Galeno.*

*De caluitio, & canitie.*

## CAPVT VIII.



ALVI omnium maxime animalium homines conspicue efficiuntur docente Aristotele lib. 5. de Generatione animalium, cap. 3. quamquam similis quædam affectio in aliis visitur, videlicet in plantis, & auibus. Namque plan-

*De hac re  
Hippocrates in  
lib. de Natu-  
ra pueri.*

*Aristot.*

tarum



tarum aliz perpetuò frondis honore virent, aliz definito mensum curriculo frondes exuunt. Item ex auibz quædam certo tempore sese abdunt, vt pennas deponant. Talis vero affectus in hominibz caluitium est. Ac quemadmodum hoc hyberno tempore plantis euenit, ita hominibus ætate senescente, quæ humanæ vitæ, quasi hyems est. Vna verò tam hominibus caluitij quàm plantis, & auibz prædictæ iacturæ causa est, videlicet inopia calidi humoris: hoc enim deficiente inarescunt omnino capillorum radices, folia, pennæ; & dissoluta compactione, quæ humor & calor congruenter mista præstabant, sensim defluunt. Caluescimus autem potissimum priori capitis parte, quia in eam cerebrum prominet, quod suo frigore calidum illum humorem pellit. Vnde est etiam quod homini maxime caluitium accidit, quia videlicet amplissimum, & humidissimum proportionem cerebrum habet, vt loco citato affirmat Aristoteles. Addit Macrobius lib. 7. cap. 10. ideo caluitiū ab occipitio inchoari, quia hanc partem fecit natura ratiorem; quod ex futuris, quæ in caluatiis cōspiciuntur, planū est, vt quidquid superflui, aut fumei flatus circa cerebrum fuerit, euanescat per plures meatus. Non caluescunt tamen omnes, sed tantum magnam subeuntes inopiam humidi caloris, qui capillos retinet, seruaturque: neque is defectus quopis tempore contingit, sed potissimum ætate iam declinante & in frigiditatem labente, Quare qui maturius caluitio insiuntur, ij ante tempus prædicto calore priuantur.

*Caluitij causa.*

*Saturus, Macrobius.*

*Cur non omnes caluescant.*

Quod ad canitiem attinet, eam docet Aristoteles lib. 5. de Generatione animalium cap. 5. gigni ab excremento putrescente, cum enim calor ob suam imbecillitatem perlatum ad cutem excrementum, vnde capi li aluntur, perfecte decoquere non valet, fit inde vt collectum putrescat. Albet verò iunc capillus, quia humiditas possessa ab externo calore ob innati defectū vertitur in flatum; is, flatus inter terreum cōtentus candido imbuitur colore, vt in carie parietum, cui canities respōdet. Quod autem canities putredo quædam, ac morbus capillorum sit, illud indicio est quod qui valetudinis vitio præmature canescunt, vbi iam reuoluerunt, calore augeſcente, atque adeo excrementum exacte decoquente, canitiem exuunt. Quod in segetibus quoque euenit, quæ locis humilioribus, ac prope lacunas sub magis, & continuis pluuiis perpalescunt. Vbi verò calor exiccatur humidum illud superfluum tunc propriam resument viriditatem.

*Caluities vbi obueniat.*

*Canities putredo capillorum.*

Quorundam tamen opinio fuit canos ex ariditate provenire: siquidem & ossa albescunt excocto humore, & lapides excocti albeniem in calcem soluuntur, & cera Solis adnota feruori candescit, & siccatis ab illa humoribus, & terra æstiuis exiccata solum albicat. Hæc tamen sententia non probatur Aristoteli loco citato eamque refellit eo argumento, quod experientia

*Sententia de causa canitiei.*

perientia constat, capillos opertos citius canescere, cum tamen operti minus siccantur. itaque & si nonnulla corpora exusta humiditate albescant, in capillis tamen alia ratio est.

*Dilutio problematum ad capillos spectantium.*

# CAPVT IX.

*Cur infantes  
glabri.*



**E**XPLICEMVS nunc problemata, quæ circa paulò ante dicta excitari queunt. Primum sit. Cur tenelli pueri ætatis ingressu glabri sunt? R. Quia cum præcalidi, & humidi sint, nullus adhuc eis meatus in cute est, nec fuliginosum excrementum.

2. **CUR** calidæ aquæ capillum faciunt candidum, frigidæ nigrum? R. Quia calidæ plus aëris in se cohibent: aër autem pel-lucens candorem gignit, vt videre est in spuma.

3. **CUR** caluescimus magis à syncipite? R. Quia regio illa admodum siccæ est, hæc præhumida: à siccitate verò defluuium, ab humore canities est.

4. **CUR** inter omnes animantes homo maximè canescit? R. Quia cæteris magna ex parte pili quotannis decidunt, vt equo & boni: aliis & si non decidunt, brevis tamen contingit vita, vt oui: quibus proinde longo decursu ætatis in senio canities non aduenit: homines autem & longam degunt vitam, & deciduum capillum non habent.

5. **SI** senib⁹ abundantiâ humoris capillos in canitiè tingit, cur senectus sicca perhibetur? R. Quia sicca dicitur, hoc est destituta humido innato: cū alioqui humido ascititlo, & peregrino abūdet.

6. **CUR** capilli detecti tardius, quàm operti canescunt? R. Quia canities à putredine est, status autem putredinem prohibet, & operimentum flatum arceat.

*Quæ viuis  
noctis spatio  
totius noctis  
vixit.*

7. **QV**ID causæ fuisse putandum erit, cur quidam metu mortis, vnius noctis spatio totus incanuit: sic enim accidisse narrat Scaliger exercitatione 312. in Cardanum. *Historia*, inquit, *nostra tempestatis est sub Francisco Gonzaga Mantua principe. Is affinem suum suspectum coniurationis, cum in turri porta Cesarea ad quæstionem, aut supplicium seruari iussisset, nuntiatum est mane totum repente canem factum. Quod quasi prodigium, flexit principis animum, qui ei propterea & venia & vita fecit gratiam.* R. Subita illa canities orta videtur ex retractione caloris, quam metus vehementia induxit: sicuti & in his, qui senescunt, canities ex defectu caloris prouenit ad modum superius explicatum.

8. **CUR** in equo præ aliis brutis animantibus canities apparet? R. Quia equus, vt affirmat Aristoteles 5. de Generat. animalium, cap. 5. os, quo cerebrum continetur, tenuius pro magnitudine, quàm cætera bruta animalia obtinet, quo fit, vt facile humor effluat, & per ætatem calor deficiat, vnde canities oritur.

# IN LIBRVM, DE VITA, ET MORTE

*Quidnam sit vita.*

## CAPVT I.



**P**LACET libros de vita & morte, & de longitudine, ac breuitate vitæ ad disciplinæ commoditatem, distinctionemque inter se. distinguere eo modo, qui progressu patebit. Et ut à vita ordiamur, sic eam definiit Aristoteles in libro de Respiratione. *Vita est permanſiſq; animæ vegetatricis cum calore.* Ad cuius definitionis intelligentiam aduerte in primis non definiri, & explicari in ea vitam in toto ambitu, sed eam tantum, quæ corporibus conuenit, cum alioqui etiam substantiis separatis vitæ notio propriè cōueniat. Licet verò multi sint corporum viuientium gradus, nempe intelligens sentiens, loco mouens, vegetans; Aristoteles tamen per huuc postremum gradum vitam definiit, quia nullum sit corpus vitæ prædictum, quod eo careat. Quo fit, ut prædicta definitio communè omnium viuentium vitam comprehendat. Secundò aduerte vitam rerum corpore constantium tripliciter accipi: vno modo pro anima ipsa, quæ vitalium functionum origo & fons est, diciturque vitæ essentialis, utpote essentiam rei viuentis partiaim constituens, sicque in libro de motu cordis, definitur vitæ principium actus animæ. Secundò, pro existentia animæ in corpore. Tertio, pro ipsis vitæ functionibus, ut pro nutritione, accretione, sensatione; quo pacto vitæ à D. Bernardo in libro de Libero arbitrio, & gratia dicitur internus, & naturalis motus. Igitur vitæ in prædicta definitione non sumitur primo modo, ut constat, quis enim dicat animam esse permanſionem sui ipsius in corpore? Potest autem vel secundo, vel tertio modo accipi: si secundo, erit definitionis sensus formalis: si tertio, causalis, ac si diceremus vitam, siue operationem vitalem esse permanſionem, hoc est proficisci ex permanſione vegetatricis animæ in corpore, quod ab ea informatur.

Ponitur autem licet vitæ absque primarum qualitatum, caloris, frigoris, humoris, & siccitatis permixtione, neutiquam possit consistere, peculiariter tamen in calore sita esse perhibetur, teste Aristotele in libro de Longitudine, & breuitate vitæ, & in problematis Sect. 14. qu. 10. quia anima tandiu corpus informat, quandiu in eo vitæ munia obire potest: præcipuus verò admi-

Con. Comm. in parua Nat.

L

*Vitæ definitio.*

*Vitam tribus modis accipi.*

*D. Bern.*

*Vita in calore.*

*Humiditas  
pabulum ca-  
loris.*

pabulum humiditas est: dicitur vita tum ab Aristot. locis citatis, tum ab aliis Philosophis in calido & humido consistere: hoc est, à calore, & humiditate in corpore coalitis per se, ac potissimum dependere. Quod tamen non de quouis calore, etiam peregrino, & ascititio, intelligi debet, sed de interno, & pro cuiusque membri natura, & conditione per totum corpus diffuso. Esse verò hunc calorem primarium vitæ instrumentum inde constat, quia eius præsentia, & temperatione fouentur artus, & incolumitatem seruant, ac suo munere probe funguntur, eiusdem abscessu torpent, iacentque exanimes. Eget autem calor hic viuificus humido, quo sustentetur. Sed enim cum diuersa sint humidorum genera, videlicet quoddam aqueum, aliud æreum, idque pingue, & oleagineum, nõ quouis humido gaudet prædictus calor. Namque in aqueo, quia fluidum est, & dissolubile, ac parum tenax, confestim interit, æreo verò, & pingui nutritur, foueturque non secus, ac flamma oleo.

*Frigus non concurrere per se ad actiones vitæ.*

## C A P V T II.



*Prima opinio.*

*Eius arg.*

*Arist.*

**V**ARI autem solet, num calor ita vitæ actiones exequatur, vt ad eas non concurrat etiam frigus per se, sed ex accidente, hoc est, quatenus calorem modificat, eiusque vim attemperat. Sunt qui putent aliquas esse actiones, ad quas per se, & ex vsu naturæ frigus, si moderatum sit, concurrat, quemadmodum & nonnullæ sunt, quas calor, nisi congruam remperationem habeat, lædere consuevit. Suadet autem hæc pars ex eo, quia cibi appetitio mouetur iuuaturque frigore: inde est enim quod appulsu atræ bilis in stomachum, famem sentimus. Cum igitur fames sit appetitio animalis, non videtur negandum iuari illam per se à frigore animantium, atque aded vitæ functiones. Videturque ad stipulari huic sententiæ Aristoteles libro secundo, de Gener. anim. capit. 4. vbi docet ortum similiarium partium tum à frigore, tum à calore esse, & alia membra frigido, alia calido coagmentari & conrescere, subditque generationem carnis ex sanguine, quem venæ exudant, & frigore consistere.

*Posterior sententia, quæ probatur.*

**C**ONTRARIA tamen sententia verisimilior est, quam tueri Galenus 3. de Causis Symptomatum cap. 3. Auicenna Pen. 1. primi doct. 6. cap. 3. Vallesius lib. 5. Controuers. Medic. & Philosoph. cap. 11. Thomas à Vega ad cap. 62. libri artis Medicæ, asserentes frigus non nisi posteriori modo concurrere. Quod ex eo confirmant, quia nulla est vitalis actio, cui frigus non per se aduerfetur, siquidem cum nimium crescit, omnem operationem aut lædit, aut ex toto impedit: namque membra stupefacit & paralyt

rallysim inducit, proindeque sensum & motum adimit, quod tamen calor non efficit. Hinc est quod ad munia viuientium obeunda ex accidente duntaxat frigus concurrat, propterea quod oportet calorem temperatum esse, quam temperationem admixtio frigoris præstatita vt si absque frigore moderatus calor dari posset, nulla omnino esset frigoris necessitas. Nec obstat quod etiam nimium auctus calor actiones corrumpit. Id enim per se frigori conuenit, calori autem per accidens. Cuius rei indicium est, quod vbi primum in aliqua parte corporis frigus cæpit augeri, confestim incipit in ea minui perfectio in operando, quod tamen crescente calore non ita accidit.

IGITUR argumentis in contrariam partem adductis respondendum est, famem non induci per se à frigore atræ bilis; sed quatenus vi frigoris partes corrugantur, & stringuntur; vnde sequitur appetitio cibi, cuius ingressu corrugatio illa & strictio cessat, vt alibi fusiùs dicitur. Aristoteles autem locis adductis tantummodo asserit frigus ad ortum partium similarum atque ad generationem carnis requiri, non tamen docet requiri per se.

*Solu. arg. ad-  
uersaria pa-  
trii.*

*Quid sit mors, quibus causis accidat, & quæ  
eius sint genera.*

## CAPVT III.



NEQVAM cætera ad vitam mortemque spectantia persequamur, tradenda est mortis definitio: quæ iam facile ex dictis colligi poterat, videlicet mors est absentia discessus-ve animæ à corpore ob defectum innati caloris. Quæ definitio vt planius intelligatur, aduertendum est separationem animæ à corpore nõ ita accipiendam, quasi oporteat vt animal mortuum dicatur, animam realiter à corpore secundum situm abiungi: sat enim est si desinat esse in corpore informatiue, hoc est, si iam non illud viuificet, dissoluto actualis coniunctionis nexu. Nam animæ brutorum animantium, cum iis interiuntibus extinguantur, nullibi post mortem sunt: animus verò humanus, licet in ipso interitus momento, à corpore, quod tempore antecedente informabat, secundum locum situmque abiuncta non sit, separata tamen dicitur, quoniam dissoluto mutæ vnionis vinculo, non iam corpus actuat, aut viuificat.

*Mortis defi-  
nitio.*

ADDVNTVR in definitione illæ particulæ, propter defectum, caloris innati, quia cum contrariorū contrariæ causæ sint, docente Aristotele 3. Polit. c. 8. quemadmodum vitæ causa est calor (intellige vnà cum humore, quo pascitur) ita mortis causa est frigus, seu quod eodẽ recidit, innati caloris defectus. Vnde, & à Galeno

*Aristot.*

*Galen.* libro 2. de Temperamentis cap. 2. definitur mors *extinctio caloris naturalis*. Et quia cor natini caloris fons est, vt progressu explicabitur, solet etiam nonnunquam mors definiri frigiditas cordis ex humidi inopia.

*Mortis causa.* E x p o s i t i s definitionibus colligi possunt mortis causæ. Sunt enim excedens frigus & siccitas: immo & humiditas superabundans, quæ calorem suffocat: & nimia vis caloris extraneæ, quæ non humidum solummodo absumit, sed ipsum etiam calorem innatum resoluta substantia dissipat.

*Mortis genera.* M O R T I S autem genera, si euentus fortuiti spectentur, innumerabilia sunt. Si autem causæ per se expendantur, definito numero continentur. Diuiditur ergo mors ab Aristotele libro de morie & vita, in violentam & naturalem. Violenta est, quæ à contrario fit: naturalis, quæ ex caloris marcore provenit. Quia vero natium calorem, vt supra attigimus, tam frigus, quàm calor extraneus, & humor interimunt, tripliciter violenta mors accidit: nempe vel ob nimiam frigiditatem, aut extraneum calorem, quæ calorem natium extinguunt, vel ob immodicam humiditatem, quæ eundem præfocat.

*Mors naturalis.* N A T U R A L I S autem mors contingit ob caloris paulatim flaccescentis defectum. Nam, cum calor agat in humidum ipsum, quæ resoluat, ac dissipet, oportet calorem ipsum pariter imminui, manereque terrestres partes frigore & siccitate concretas, proindeque deficiente humido calorem extinguui, & morrem subsequi, quæ in plantis vocatur ariditas, in animalibus senectus & mors.

*Omnis corruptio à contrario.* Q U I A tamen omnis corruptio, vt est communis Philosophantium doctrina, à contratio fit, etiam ea viuæ mors, quæ naturalis dicitur, quandoquidem corruptio quædam est, reuera à contrario fieri dicitur tamen non fieri à contrario, vt violenta, quia quasi sponte naturæ accidit: quatenus non aduenit ab extraneo contrario magna & aperta vi oppugnante. In quam sententiam, lege si placer, quæ scripsimus ad finem librorum de Cœlo Sectione 4. nostrorum problematum quæst. 1.

*De situ & figura cordis, quod vitæ fons dicitur.*

#### CAPVT IV.



*Aristot.*

*Cordis situs.*

V O N I A M superius de vita disseruimus, proximum est, vt ipsum inquiramus vitæ fontem, qui cor esse perhibetur. Sed prius de cordis situ, & figura agendum erit. Aristoteles 3. de Partibus animalium capite 4. & 1. de Historiis animalium capite 17. docet cor cæteris animalibus in medio pectore esse, homini autem paululum vergere ad sinistram;

sinistram; reddiq; eius rei causam, quia homo inter omnia animalia læuam partem frigidiorē habet. Quare necessum fuit, ut ei subueniretur inclinatione cordis, quod calidissimum est. Eandem sententiam amplexus fuit Plinius libro 11. Natur. histor. cap. 37. Fernellius in libro de Partibus humani corporis, cap. 7. & Aniceina 11. tertij. r. additque oportuisse cor cedere hepatis, ne si hepatis, & cordis calor eodem conspirarent, dextrum latus plus nimio recalesceret. Idem confirmat pulsatio cordis, quæ infra læuam papillamprehenditur. Quod certe argumento est illuc cordis substantiam propendere. Galenus tamen lib. 6. de Vsu partium, cap. 7. aliique nonnulli affirmant cor in medio thoracis sinu secundum omnes dimensiones ad æquilibrium sedem habere: idque anathomica artis obseruatione compertum esse inquirunt. Quod si ita est danda venia erit Aristoteli, quia nondum eius ætate membrorum dissectio vigebar. Porro cur natura partem dextram potissimum in homine calidiorē fecerit, causa fuit, ut motum commodius, atque expeditius administraret; oportet enim in motu alteram partem, videlicet læuam quasi quiescere, ut ea membrorum agitatione quodammodo suffolciatur; alteram verò, hoc est dextram, motum ipsam actione exequi: proindeque necesse est hanc vberiori caloris copia affluere; quandoquidem calor, ut diximus, primariū instrumentum est omnium vitalium actionum ad corpus agentium. Plus vero eget homo calore dextri lateris, quàm cætera animalia, quia homo ad plura mania, utpote ad artes omnes exercendas, ad pingendum, scribendum, tendendum, aliæque id genus dexterae motionem adhibet; reliqua animantia solum fere progressionis motum obeunt: proindeque non tam conspicuam caloris imparitatem exigunt.

Plinius.  
Aucenna.

Galen.

Quodlibet  
pars dextra  
in homine ca-  
lidior.

Quo ad cordis figuram, & compositionem attinet, ita de ea scripsit Aristoteles libro 1. de Historia animalium, cap. 17. Omnibus tam pectore constitutis, quàm eo carentibus cor aequè suo mucrone in partem vergit priorem. Verum latere sapius potest, quoniam dissecto animante demonstratur. At parce sua ampliori, & gibba superiora corporis spectat: pars extrema in uenarum se colligit, exique pene in mucronem. Habet etiam sinum triplicem: maximum in dextro latere, minimum in sinistro, medium magnitudinis inter sinistram, & dextram. His similia scripsit Plinius lib. 11. Natur. histor. cap. 37. Cor, inquit, animalibus cæteris in medio pectore est: hominis tantum infra læuam papillam turbinato mucrone in priora eminens: Huic præcipuus calor: Palpitat ærè, & quasi alterum mouetur animal, intra premelli, firmæque operum membrane inuolucro, minuto costarum, & pectoris muro, ut par erat, præcipuam vitæ causam, & originem. Prima domicilia intra se animos, & sanguini præbet, sinuososque, & in magnis animalibus triplices, in nullo non geminos.

Cordis figura.

Triplex sinus  
cordis in de-  
clina Arist.

Galenus lib. 6. de Vsu partium cap. 7. docet cor & si ro-

Galen.



tundam habeat effigiem, non tamen esse vsquequaque rotundū, sed ab ampla, & orbiculari superna basi, quod caput eius vocant exorsum inde paulatim gracilescere, ac ima parte in angustum; acutūque desinere, quo loco istiusmodi figuræ causas inquirir. Potiores autem videntur esse, quia figura rotunda, quæ nobilissima habetur, decet nobilissimum membrum. Item quia rotunditas iuuat ad capacitatem, quæ cordi ad recipiendum sanguinem, spiritūsque formandos necessaria est. Angularis autem figura, quæ in turbinato cordis muerone cernitur, facit ad concoctionem, quia calor cuspidis angustius pressus maiorem habet acrimoniam.

*Cordis muer.*

*De cordis ventriculis.*

CIRCA id tamen, quod ex Aristotele de cordis ventriculis paulò ante tetulimus; tam Galenus, quàm alij recentiores medici anatomicis obseruationibus innixi non triplicem, vt Aristoteles, sed geminū tantum in nostro corde ventriculum agnoscunt, ad læuam vnum, ad dextram, alterum. Aiuntque cōtra Aristotelem 3. de Partibus animalium cap. 5. sinistrum ventriculum multo esse præstantiorem dextro. Quod probant, quia sinister ventriculus est officina spirituum vitalium, siquidem multo purior, defæcator, & calidior in eo sanguis deprehenditur, vnde & illum natura, vt vitæ magis necessarium, duplici membrana contextit. Facit etiam pro hac sententia, quod ij, qui venena hauserunt, multo maiorem noxam in læuo sinu experti sunt. Continetur autem in dextro ventriculo sanguis, quem cor ad pulmonem, vt ei singulari & quasi regia munificentia in nutrimentum cedat, transmittit, rependens videlicet ei mutuam gratiam pro spiritu, quem ab ipso recipit, vt Galenus lib. 6. de Vsu partium, cap. 10. annotauit.

*Cur pulmonibus gratiam rependit.*

*Quamobrem cor vita fons dicatur.*

## CAPVT V.



QVONIAM vita, vt superius diximus, in calido, & humido consistit, humidum verò à calido continenter absumitur, non aliter quàm à flamma oleum, prouidit natura quo pacto tam calidi, quàm humidi dispendia resarciri possent, alioqui breuissimo tempore animalium vita exstingueretur. Igitur ad restaurandum humidum instituit alimenti haustum, cibique in viuientis substantiam conuerſionem; succedit enim loco humidi primigenij, quod tadiale vocant, humidum alimentitium, vt in 1. de Ortu, & interitu exponemus.

*Quo pacto instauratur humidum.*

*Quo modo reſciatur calor.*

AD calorem verò seruandum, reficiendūque oportuit, vt Aristoteles 3. de Partibus animalium cap. 7. & Galenus in lib. de Formatione fetus aiunt, locum in animali esse aliquem veluti focum,

focum, qui naturæ fomites, & primordia ignis natui contineret foveretque, & eundem tutum esse, veluti arcem corporis totius: hic autem locus cor est: habet enim cor insitum à natura calorem, cuius opera quandam sanguinis portionem sibi à iecore transmissam exactius decoquit, & in vitales spiritus attenuat, quorum vehiculo in omnes partes corporis quasi subsidio calorem mittit quo membra omnia seruantur, ac fouentur vitæque munia exercent. Ideoque Aristoteles lib. 5. de Generatione animalium cap. 8. spiritum comparat artium instrumentis, per quæ artificiosa opera conficiuntur. Quin & ipsum hepar ad elaborandum sanguinem influentis à corde caloris adminiculo non patum iuuatur. Eademque communi beneficentia fruitur cerebrum: quandoquidem à corde recipit spiritus vitales, quorum præsentia innatam frigiditatem remittit, & ad animales functiones obeundas idoneum redditur: videlicet quemadmodum natura cum cerneret terrestria corpora Solis luce calidiora reddenda esse, quàm suoapte ingenio sint, minus caloris stipium, & animantium generi attribuit, quàm ad eorum vitam, & propagationem requirebatur, ut ex nativo, & ascititio calore, quantum eis sat esset compararetur: sic animantium corporibus tanto minus natui caloris indidit, quantum affluxu cordis communicandum eis erat.

*De spiritibus  
Aristot.*

Ex dictis patet quamobrem cor fons vitæ dicatur, videlicet quia ab eo, ut à fonte, virales operationes dimanant. Vnde secundum placitum Aristotelis 2. de Gener. animalium, cap. 4. cor primo viuit, postremo interit, quasi vitæ & animæ primordium. Præterea docente eodem Aristotele lib. 3. de Partibus animalium cap. 4. & lib. 4. eiusdem operis cap. 2. & Plinio lib. 11. Natural. histor. cap. 37. cor solum viscerum, atque omnino partium corporis, nullum graue vitium, aut noxam patitur: quia videlicet læsum mortem illico affert. Cum enim, inquit Aristoteles, principium corrumpitur, nihil est, quod cæteris, quæ inde pendent præbere auxilium possit. Nullam vero noxam cor pari, argumento est, quod in hostiis cor ita affectum non inueniatur, ut in cæteris visceribus cernitur. Renes enim sæpenumero calculis, & panis, & papulis referri inueniuntur, itemque iecur, & pulmo, ac potissimum lien.

*Cor quam ob  
causam dica-  
tur fons vitæ.*

*Aristot.  
Plin.*

ADVERTE tamen dictum hoc Aristotelis non vniuersim pro vero accipiendum, sed ordinatè, & ut plurimum. Ut enim cætera omitamus exempla, constat inuentam aliquando fuisse ceruam, quæ sagittæ aculeum ex longo tempore cordi infixum gerebat. Lege Galenum lib. 5. de Locis

*Cor cerna bi-  
go tempore cū  
aculo.*

affectis, cap. 1. & Antonium Beneuentum Italum 1. Admiran.

cap. 81. 83. 89.

*Quod animi perturbationes à corde oriunda interdum  
noxam corpori, mortemque afferant.*

## CAPVT VI.



ON erit ab instituto alienum paucis explicare quoniam modo animi affectus, seu perturbationes, vt ira, timor, gaudium, aliæque huiusmodi, quæ in corde sedem habent, vitæ noceant; ac nonnunquam mortem afferant. Aduertendum autem prius erit in hisce affectibus duo spectari posse: formale, & materiale. Formale est in ira, verbi gratia, appetitus vindictæ. Materiale est ea commotio, siue alteratio, quæ talem appetitionem comitatur: nam iis, qui ad iram concitantur, incallescit, feruetque sanguis circa cor. Non disquirimus ergo in præsentem quam noxam intuebant corpori affectus animi, quoad formalem suam rationem spectati: sed secundum id, quod in eis materię modum obtinet: sic enim duntaxat corpus immutare, & à nativo statu dimouere queunt.

*Formale &  
materiale in  
affectibus.*

*Animi affectus  
qui qua ratione corpori  
noceant.*

*Ira.*

*Timor.*

*Vetecundia.*

*De morte  
Homero.*

STAT VENDVM in primis est animi affectus, si vehementes sint, & extra modum prodeuntes interdum morbos, ac mortem inferre, quod vt summatim dicamus, præstant nimia contestatione, aut effusione spirituum vitalium. Calor enim spiritibus insidens eum nimium contrahitur, multa fuligine obrutus suffocatur, idemque nimium sparsus effluit, & evanescit. Vt verò de aliquot ex hisce affectibus non nihil dicamus. In primis ira, quia motus est, quo ad repetendâ vindictam effertur, calorem exscitat, & ab intimis ad externas corporis partes euocat: quo fit vt irati vehementius incalescant, cumque biliosum humorem concitent, & si insita leuitate in cerebrum etiadat, accidit nonnunquam, vt irati rationis vsu priuentur, hiantque inopes consilij. Ferunt tamen neminē vquam ex iræ affectu obiisse mortem. Timor, vt est fuga independentis mali, ita spiritus, & sanguinem fugam capessere, & ad interiora veluti ad arcem recipi cogit. Quo receptu, & quasi repereussu vitur aliquando, & extinguitur natiuus calor ac subita mors sequitur. Idem præstat aliquando vetecundia, quæ species quædam timoris est, quo iacturam exultationis ob turpe factû, aut dictum formidamus. Sic Diodorus quidam Dialecticæ professor, quia luforiam quæstionem ab Stilbone sibi propositam dissoluere non potuit, dolore, pudorēque exanimatus cessit vitæ, vt 7. Natur. histor. cap. 53. restatur Plinius. Simile quid Homero accidit. Nam cum in Io insula ad litus sedens piscatores, rogasset, num quid haberent: illi verò hoc ænigmate respondissent. Quæcunque cepimus, reliquimus, quæ nō cepimus, habemus. Summi ingenij vir, quod horum dictorum perplexitatem explicare nequirit, pudore confectus

confectus diem obiit. Referunt Plutarchus, & Herodorus in vita Homeri, Valerius libr. 9. cap. 11. Tristitia, quoniam ægrotudo est animum premens, calorem intus adigit, membra langore deicit, corpus enervat, & operationes magna ex parte impedit. Sed quia motus est lentus: aut mortis causa non est, aut ad eam non uisi lento gradu ducit. Tristitia animique tædio obiisse Aristotelem, quod physicam rationem, ob quam Euripus septies die, ac nocte reciprocatur, assequi non valeret scripsit Iulianus Martyr in sua parænesi, & Gregorius Nazianzenus in oratione prima contra Iulianum.

Tristitia.

De obitu Aristotelis.

Lege Alex. 1.  
lib. probl. qu.  
19.

LÆTITIA siue gaudium, sicuti quædam animi iucunditas est, ita dum moderationem seruat, spiritus vitales fouet, bonamque corporis habitudinem confirmat: si autem nimium, ac repente effundatur, nonnunquam ira spiritus laxat, & confestim dissipat, ut interitum subito afferat. Cuius rei cum non pauca suppetant exempla antiquitatis, nos pauca tantum in medium afferemus. Nuntiata clade, quæ ad lacum Trasimenum Romanis acciderat, altera mater sospiti filio ad ipsam portam facta obuia nimio gaudio expirauit. Altera cum falso mortis filij nuntio mæsta domi sederet, ad primum redeuntis conspectum exanimis concidit, atque ita quas dolor non extinxerat, lætitia consumpsit. Refertur à Liuiio libro 1. Decadis 3. à Plinio libr. 7. cap. 53. à Valerio maximo libro nono, cap. 12. Philippides Comædiarum scriptor haud ignobilis, cum in poetarum certamine præter spem vicisset, effuseque gauderet, præ lætitiæ magnitudine repente mortus est. Diagoras Rhodius cum tres filios adolescentes, vnum pugilem, alterum pancratiastem, tertium luctatorem eodem Olympiæ die simul coronatos videret, & eum tres adolescentes amplexi, coronis suis in caput patris impositis oscularentur, simulque gratulabundus populus flores vndique in eum iaceret, tanti impotens gaudij spectante populo animam efflauit. Proditum à Gelio 3. Noct. Attic. lib. c. 15.

Fæmina prænata lætissimam mortua.

Liuius.  
Valerius.

Diagoras.

Gellius.

*Solutio problematum ad eos spectantium.*

## CAPVT VII.



UNC aliquot problemata ad cordis, de quo supra egimus, considerationem pertinētia enodabimus. Primum sit. Estne verisimile id, quod ab Ægyptiis traditum scripsit Censorinus in libro de Natali die Romanorum, & Plinius libro 11. Natur. Historiæ c. 37. videlicet augeri cor per singulos annos in homine, ac binas drachmas ponderis ad quinquagesimum annum accedere: deinde tantundem ab eo detrahi, ideoque non viuere hominem ultra centesimum annum defectu cordis? R. Fictitium id planè videtur,

De cordis incremento, &amp; decremento quorundam opinio.

Con. Comm. in parua Nat.

M

& à veritate alierum, cum neque anatomicæ obseruationis experientia, nec physica ratione, nec idonea Philosophantium auctoritate comprobetur.

2. Si cerebrum tanto est corde excellentius, quanto sentire & mouere præstat vitæ, id est, perfecte viuere, quàm simpliciter viuere; vnde & solæ cerebri functiones principes vocantur, cur Aristoteles 2. de Partibus animalium capit. 7. putat cerebrum gratia cordis duntaxat efformatum, nec aliud ei munus defert, quàm refrigerare cor? Responsio. Aristoteles summum ius cor tribuit, &

in eo non solum vitalium, sed etiam naturalium, animaliumque functionum, non remotum, & commune tantum, sed etiam proximum principium constituit. Quare nihil mirum si cor cerebro vbique anteponat, & illud huius gratia efformatum putet. Verum multo verisimilior habetur Medicorum & aliorum complurium sententia delegantium vim naturalem hepatis, animalis cerebro, vitalem cordi, atque ita simpliciter anteponentium cordi cerebrum, spectata maiori excellentia animalium functionum, quæ à cerebro originem ducunt, vt à nobis in libris de Ortu, & interitu copiose disputabitur. Nec videtur etiam probabile mutuari cor frigiditatem à cerebro, tum quia longa intercapedine ab eo distat, tum quia abundè ad id sufficit reciprocatio aëris ad pulmones attracti, & arteriarum pulsus.

3. Si cor in thorace medium obtinet, cur pars anterior corporis ei respondens calidior est, quàm posterior? R. Tum quia cor ob crassitudinem interiectorum ossium, & musculorum, minus acriter retro operatur: tum quia à spinæ, & vertebrarum frigore eius actio retunditur. Adde quod licet cor simpliciter in medio situm sit, non nihil tamen cuspidè antrorsum vergit.

4. C v R c. 1. quæ pro magnitudine suorum corporum grandius cor habent, vt lepores ætui, mures hyænæ, asini, pantheræ, mustellæ timidiora sunt? R. Quia exigua copia caloris, qui animositatis auctor est, in magno conceptaculo exolefcit, fitque sanguis frigidior. Itaque vt in paruo & magno domicilio, idem ignis non æquè calefacit, sed minus in magno, sic in his calor non pariter agit. Aristoteles 3. de Partibus animalium c. 4.

5. C v R ij. quibus pilosum, siue hirsutum cor fuit, insignem audaciam, & animi robur præ se tulere. Verbi gratia, præter alios, Leonides, qui, vt scribit Plutarchus in parallelis, factò in hostes impetu multis confossus telis ad Xerxem peruenit, ei que coronam abstulit, quo mortuo Xerxes, cum ei cor dissecuisset, pilosum inuenit? Responsio. Quia huiusmodi homines præcalidi sunt, & fuliginosa recrementa è corde emittunt, quæ in pilos concrefcunt.

6. Si cor vitæ fons est, quo pacto veritati consonat, quod ait Aristoteles hoc in libro, insecta, & testudines auulso corde viuere? R. Quia vt docet idem Aristoteles libro 4. de partibus animal.

Relinquitur  
sententia A-  
ristotelis.

Cordis situs.

Virtus magis  
sparsa, minus  
potest.

De hac re  
agemus ex  
professo in 1.  
de ortu & in  
teritu.

animal. cap. 6. istiusmodi animalia, sicuti imperfecta sunt, ita non uni tantum loco additum habent vitæ principium, adeoque dempto corde adhuc in eis relinquitur, quod vitalibus actionibus obeundis præsit.

7: C Y R quemadmodum vitales spiritus in corde conficiuntur, non etiam animales in eodem efformantur? R. Quia ut spiritus ad animales functiones iuuandas idonei sint; minus caloris habere debent, quàm in corde obtineant, ideoque ad cerebrum perferuntur, ut eius frigiditate calorem mitigent, animalesque euadant, sicuti dum ferum aptant fabri ferrarij, igni primum, deinde aqua temperant.

*Spiritus vitales, & animales.*

*Dilutio problematum circa animi perturbationes,  
quæ à corde oriuntur.*

## CAP. VT VIII.



**Q**UEMADMODUM secundum Peripateticam disciplinam tam irascendi, quàm cupiendi appetitus in corde sedem habet, ut alibi ostendimus, ita omnes animæ passionēs, quæ ab hoc gemino appetitu manant, in corde residenti. Quare hinc sumpta occasione aliquorum problematum ad prædictos affectus spectantium declarationem, subiiciemus. Primum sit. Cùm calor, seu potius sanguis, aut spiritus, quo calor quasi cutru vehitur, pro affectuum diuersitate varie cieatur, & modò in hanc, modò in illam partem excurrat; & siquidem tristitia urgente ad cor, verècunda ad faciem, gaudio ad cutem defertur.) Quænam putanda erit efficiens causa huiusce motionis, præsertim cùm spiritus, & omnino reliquus sanguis, animæ careat? R. Mouentur spiritus, & sanguis impulsu animæ, quæ ipsos, prout necessitas exigit, huc illuc citra omnem deliberationem naturali instinctu agit, quod præstat interuentu facultatum motricium, attrahentium, expellentium. ve.

*Uterque appetitus sensibilis residet in corde.*

2. C Y R timentes expalescunt? R. Quia anima, ut vitæ consulat, sanguinem, & spiritus, custodiæ gratia, ad penitiora euocat, & contrahit, sanguis verò est, qui corpori floridum, & roscum colorem spargit. Eademque causa est cuti, qui metunt, tremunt enim enim calor sanguini, & spiritibus insidens membra, neruôsque sustineat, & tueatur, consequens est, ut partes corporis calore defecæ ægrè fulcire se possint, atque ita vacillent: tremunt verò manibus, & labris, maxime inferiori, quia ex partes, ut minus habent sanguinis, ita facilius inalescunt. Accedit quod inum labrum magis pendulum est sicque plus indiget caloris adminiculo, quàm superius, ac proinde facilius laxatur & quatitur.

*Sanguis colorem floridum spargit membris.*

3. S I tremor oritur ex caloris defectu, & timor calorem ad

*Metuentibus  
crassif:nt ssi  
ritus.*

interiora reuocat, cur pauore affectis cor tremat? Responf. Quia timor etfi calorem interiùs adigat, non eum ad cor, fed ad inferiores partes compellit. Etenim in metuentibus crassescunt, fiuntque grauiores spiritus frigore, quod parit imaginatio defectus ad resistendum imminenti malo, vt D. Thomas 1. 2. qu. 44. art. 1. edisserit.

4. C V R iis, quos subitus timor perculit, capilli horrent? Vnde *Virg. libro 3. v. 1.* illud nobilis poëta. *Obstupui, steteruntq; comæ, & vox faucibus hæsit.* R. Quia frigiditas, quæ calori in viscera præ metu fugienti succedit, spiracula cutis, & capillos stringit, qui pressi, strictique sursum eriguntur. Similiter obtremat vox, hæretque metu consternatis, quia formidæ vocis instrumenta calore destituta præstare officium nequeunt.

*Sitis quid.  
Pudor species  
timoris.*

5. C V R metuentes sitis inuadit, vt patet in iis qui dicendo conturbantur: sitite enim vehementer consueuerunt. Itaque labra eluunt, & non nihil absorbent. Idem etiam liquet in iis qui prælio victi fugam arripere. Namque graui siti se tunc fuisse oppressos confitentur. R. Quia collecto introrsus calore ardent viscera, humidumque absimitur, ex quo sequitur frigidi, & humidi appetitio, quæ est sitis.

*D. Thom.*

6. C V R pudor species timoris sit, definiaturque à Philosophis metus iustæ reprehensionis, cum rursus timor contrahat, & in oculum demergat, quoniam modo pudor sanguine diffundit, & faciem tingit ac rubefacit? Responf. Hæc difficultatem proposuit, sed insolutam reliquit Gellius libro 19. Noct. Attic. capit.

6. Eam tamen explicuit D. Thomas in 1. 2. quæst. 44. art. 1. in hunc fere modum. Cum se nobis obiciunt pericula, quæ non solum appetitui animali, sed etiam naturæ aduersantur, cuiusmodi est mortis discrimen: in tali metu non solum accidit contractio ex parte appetitus, sed etiam ex parte naturæ corporalis; proindeque reuocatur introrsus calor (de hoc timore paulò ante locuti fuimus.) Malum autem, quod verecundia extimescit, non opponitur naturæ, sed appetitui animali; ideoque sit tunc contractio secundum animalem appetitum, non secundum naturam corporalem, hoc est, refugit quidem appetitus obiectum pudoris, non tamen natura introrsum fugit ad se tuendum, cum id naturæ non sit aduersarium saltem directò; ideoque pudefactis diffunditur ad exteriore sanguis. Addit Macrobius, libro sexto. Saturn. capite vndecimo. Naturam pudore tactam ita sanguinem ante se pro velo tendere, vt videmus eum, qui erubescit, manum sibi ante faciem frequenter opponere. Fracastorius in libro de Sympt. & Antip. capite 12. ait quia verecundia versatur circa defectum proprium in præsentia alterius, ideo fieri motum sanguinis & caloris ad eas partes, quæ maximè laborant: laborat autem maximè facies in præsentia alterius, qui nostros defectus iudicat.

*Macrobius.*



7. C V R apud veteres philosophos in prouerbum abierat iram non habere, qui mentem non habeant? R. Duplex est ira, altera illiberalis, contumacisq; naturæ signum, quæ tendit ad odium, ad ultionem, ad contumeliam, & occasiones nocendi quærit, ac tempora. Altera, quam fortitudinis cotem dicunt, quæ sopitos animos erigit & ad rem gerendam exuscitat, quæ ex animo mollitiem, languorem, hebetudinemq; omnem exterminat, atque ad virtutem, & ad decus capessendum calcaria admouet. Non priorem iram, sed posteriorem commédabat vetus illa philosophantium paræmia.
8. C V R verecundia in adolescentibus ingenui animi signum habetur? R. Quia indicat cutâ defectus, qui timetur cuius proinde corrigendi spes est. Vnde qui arrogantes sunt, cæterosq; contemnunt, nec scelerum & propriorum defectuum curam habent, impudentes, & inuerecundi esse consueuerunt.
9. C V R capti oculis pletunque longè absunt à verecundia? R. Quia vt ex dictis constat, eorum nos pudet, quæ in propatulo sunt & quæ existimamus non probari iis, quos videmus, & quorum auctoritatem extimescimus. Vnde, vt refert Athenæus lib. 13. pudor in oculis esse dicitur. Quo respexit Socrates apud Platonem in Phædro, vbi de amore dicturus oculos tegit.
10. C V R vehementer irascentibus oculi rufescunt? R. Quia excitato ad cor feruore; sanguis tenuior in caput effertur, & ad oculos, in quibus, quia pellucidi sunt, vapores sanguinei facillè apparent.
11. C V R tristitia, seu dolor; & voluptas comites iræ sunt, vt docet Aristoteles 7. Ethicorum cap. 6. R. Comitatur iram dolor, quia ira oritur ex accepta iniuria, aliòve damno, cuius memoria dolorem facit. Sed altera ex parte nascitur voluptas quatenus illata vindicta, eiùsve inferendæ præmeditatio, iucunda est.
12. Q V I N A M suo pte ingenio audaces sunt? R. Qui multo sanguine, & spiritu abundant atque adeò natura calidi existunt. Namque in his anima strenuè operatur, & resistit, & in periculis; & si portio sanguinis, & spirituum in interiora se condat. bona tamen pars loco manet. Quare nec expallescunt, nec tremunt, vt alij. Quod si ante pugnam aliudve periculum, id faciant, mox animos allumunt, & timorem castigant. E contrario natura frigidi, & exangues, timidi sunt, vt senes, scæminæ, & melancholicorum genus.
13. C V R nimium audaces, initio, ante peticula promptiores sunt, in ipsis verò periculis timent, ac nonnunquam pedem referunt? R. Quia cum rei, quam aggrediuntur, difficultatem & magnitudinem non ante expendant, & omnia prosperè sibi cessura confidant, initio præcipites feruntur, postea in ipso congressu, inopinata periculi magnitudine deficiunt, & intimiditatem recidunt. Secus iis accidit, qui veta animi fortitudine com-

*Duplex ira.**Ira eos fortitudinis.**Verecundia signum ingenui animi.**Pudor in oculis.**Audaces qui.**Audaces initio præcipites, postea timidi.*

muniti sunt. Nam cum se, suasque res & actiones expendant, nec quicquam ultra, quam vires & recta ratio exigit, conentur; nihil eis improuisum accidit, cumque honestatis & decoris obtinendi ergo, sese in discrimen inferant; virtutis ardore, incitati cœpta persequuntur.

*Quæ dolor & tristitiam lenant.*

14. C V R dolor, seu tristitia fletu, contemplatione, somno mitigatur? R. Doloris acerbitas fletu mitescit, quia stragulat inclusus dolor atq; exstuat intus, cogitur & vires multiplicare suas: fletu autem diffunditur malum ad exteriora: & animi intentio quodammodo dissipatur, atq; ita dolor, vel omnino, vel ex parte deponitur. Accedit quod ea operatio, quæ affectioni, & statui præsentī congrua, & accommodata est, propter convenientiam, delectationem parit: homini autem tristitia affectu nihil magis cōsentaneum, & cognatum, quam fletus. Minuitur etiam tristitia contemplatione, & somno, tum quia hæc duo valde iucunda homini sunt, iucunditas verò tristitiæ aduersatur, eamque pellit: tum quia hæc cogitationem auocant à consideratione rerum, quæ tristitiam peperere.

*Contemplatio tristitiam minuit.*

15. C V R tam dolor, quā lætitia lachrymas excutiunt? R. Quia dolor auocato intus calore meatus stringit, qui humorem oculis contentum exprimunt. At lætitia diffuso calore meatus laxat quibus similiter oculorū humor egreditur. Sed cur lachrymæ quas dolor fundit, calidæ, quas lætitia, frigidæ sentiuntur? Nimirum quia dolor genas, quibus lachrymæ fluunt, frigidæ reddit, collecto intus calore: gaudium easdem calidas efficit calore ad cutem diffuso, vnde calidæ genæ frigidæ sentiunt lachrymas, frigidæ calidas: quia vnumquodque à suo contratio dignoscitur: & lachrymæ comparatione vnus subiecti calidæ sunt, comparatione alterius, frigidæ.

*Vide Cat. lib. 12. ca. 3. & 4.*

*De lachrymis.*

16. C V R qui gaudent ruborem ad cutem fundunt? R. Quia anima appulsu rei iucundæ spiritus, sanguinemque refundit; & vt Alexander 1. lib. problem. quæst. 13. ait. *Natura sponte res occurrat quæ grata extrinsecus accessit: quemadmodum nos amicis, obuiam vltro procedimus.*

*Similitudo causa amoris.*

17. S I similitudo benevolentiam conciliat, ac mater amoris dicitur: vnde Aristoteles 8. Ethic. cap. 1. ait simile appetere simile, & 2. Rhetoric. lib. cap. 11. recensens quæ quibus sint iucunda, scribit, vt plurimum ea natura sese delectari, quæ genere sint coniuncta, aut similia, vt hominem homine, equum equo, adolescentem adolescente: si inquam ita res habet, cur qui eandem artem profitentur, eiusdemque rei studio cognati, ac similes existunt, non raro mutuis sese odij impetunt: vnde prouerbiū: *figulus figulum odit: Faber fabro inuidet?* R. Quia benevolentiam quam artis similitudo conciliare deberet, in rixas conuertit, honoris, & pecuniæ æmulatio: ob idque in Symposiis Plutarchus vetat Sophistas, poëtas, cantores, & id genus hominum,

*Figulus cur figulum odit.*

ad conuiuia iungi, ne quid oriatur rixæ.

18. QVAMOBREM interdum amantes amentes fiunt? R. Tum ob alias causas: tum quia vehemens, & assidua cogitatio rei erga quam afficiuntur, spiritus in cerebrum euocat, & calore iis aduēcto cerebrum, atque interiorum sensuum officinas vltra modum accendit earumque temperiem dissoluit, qua dissoluta nequeunt potentix suis muneribus ritè, ac rectè fungi.

*Amantes  
amentes.*

## IN LIBRVM, DE LONGITVDINE, ET BREUITATE VITÆ.

*Quenam diuturnioris, & breuioris vitæ causæ sint.*

### CAPVT I.



VEMADMODVM vita in calido, & humido consistit, vt fuit à nobis superius explicatum: ita causa lōgioris æui in hisce duobus optimè temperati, idoneamque inter se proportionem habentibus sita est, & è conuerso causa vitæ breuioris in eisdem parum aptè commissis. Censetur verò hæc optimè temperata, cum humidum illud, quod æreum & tenax, ac bene cohærens esse oportet, haud nimis præualet, alioqui calorem obtundet, & extinguet, non secus, ac oleū sese effundens ellychnij flammam abolet. Item cum calor non ita excellit, & dominatur, vt humidum sua voracitate citius, quàm par est, depascat, & absumat. Opus est etiam vt humidum non multa excrementa, aut peregrinæ materiæ admixtionem in se cohibeat. Vt enim flamma olei fæce depasta, tetrica, & molesta est: sic naturæ munia à natiuo calore orta, si calor turbido, & excrementitio humido alatur, obscura sunt, imperfecta, inorbida parumque diuturna.

*De tempera-  
tione calidi  
& humid.*

SEOPRÆTER dictam humidi, & calidi temperationem, ac symmetriam, aliæ quoque sunt extrinsecus aduenientes causæ, quæ ad vitæ diuturnitatem, & breuitatem non parum conferunt. In primis cœlestium corporum influxus syderumque aspectus, & irradiatio, tam ea quam quisque in genitura & ortu suo habuit, quàm quæ ad regionem, in qua versatur, pertinet. Cum enim mundus hic inferior, vt 1. Meteor. cap. 2. Aristoteles ait, supernis lationibus obnoxius sit, ab iisque regatur, non dubium, quin viuientia pro ratione aspectuum, nunc beneficam qualitatem adtuenda corpora, aliàs aduersam, noxiàmque à cœlo accipiant.

*Cœlestis in-  
fluxus.*

*Aristot.*

Facit

FACIT quoque ad id soli, & regionis bonitas, aut inclemētia, teste Aristotele 4. de Generat. animalium cap. vltimo, siquidem hæc corpus assidue alterant, ac permutant, & nonnunquam eius substantiam nimio æstu dissipant, nunc frigore arefaciunt, & congelant. Propter cœli, solique fauorem in ea Indiæ parte, quam Onor vocant, indigenas longæuos, & integra valetudine esse pethibent, ita vt alij ad vigesimum supra centesimum annum cruda, viridique senectâ perueniant, alij etiam multo diutius viuant. Item in quadam Indiæ plaga narrat Plinius lib. 7. cap. 2. homines non expuere, non capitis, aut dentium, aut oculorum, ratò aliarum corporis partium dolore affici. Præterea gentem, quæ Pandore dicebatur, in conuallibus sitam annos ducentos viuere solitâ, in iuuenta candido capillo, in senectute nigro. Ad hæc in fastigio montis Athi scribit Solinus cap. 21. oppidum fuisse Achrotum nomine, in quo dimidio longior, quàm in aliis regionibus incolētium vita prorogaretur.

AD idem multum habet momenti ratio victus: si enim is temperatus sit, materiæ dilabentis fluxum commodè refarcit, vitamque seruat, & promouet: si modum excedat, alendi vires labefactat. Quod quotidiana docet experientia. Multi enim, etiam infirma valetudine temperantiæ beneficio diutius viuunt; multi sibi nimium indulgentes, ciborum, & potuum nimietate immaturè decedunt. His adde multa esse ciborum genera, quorum alij suapte vi corporibus detrimentum, & morbos afferunt, alij valetudinem tuentur. Lege Plutarchum in orationibus de esu carniū & in tractatu de præceptis bonæ valetudinis. Tandem solent vitam minuere labores intempestiui, animi perturbationes, profusæ corporis voluptates, frequentes curæ, assiduus mæror, cæteraque id genus, quæ aut natium calorem dissipant, aut coactum præfocant.

PORRO & si non vniuersim, frequentius tamen accidit, vt longiori vita fruantur animalia, quæ grandiora sunt, & sanguine prædita, & terrestria, quàm minora & exanguia: quæque in aquis degunt. Vt plurimum etiam diuturniora sunt quæ in calidis, quàm quæ in frigidis locis incolunt, & mares, quàm fœminæ, vt docet Aristoteles cap. 2. huius libri. Et verò quædam ex animantibus insignem vitæ breuitatem sortiuntur. Nam v.g. apud Hypanim fluuium in Pôto circa Solstitium oritur voluere quadrupes, quod vltra diem non superest, vnde Hemerobion vocatur, teste Plinio lib. 11. cap. 36. & ante Plinium Aristot. lib. 5. de Natura animalium, cap. 19. Alia præ cæteris longæua sñnt, vt cerui, & elephanti, quippe ceruos post centum annos viuere deprehensum est aliquibus captis cum aureis torquibus, quos Alexander Magnus apponi iusserat, vt refert etiam Plinius lib. 8. ca. 32. Elephantos vero ducentis annis, & quosdam tercentis superstites esse affirmat Aristot. lib. 8. de Histor. animalium, cap. 9.

Quorumad  
vita diutur-  
na.

Solinus.

QVO D ad arbores attinet longo æuo durant, & vltra ducentissimum annum olea, oleaster, cupressus, platanus, illex palma: & vt plurimum quæ natura tarde crescunt prolixè viuunt. Quæ vero celeriter adolescunt, cito occidunt, vt ficus, prunus, malus, myrtus, salix. Item aquaticæ celerius emoriuntur, præfæcundæ senescunt citius, odoratz, & quarum crispa materies est, viuaciores sunt.

## CAPVT II.

*Solutio problematum ad diuturnitatem breuitatēque vitæ pertinentium.*

**S**EQUITVR explicatio problematum, quæ ex proximè dictis oriuntur. Primum sit. Si humidi copia longioris vitæ causa est, cur homines præcipiti ætate, cum iam ad moriendum vicini sunt, humore scatent, vnde & frequentius excreant, & hæmate infestantur? R. Hi non aëreo, & vitali humido conspersi sunt: sed aqueo, & excrementitio, quod natium calorem interimit.

2. CUR humidum innatum beneficio humidi nutrimentitij non poterit ex æquo refarciri, atque in multa secula hominum vita prorogari? R. Semper id, quod in locum innati humidi reponitur deterius est, habetque se ad illud vt aqua ad vinum, quod sui permixtionē decolorat, & debilitat. Videlicet tribuit natura in primo ortu humidum longè melius, quàm vel artis industria, vel ciborum exquisita bonitate ascisci queat, quasi propria præstantissimi humidi officina sit maternus vterus eiusque natia materia, illa quæ viuētis formam primò excipit. Itaque ætatis progressu semper humidum illud primigenium, hoc est à vitæ primordiis insitum degenerat: præsertim cum & alimentum quantumuis salubre sit, & aliæ causæ externæ ipsum continenter oppugnent, & à primæua temperie deiectum assidue carpant, vt in libris de ortu, & interitu pluribus exponemus.

*Neque humidum innatum aequali bonitate refarciri.*

QVODNAM è quatuor temperamentis ad vitæ diuturnitatem aptius est? R. Quod obrinent ij quibus sanguinea complexio inest: hæc enim optimam calidi, & humidi permixtionem sortitur, cum in cæteris aliis qualitatū permixtio ad prorogandam vitam minus commoda cernatur, vt calor, & siccitas in temperie biliosa: humiditas, & frigus in phlegmatica: frigus, & siccitas in melancholica.

*Temperamentum quatuor.*

4. CUR dentium raritas breuioris vitæ indicium est? R. Quia vt Aristoteles docet in problematis sect. 10. quæst. 47. dentium raritas significat densum esse os capitis, vt pote in cuius substantiam abierit dentium materia, atque adeo testatur cerebrum

*Dentium raritas vitæ breuioris indicium.*

inualidum esse, quia minus sit respirationibus opportunū, profundēque faciliē putrefactum iri cū sua natura humidum sit. Nam & reliqua etiam dum non mouentur & torpent, neque exhalant, faciliē vitiū contrahunt, & tabescunt. His adde dentes raros, materiæ imbecillitatem, aut paucitatem arguere, quod debilioris naturæ argumentum est.

5. Cur bibones, & qui se frequenter vino ingurgitant mortem sibi accelerant? R. Quia ascititio calore humidum primigenium celeriter absument ipsumque natium calorem euanescente eius pabulo dissipant. Secus accidit iis, qui moderato vtuntur vino, quo natius calor iuuatur, & ciborum decoctio promouetur. Plato tamen 2. de legibus omnino vetat, ne ado-

lescentes ad annum vsque duodeuigesimalium, vinum bibant, & rectē quidem, ne si vini calor ad feruorem ætatis accesserit, ignem igni addant.

✱

F I N I S.



# I N D E X

## CAPITVM, QVÆ CONTINENTVR IN COMMENTARIIS LIBRORVM ARISTOTELIS, QVOS PARVA NATVRA LIA APPELLANT.



In librum de memoria, & re-  
miniscentia.

- C**aput 1. Quid, & quotuplex sit  
memoria. Pag. 3.
- Caput 2. Discutitur num memo-  
ria intellectiua proprie memoria sit,  
an non. pag. 4.
- Caput 3. Memoriam intellectiuam non  
esse facultatem re, aut essentia ab in-  
tellectu distinctam. pag. 6
- Caput 4. Memoriam sensitiuam conuenire  
etiam brutis, licet non omnibus. pag. 8
- Caput 5. Non esse negandum competere  
piscibus memoriam. pag. 9
- Caput 6. De organo memoriæ sensitivæ.  
pag. 11
- Caput 7. De actu memorandi, & remini-  
scendi. pag. 11
- Caput 8. De utilitate memoriæ, cuiusque  
admirande, & abstrusa vi. pag. 13
- Caput 9. Quibus rebus memoriæ bonitas  
constet, aut vitietur, & qui memoria  
laude floruerint aliquando. pag. 15
- Caput 10. Solutio aliquorum problema-  
tum ad memoriam spectantium. p. 17
- In librum de somno, & vigilia.
- Caput 1. Quidnam Somnus sit. pag. 20

- Caput 2. Quo pacto somnus fiat. pag. 21
- Caput 3. Finalis causa somni, cuiusque mul-  
tiplex utilitas, si moderatus sit: inco-  
moda, si immoderatus. pag. 25
- Caput 4. Quod somnus omnibus anima-  
libus competat, & num ab eo, an à vi-  
gilia vitam auspicemur. pag. 26
- Caput 5. Non fuisse à statu innocentie  
ablegendum somnum. pag. 27
- Caput 6. Quomodo animal expergiscatur,  
& à somno cesset. pag. 28
- Caput 7. De iis, qui dormientes obam-  
bulant. pag. 29
- Caput 8. quid causæ esse videatur, cur  
gallistrato noctis tempore expergescant,  
& canant. pag. 31.
- Caput 9. Solutio problematum, quæ ad  
somnum pertinent. pag. 32.
- In librum de Somniis.

- C**aput 1. quid sit somnum, & quo-  
modo accidat. pag. 36
- Caput 2. Alia ratio explicandi somnio-  
rum generationem. pag. 38
- Caput 3. De varijs somniorum generibus:  
pag. 41
- Cap. 4. De somnijs diuinis & demonia-  
cis, naturalibus & animalibus.  
pagina 41



Caput 5. De somnijs, quæ naturalia & animalia nuncupantur. pag. 43

Caput 6. Problematum ad somnia pertinentium dissolutio. pag. 44

In librum de Diuinatione per somnum.

Caput 1. Diuersa veterum philosophorum placita de Diuinatione per somnium. pag. 48

Caput 2. Aristotelis sententia. pag. 50

Caput 3. Quousque somniorum præfagia auscultanda sint. pag. 51

Cap. 4. Explicatio problematum ad somniorum præfagia spectantium. pag. 53

In librum de Respiratione.

Caput 1. De causa efficiente respirationis, & quo pacto respiratio fiat. pag. 55

Caput 2. Enucleatim explicatur quamam vi pulmones moueantur. pag. 56

Caput 3. De fine respirationis. pag. 58

Caput 4. Quibus animantibus respiratio conueniat. pag. 60

Caput 5. Opinio existimantium omnes in vniuersum pisces respirare, eiusque impugnatio. pag. 61

Caput 6. Quo pacto inter se conueniant & dissideant cordis, arteriarumque motus & respiratio. pag. 63

Caput 7. Solutio problematum ad ea, quæ proximis disceptationibus conclusa sunt pertinentium. pag. 65

In librum de Iuuentute, & senectute.

Caput 1. Varia ætatum discrimina. pag. 68

Caput 2. Ætatum consideratio secundum

astrologos, Pythagoram aliisque philosophos. pag. 69

Caput 3. Dissolutio problematum ad hominum ætates spectantium. pag. 70

Caput 4. De dentibus, quæ sit eorum materia, ortus, finis, varietas. pag. 73

Caput 5. Solutio problematum, quæ ad dentes pertinent. pag. 75

Caput 6. De capillis, quæ sit eorum materia, ortus, finis. pag. 76

Caput 7. De capillorum varietate. pag. 77

Caput 8. De caluitio & canitie. pag. 78

Caput 9. Dilutio problematum ad capillos spectantium. pag. 80

In librum de Vita, & Morte.

Caput 1. Quidnam sit vita. pag. 81

Caput 2. Frigus non concurrere per se ad actiones vitæ. pag. 82

Caput 3. Quid sit mors, quibus causis accidat, & quæ eius sint genera. pag. 83

Caput 4. De situ & figura cordis, quod vitæ fons dicitur. pag. 84

Caput 5. Quamobrem cor vitæ fons dicatur. pag. 86

Caput 6. Quod animi perturbationes à corde oriundæ, interdum noxam corpori, mortemque afferant. pag. 88

Caput 7. Solutio problematum ad cor spectantium. pag. 89

Caput 8. Dilutio problematum circa animi perturbationes, quæ à corde oriuntur. pag. 91

In librum de Longitudine & breuitate vitæ.

Caput 1. Quam diuturnioris & breuioris vitæ causæ sint. pag. 95

Caput 2. Solutio problematum ad diuturnitatem, breuitatemque vitæ pertinentium. pag. 97

# I N D E X P R Æ C I P V A R V M

R E R V M , Q V A E I N H O C

O P E R E P A R V O R V M N A -

T V R A L I V M C O N T I N E N T V R ,

in quo numerus paginam indicat, P. prin-  
cipium; M. medium; F. finem.

*Ætas.*



*Etatum varia discrimina.*

*pag. 68.p*

*Ætatum consideratio secundū*

*Astrologos, Pythagoram,*

*& alios.*

*pag. 69.m*

*Ætatum curricula non omnes eodem ter-  
mino concludunt.*

*pag. 68.m*

*Quære infantes, iuvenes, &c.*

*Anima.*

*A* *nima separata reminiscitur eo-  
rum, quæ in vita gessit.*

*pag. 4.p*

*Anima separata quo pacto recordetur  
singularium.*

*pag. 5.f*

*Anima separata infunduntur à Deo spe-  
cies in abcessu à corpore.*

*pag. 5.f*

*Anima nostra ut sit impressa imago Tri-  
nitatis.*

*pag. 7.p*

*Animal.*

*A* *nimalia aquatilia deterioris notæ,  
quàm terrestria.*

*pag. 9.p.m*

*Cur animalium creationem ab aquatilibus  
Deus inchoavit.*

*ibid.*

*Quæ animalia sint vitæ diuturnioris.*

*pag. 96.m*

*Ex animalibus calidissima esse aquatilia  
non rectè ab Empedocle dictū.*

*p. 9.f*

*Singulis animantium speciebus peculiaris  
instinctus.*

*p. 31.f*

*Animalia exanguia.*

*pag. 36.m*

*Animalia sine corde.*

*ibid.*

*Canities, & Caluitium.*

*C* *anities unde.*

*pag. 79.f*

*Capilli detecti cur seriùs canescant.*

*pag. 80.m*

*Qui noctis vnius spatium totus incanuit.*

*pag. 80.m*

*Caluitij causa.*

*pag. 79.p*

*Cur non omnes caluescunt.*

*pag. 79.m*

*Capillus.*

*C* *apillorum materia.*

*pag. 77.p*

*Capillorum generatio.*

*ibid.*

*Capillorum utilitas.*

*pag. 77.p*

*Capillorum varij colores unde.*

*pag. 77.f*

*Capillorum diuersitas.*

*pag. 78.p*

*Cerebrum.*

*C* *erebrum calidiùsne sit, an frigidū.*

*pag. 32.p*

*In Cerebro sensus communis residet, non  
in corde, ut visum est Aristoteli.*

*p. 21.f*

*Ex cerebro spiritus animales in externos  
sensus illabuntur.*

*ibid.*

*Cerebrum maius, quàm cæteris animan-  
tibus, datum homini pro magnitudine*

*sui corporis.*

*pag. 27.p*

*De cerebri frigiditate sententia Aristo-  
telis.*

*pag. 32.p*

*In cerebro quo pacto vapores addensentur.*

*Cor.*

*ibidem.*

*C* *or vitæ fons.*

*pag. 87.p*

*Cor di quantum detulerit Aristote-  
les.*

*pag. 40.m*

*Cordis motus.*

*pag. 63.f*

*Cordis motus similis conuersioni celesti.*

*pag. 65.m*

*Cordis, & arteriarum consensus.*

*p. 64.p*

*Cordis & arteriarum motus non dirigitur  
cognitione.*

*pag. 66.p*

*Cor refrigeratur arteriarum distictione.*

*63.f*

*Motus cordis, arteriarum, & respiratio  
conferuntur inter se.*

*pag. 64.f*

*Cor exemptum, cur aliquando pulset.*

pag. 66.p

*Cor di facultas vitalis, cerebro animalis, hepatis naturalis delegata est.*

p. 90.m

*Cor num aliquod graue vitiū aut noxam pati possit.*

pag. 45.m

*Cor grādi habetia, cur timidiōra.*

p. 90.m

*Quibus hirsutum & pilosum cor est, cur audaciores.*

pag. 90.m

*In corde residet appetitus concupiscentiæ,*

*& iræ.*

pag. 91.m

*Cor di situs.*

pag. 85.p

*Cor di figura.*

pag. 85.m

*Cor di triplex sinus apud Aristotelem.*

pag. 85.f

*Cor di muro.*

pag. 86.p

*Cor pulmonibus gratiam repēdit.*

p. 86.p

*Dilutio multorum problematum circa animi perturbationes, quæ à corde oriuntur.*

pag. 91.m

### Dentes.

*Dentium materia.*

pag. 73.f

*Dentes tota fere vitæ crescūt.*

p. 73.f

*Dentium ortus.*

pag. 74.p

*Dentium numerus.*

pag. 74.p

*Dentium diuersitas.*

ibidem.

*Dentium finalis causa.*

pag. 74.f

*Dentium putredo.*

pag. 75.m

*Dentes Aethiopum, cur candidi.*

pag. 75.f

*Dentium raritas breuioris vitæ signū.*

97.f

*Infantes, & pueri.*

*Infantium ætas.*

pag. 69.p

*Pueri cur parum memores.*

pag. 15.f

*Pueris infantibus num somnia accidunt.*

pag. 47.p

*Pueri maturius sapientes cur aut diu non viuunt, aut postea minus prudentes euadunt.*

pag. 71.m

*Cur infantes glabri.*

pag. 80.p

*Iuuentus, & Iuuenes.*

*Iuuentus quo anno terminetur.*

p. 69.p

*Iuuentus cui planeta secundum Astrologos subiiciatur.*

pag. 69.f

*Iuuentus ætati similis.*

pag. 70.p

*Iuuentutis robur num primi parentes esu*

*fructuum vitæ arboris perpetuo retinere potuissent.*

pag. 71.f

*Iuuenes cur melioris sint memoriæ, quàm*

*pueri & senes.*

pag. 19.f

### Memoria.

*Memoriā tribus modis accipi.*

p. 3.p

*Memoria sensitua.*

pag. 3.m

*Memoria intellectuina.*

pag. 3.f

*Memoriam intellectuina dari quibus ar-*

*gumentis constat.*

pag. 4.p

*Memoria intellectuina num propriè memo-*

*ria appellanda sit.*

pag. 4.m

*Memoriae sensitua organum, posterius*

*cerebri ventriculus.*

pag. 3.f & 11.p

*Memoriae organum quod temperamētum*

*exigat.*

pag. 7.m.

*A memoria oriri intelligentiam quo sen-*

*su D. Augustinus pronuntiarit.*

pa. 8.p

*Memoria sensitua, quibus brutis conue-*

*niat, quibus non.*

pag. 8.m

*Memoriam competere muscis.*

pag. 9.p

*Memoriam inesse piscibus, quæ indicia o-*

*stendant.*

pag. 9.f

*Memoria sensitua num duplex consti-*

*tui debeat.*

pag. 11.f

*Memoria duo actus.*

pag. 12.p

*Memoriae seu memorandi actus definitio.*

ibid.

*Memoriae res tantū præteritas subiici.*

ibid.

*Memoriae utilitas.*

pag. 14.m

*Memoriae admiranda vis.*

pag. 15.p

*Memoriae sapientiæ, & experientiæ ma-*

*ter.*

pag. 14.f

*Memoriae firmitas, quæ præstent.*

p. 16.p

*Memoriam quæ vitient, impedian, adi-*

*mant.*

pag. 16.p.m

*Memoriam quæ seruent, iuuent quæ.*

p. 16.f

*Memoriae noxia.*

pag. 16.f

*Memoriam excolendi ars.*

pag. 17.p.

*Memoriae insignia exempla.*

ibid.

*Memoria cur integræ quædam nationes*

*parum valent.*

pag. 19.p

*Memoria quorundam brutorum.*

p. 19.m

*Memoria intellectuina, & intellectus nec*

*re, nec specie differunt.*

p. 6.m.

*Dilutio argumentorum, quibus oppositū*

*ostendi videbatur.*

pag. 6.f

*Memoria diuturnior, cur melioribus.*

19.f

*Memoria cur in quibusdam ladatur non*

*lata imaginatione.*

pag. 19.f

*Memoriana.*

Memoriam sensitivam & phantasiam nõ  
esse potentias passivas tantum. p. 39. f  
Mors.

**M**ors quid sit. pag. 83. m  
Mors quibus causis accidat. p. 84. p  
Mortis genera. pag. 84. p  
Mors violenta. pag. 84. p  
Mors naturalis. pag. 84. m  
Noxam corpori mortemque, ut animi per-  
turbationes interdum asserant. p. 88. p  
Præmaturæ mortis signum senilis iuven-  
tis. pag. 71. m

## Pisces.

**P**iscibus datam animam pro sale scri-  
psit Philo. pag. 9. m  
Num id rectè dictum. pag. 10. f  
Non omnes pisces oviparos esse, sed quos-  
dam viviparos. pag. 10. m  
Piscium quorundam stratagemata, & ad-  
umbrata prudentia. pag. 11. p  
Recordari, & reminisci.

**R**ecordatio quo pacto animæ separa-  
te conveniat. pag. 5. m  
Reminisci quidnam sit. pag. 12. f  
Ad reminiscendam plura exigi, quam ad  
memoriam recordationempe. p. 13. p  
Ad actum reminiscendi q̄ requiratur. p. 13. m  
Reminisci non convenit brutis. pag. 13. p  
Qui celeritate ingenij valent facilius re-  
miniscuntur. pag. 13. p.  
Reminisci non convenit animæ sparatæ,  
& si recordatio conveniat. pag. 13. f

## Respiratio.

**R**espirationis causa efficiens. p. 55. p  
Respirationis instrumenta. p. 56. m  
Respiratio quo pacto fiat. pag. 55. f  
Respirationis due partes. p. 56. p  
Ad respirationis officium, quo pacto pul-  
mones moveantur. pag. 56. f  
Respirationis motus utrum naturalis, an  
voluntarius sit. pag. 58. p  
Respirationis finis. pag. 58. f. & 59. m  
Respiratio quibus animantibus competat.  
pag. 60. m  
Respiratio non omnibus piscibus convenit,  
ut quidam opinati sunt. pag. 61. p  
Senectus, & senes.

**S**enectus putredo quedam. pag. 72. m  
Senectus prima. pag. 69. p  
Senectus decrepita. pag. 69. p  
Senes cur obliuosi. pag. 15. f  
Senectus primo incurrit in memoriam.  
pag. 17. f

Senes cur timidi, incurui, tremuli, suspi-  
ciosi, illiberales. pag. 72. f. & 73. p  
Sensus.

**S**ensum communē, & eius thesaurū in  
diversa parte cerebri consistere. p. 7. m  
Nullum sensum in actione versari absque  
ope animalium spirituum. pag. 21. m  
Sensus communis organum in corde posuit  
Aristoteles: re tamen vera in cerebro  
incidet. pag. 21. f  
Spiritus animales in externos sensus in-  
fluunt. pag. 21. f  
Sensus communis thesaurum, qui phan-  
tasiam constituent. pag. 37. m  
Sensuum interiorum operatio in somniis  
imperfecta. pag. 44. f

## Somnium.

**S**omnium quid sit. pag. 36. m  
Somnia ad quos sensus internos perti-  
neant. pag. 37. m  
Somnia quo pacto ex sententia Ari-  
stotelis. pag. 38. p  
Non esse opus regressu imaginum ad som-  
nia. pag. 39. p  
Etiam in sonis hominē discurrere. p. 40. m  
Somniorum varia genera. pag. 41. p  
Somnia diuina. pag. 41. f  
Somnia demoniaca. pag. 42. f  
Somnia naturalia. pag. 42. m  
Somnia animalia. pag. 44. f  
Cur quidam in tota vita non somnient.  
pag. 47. p  
Somnium Salomonis. pag. 47. f  
De divinatione per somnium variæ opi-  
niones philosophorum. pag. 48. p  
Somniorum interpretatio, quam lubrica.  
pag. 49. f  
De somniis diuinis sententia Aristotelis.  
pag. 50. f  
Somniorum præagia quousque auscultā-  
da sint, sua explicatio. pag. 51. f  
Somnus

## Somnus.

**S**omnus quid sit. pag. 20.p  
 Somnus antiperistasis quadā. p. 24.m  
 Somnus cur dicatur mortis frater. p. 21.p  
 Cur nobis in somno, hoc est in maxima  
 vita quiete mortis effigies represen-  
 tetur, Tertulliani consideratio. p. 21.p  
 Somnus cur dicatur vinulum primi sen-  
 sorij. pag. 21.f  
 Somni tempore non ascendunt ē corde in  
 cerebrum spiritus animales. p. 22.f  
 De somni causa varia opinioniones. p. 22.f.  
 Somnum, quā conciliant. pag. 23.p  
 Somnus, cur facili post cibū obrepit. p. 28.f  
 Somnus, cur à natura institutus. p. 24.f  
 Somni encomia. pag. 24.f  
 Somni tempore externi sensus vacationē,  
 feriarum vice, inpetrant. pag. 24.f  
 Somnū omnib⁹ animalib⁹ cōpetere. 26.p.m  
 Somnus delphinū in summa aqua. p. 26.f  
 Somnū etiā in statu innocētia fuisse. 27.p  
 Somnus Alami. pag. 28.m  
 Excitatio à somno, siue expergefactio, ut  
 fiat. pag. 27.f  
 De iis, qui in somno obambulant. p. 29.f  
 A sono ut galli expergefacti ad cantū. 30.f  
 Somno cur facultas triendi nō ita eget,  
 & in otio nunquam est, cum alijs po-  
 tentijs secus accidat. p. 32.m  
 Somnium quā ratione lactuca inuehat, cum  
 frigida sit. pag. 33.p  
 Somnus primus cur arctior. pag. 31.m  
 Somnium cur labor inducit. pag. 32.f  
 Somnium cur tristitia adimit. pag. 34.f  
 Somnus cur tristitiam leuat. ibidem.  
 Sono cur calor ad viscera cogitur. p. 34.m  
 Somnus cur post subitā corporis exinaniti-  
 onē, deliquitū nōnunquā importat. p. 35.f  
 Somnus cur sudorem mouet. ibidem.  
 Somnus matutinus cur iucundior. p. 35.m  
 Species, siue imagines.  
**S**pecies rerū singulariū q negāt. p. 5.p  
 Per quas species recorderetur anima se-  
 parata rerum singularium. pag. 5.m  
 In parvelli & fluxa materia non conser-  
 uari species. pag. 9.m  
 Species non habent contrarium. p. 18.m

Species inuistæ sensibus, ut obscurantur  
 & effluant. ibidem.  
 Species dissultoria & euanida. ibidem.  
 Species cur nonnunquam obscuræ impri-  
 mantur, nonnunquam tenaces. p. 18.m  
 Non omnes species sensitiuas inherere in  
 spiritibus animalibus. pag. 19.p  
 Species, ut interdum lateant, interdum,  
 sese exerant. pag. 37.p. 38.m  
 Specierū regress⁹ ad efficiēda sonia. 37.m  
 • Spiritus animales, & vitales.

**N**illum sensum in actione versari  
 absq; ope animalis spiritus. p. 21.m  
 Non omnes species sensibiles in spiritibus  
 inherere. pag. 37.f  
 Spiritus vitales somni tempore non eua-  
 dunt in cerebrum. pag. 22.f  
 Spirituum ministerio & vehiculo defer-  
 rur calor. pag. 24.p. & 71.m  
 Spiritibus animalibus non eget nutritio-  
 ria facultas. pag. 32.m  
 Spiritus non sunt animati. pag. 38.p  
 Spiritus sensitiui in cerebro perficiuntur.  
 pag. 71.m  
 Spiritus & sanguis quā vi cieantur in  
 corpore. pag. 91.m  
 Spiritus metuentibus crassescunt. p. 92.p  
 Spiritus vitales in corde consiciuntur,  
 animales in cerebro. pag. 91.p  
 Vigilia.

**V**igilia quid sit. pag. 20.p  
 Vigilia immodica incōmoda. 25.m  
 Vigilia Aristotelis. pag. 25.f  
 Vigilia gruum. pag. 25.f  
 In eos, q noctes vigiliāt, dies dormiūt. 26.p

## Vita.

**V**ita quid sit. pag. 81.p  
 Vita quot modis accipiat. p. 81.p  
 Vita cur dicatur in calido & humido con-  
 sistere. pag. 82.p  
 Ad actiones vitæ, num per se frigus con-  
 currat. pag. 82.p  
 Vita fons cor. pag. 84.p  
 Vita diuturnioris & breuioris cās. 95.f  
 Ad diuturnitatem vitæ quodnam tempe-  
 ramentum sit aptius. pag. 97.f  
 Quenā viuētia longioris vitæ sint. p. 96.f